

U VHONA MULANDU

 Ndi a ni livhuwa, Murathu Neville. Kha ri vhe ro ima lwa tshifhinganyana zwino ri ite thabelo. Kha ri kotamise zwifhaṭuwo zwashu. Naa hu na khumbelo dzo ambiwaho, arali zwi tshi ḍo ḏivhea nga tshanda tsho imiswaho, kha Mudzimu fhedzi, ha pfi, “Ndi—ndi...”? Farani ṭhalukanyoni yanu zwine—zwine na ḫodou Mu humbelala, huno ni zwi tende nga mbilu yanu yothe, musi ndi tshi nekedza thabelo yanga u itela inwi, na inwi-vho.

² Khotsi wa Taḍulu, ri...dzhia izwi zwi pfanelo, u ḫa kha nndu ya Murena, nga ḫino ḫuvha ḫo nzwinzwimalaho, huno—huno ra wana Murwa-Tshedza wa Mudzimu a tshi khou penya, huno ra pfa Muya Mukhethwa u tshi khou imba nga kha vhathu, nahone u tshi khou amba nga vhathu, hu tshi tou vha tshi—tshigwada tshiṭuku tsha Murwa-u-penya ngomu. Ri a U livhuwa kha hetshi, Murwa-u-penya wa Taḍulu u mona na mbilu dzashu. Ri U livhuwa hani ngazwo! Zwino vha...

³ Vhathu Vhau vha kha di bvou imisa zwanda zwavho tshivhidzoni itshi, uri vha na dzikhumbelo, uri vha ḫo tama zwauri Iwe u vha fhindule nga matsheloni ano. Huno ndi a rabela, Khotsi, zwauri U tendele iñwe na iñwe ya khumbelo dzavho. Hu na nnzhi nga maanda, dzo ḫophekanaaho kha desike, na khumbelo nnzhi nga maanda huñwe na huñwe, dza vhathu vha lwalaho, vha no khou tambula; luṭingo, tshikhala tshilapfu, dzi no ḫodou swika futhanu nga ḫuvha. Oo Mudzimu, naa ri ḫo itani? Itou ri ranga phanda, Murena. Rine—rime a ri ḫivhi ndila ine ra tea u tshimbila khayo kana zwine ra tea u ita, fhedzi Iwe u nga kona u nea izwi zwithu ndaela, huno ri rabela uri U ḫo zwi tendela kha rime. Ngauri, ndi—ndi ndivho yashu, Murena, uri vhutshilo vhune ra vha naho kha ḫifhasi vhu nekedzelwa rime nga Iwe, huno ri ḫodou vhu shumisa u hulisa Iwe ngaho. Zwino Iwe ri endedze kha izwo zwithu, Khotsi.

⁴ Ri fhaṭutshedze namusi musi ro kuvhangana rothe u pfa Ipfi la Murena, u imba dzinyimbo, u ita thabelo. Ipfa thabelo dzashu. Takala na rime nyimboni dzashu, nahone u ambe na rime nga kha Ipfi, ngauri ri zwi humbelala Dzinani la Yesu. Amene.

Ni nga dzula.

⁵ A thi tou ḫivha huñwe-vho fhethu hune nda ḫo u dzhia hu pfanelo khulwane u ima hone, u fhira zwine zwi nga vha zwone u ima phu—phuluphithini, u ḫwatela vhathu vho lindelaho, vha re na ndala, vha re na ḫora Tshinnkwa tsha Vhutshilo. Huno iyi ndi pfanelo khulwane.

⁶ Tsha u thoma, ndi do ṭoda u vhudzisa arali—arali muñwe-vho wa muña wa ha Wright e fhano, Hattie kana Orville, kana muñwe-vho? Hattie. Naa Orville u na inwi, Hattie? Zwo luga, mu vhudziseni arali a tshi do da ngei nduni, nga u ṭavhanya, malugana na zwe nda mu vhudza, ni a ḋivha. A dale ngei nduni, arali a tshi kona. Ndo hangwa u da natsho, nga matsheloni ano, tshiñwe tshithu tsha mbwanana yavho ine vha vha nayo heneffho. Ngauralo ndi—ndi tou... Arali ni tshi funa, itonu reila ni fhire heneffho nduni musi ni tshi bva ni tshi ya kha—kha yanu tshu...nga murahu ha tshumelo.

⁷ Huno zwino, Edith, murathu wa Hattie, ane ra mu ḋivha sa musidzanyana wa muholefhalu u bva tshe a vha lu—lushie. Huno ndi musadzi zwino, huno u nga tshivhumbeo tsho vhifahalo nga maanda. Zwino nne, ḥwaha wo fhiraho u tshi todou fhela, ndo tsela henengei phasi he a vha na tshifhinga tshawe tsha u awela tsha u thoma, huno nga kathihi fhedzi nda wana uri u na thaidzo-de, nga pfariso na tshilidzi tsha Mudzimu. Zwino, zwa vhukuma, ḥwana o vha e na thaidzo-de...

⁸ O dzula, milenzhe yawe yo kuñana, huno ha koni u i fhandekanya, ndi nga nthani ha mutsiko muhulusa kha sis—sisteme ya luṭaledzi. Fhedzi, zwine zwa vha zwone, a hu na tsho khakheaho muvhilini wa ḥwana, nga nn̄da ha u tambudzwa nga vhuomamirado ya lutshetshe musi o vha e na miñwedzi ye ya vha i tshi ṭodou swika ya rathi. O zhamba nahone a lila vhutshiloni hawehothe, kaṭukuṭuku, u swika... Ro mu rabelela miñwaha minzhi yo fhiraho, huno—huno o vha o takalaho u bva tsheetsho, u swika ḥwaha wo fhiraho u tshi ṭodou fhela.

⁹ Huno zwino zwa vhukuma ndi magumo a mañambo. Nga mañwe maipfi, u shanduka ha vhutshilo haweho, huno vhuṭaledzi haweho vhu kha nyimele khulusa. Huno mufumakadzi muñku ṭhalukanyoni yawe u zwi dzhia zwauri u khou fa, ha—ha khou yo tshila, u tou bva kha iñwe awara u ya kha iñwe. Huno ni a ḋivha. Huno vhasadzi vha re na mutakalo, vho khwaṭhaho vha na tshifhinga tshi ofhisaho, tshiñwe tshifhinga vha tea u dzhia dzhegiseni dza khemiki, huno—huno vha dzhena kha zwiimiswa, huno vha dzhia dzilafho ja dzhenuwo na tshiñwe na tshiñwe, tshifhingani itsho.

Muthu u na tshanduko mbili dza vhutshilo.

¹⁰ Vha na tshanduko ya u bva kha mutukana u ya kha mu—munna; u bva kha musadzi...u bva kha musidzana u ya kha musadzi. Vha tshi ṭodou swika miñwaha ya fumirathi, ya fumisumbe nga vhukale, vha vha no nga tshigwada tsha vhathu vha sa fulufhedzei. Huno—huno arali ni tshi nga tou vha kondelela vhukaleni uho. Ndi na ḥwananyana a re kha uho vhukale zwa zwino, Rebekah. Mu rabeleleni. Huno Billy,

oo, muñwe na muñwe washu, ri a ḏa ra fhira kha uho vhukale vhuñku vhu songo dzudzanyeaho. Huno—huno ngauralo ri fanela u vha kondelela, ri tshi ṭalukanya uri ndi tshiñwe tshithu tshine—tshine vha—vha tea u fhira khatsho.

¹¹ Huno zwino, Edith, e na u sokou shanduka uhu ha—ha—ha miñwaha ya sumbe. Miñwahani miñwe na miñwe ya sumbe, vhuñshilo hanu vhu a shanduka. Ngauralo ndi sumbe na andisa nga sumbe, ni a vhona, huno—huno zwi zwi ita uri zwi nge u kondā, huno iyo ndi tshanduko yo fhelelaho. Huno i—i dina vhasadzi. Kanzhi vhanna vha vha na vhuñifari vhusili tshifhingani itsho, huno tshiñwe tshifhinga vha tutshela vhfumakadzi vhavho. Fhedzi vhasadzi a vha—a vha tsha beba nga murahu hayo. Huno rothe ri fhira khayo, huno ri fanela u elelwa uri ndi zwithu zwine ra fanela u zwi kondelelana, nahone izwo zwithu ra zwi pfesesa.

¹² Huno Edith muñku o dzhena kha nyimele iyi, nahone tshileme tshawe tsho no tsa nga maända, huno u vhonala a si wavhuñi. Huno—huno—huno ndi a ni vhudza, vhuñwe vhusiku, hu si vhoñwi no ṭangana, fhedzi hu tshi tou vha lwendo luñuku phasi... Vha dzula nae, masiari na vhusiku. Huno lwe—lwendo luñuku henengei phasi u bva kha iyi thaberenakele na—na thaberenakele dzo fhambanaho, tha—thaberenakele dzi re nthihi thano, vhañwe vhañu tselani phasi huno ni vhone muñwa ha Wright. Ndi na ngoho uri vha do zwi takalela. Itonu tsela phasi, ni dzule navho lwa tshifhinganyana, huno na amba navho, na khañana navho, nahone arali hu si madalo mañku a vhuñkonani.

¹³ Ri—ri hangwa hezwo nga ndila i leluwaho nga maända, ni a ñivha. Huno musi zwi tshi da kha haya hashu, zwenezwo ri a zwi takalela. Huno ri fanela u elelwa, vhañwe vha a zwi takalela, na vhone-vho. Huno vha muñwa wa ha Wright, ndi na ngoho, hezwo vha do zwi takalela. Ndi—ndi a ñivha uri no vha ni tshi do vha no zwi ita arali no vha no ñivha uri ho vha hu na iyi nyimele. Fhedzi a no ngo zwi ñivha, ngauralo ngau—ngauralo-ha ndo vha ndi tshi khou ni vhudza matsheloni ano, nga hazwo.

¹⁴ Iyani nahone ni dalele muñwa wa ha Wright, huno ni lingedze u takadza Edith. Zwino, ni songo mu vhudza uri u vhonala e si wavhuñi. Mu vhudzeni uri u “vhonala e wavhuñi,” u “khou yo vha wavhuñi.” Zwine, u do luga arali ra tou dzulela u mu humbelela. Hezwo ndi zwe ra dela zwone. Ndi khaladzi ashu, huno—huno ri fhano u humbelela uyo ñwana kha zwino zwifhinga. U tou fana na musi ndi tshi ṭoda muñwe a tshi nkhumblelela huno a rabela musi ndi tshi kha di vha milingomi yanga, huno inwi ni ṭoda muñwe u itela yanu.

¹⁵ Huno—huno muñwa wa ha Wright wo vha mu—mulapfu... muñwe wa mirado yo aluwesaho i no ḏa khuvhanganoni ino.

Vhone, ndi a humbulela, na Mukomana Roy Slaughter na Khaladzi Slaughter. Ndo vha vhona zwifhinganyana zwi si gathi two fhiraho, nda vha imisela tshanda musi vha tshi dzhena. Nda elekanya, nne muñe, ndi tshi khou reila u mona na khuda, "Naa ndi miñwaha mingana ndo vhona Mukomana na Khaladzi Slaughter vha tshi dzhia vhuimo havho tshivhidzoni itshi, nga kha u ya nñha na fhasi, nahone vha tshi kha di ambuwa?" Huno muña wa ha Wright, nahone nga u ralo, inwi ni vha takalele avho vhatu, ni a vhona. Huno kha ri—kha ri sumbedze u vha takalela hashu khavho.

¹⁶ Zwino, ñamusi, ndi na Mulaedza mulapfu. U malugana na u vhona mulandu.

¹⁷ Huno—huno zwenezwo, madekwana a ñamusi, ndi pfa uri hu na tshilalelo na u ñanzwana milenzhe, na zwiñwe-vho. Ngauralo mufunzi u ðo amba, huno ri ðo tea...ri ðo tsela fhasi. Huno arali inwi—arali inwi ni tsini, idani huno ni diphine nga mu—mulaedza u bvaho ha mufunzi, u bvaho ha Murena, nahone zwenezwo u bvaho kha u ñanzwana milenzhe na—na tshilalelo, madekwana a ñamusi. Vhu ðo vha vhu—vhusiku ho tsitsikanaho vhukuma, ngauralo ri ðo takalela u vha na inwi, arali ni si na huñwe fhethu hune ni nga ya hone.

¹⁸ Huno ri todou takalela Don Ruddell, na—na mukomana washu, na Mukomana Jackson. Huno—huno avha vharathu ndi zwivhidzo zwi re murathu, khaladzi zwi re zwithihi. Mukomana Jack Palmer nga hangeno, ane a londota tshi—tshigwada ngei Georgia. Huno ri—ri—ri ðodou takalela avha vhanna nga mbilu dzashu dzoþhe. Ngauri, zwifhinga zwine ra vha na dzitshumelo, musi ndi tshi dzhena, huno vha—vha tshi ða u ri dalela, nahone ri a zwi takalela.

¹⁹ Ndi a vhona, matsheloni ano, khonani yanga yavhudzi, Dokotela Lee Vayle na mufumakadzi wawe. Ndo limuwa Khaladzi Vayle hangei, u thoma, huno nda dzulela u sedza u mona hoþhe uri ndi vhone hune Mukomana Lee a vha hone. Huno ndo wana lone, zwine liambele la kale la Tshipembe, "funguvhu uri li tshotshonye nae," ni a vhona, musi ndo mu wana. Ndo mu ðoda ðuvha liñwe na liñwe, kha iyo khuvhangano, u vha henengei fhasi u mpfarisa. Huno ndo ri, "Zwo ralo, arali Lee a tshi ða, i ri ni a rere, huno nne ndi ðo tou itela vhalwadze thabelo." Huno ro mu vhidza, na tshiñwe na tshiñwe-vho, huno ra sa mu wane. Ngauralo, nne—nne, ndo tshi wana, tshivhangi tsha u ñata khani nae, musi ndi tshi ya u amba. Huno ri a takala u vha na Mukomana na Khaladzi Vayle ngomu, matsheloni ano.

²⁰ Huno khamusi hu na vhanzhi vho engedzeaho fhano vhane ra si vha pfesese. Ndi vhona khaladzi fhano, ndi a tenda, u bva Chicago. Ndi nga si...ndi ðivha tshigwada tsha fhano, fhedzi

ndi nga si tou kona u vhidza madzina avho kokotolo. Ngauralo ri—ri a vha takalela vha tshi bva huńwe na huńwe, huńwe na huńwe hune na vha hone.

²¹ Ndi vhona vharathu fhano, vhatu vhavhili vhaswa vha no tea u odeiniwa (vhaswa mushumoni, nga zwiłuku) matshelomi ano. Vhavhili, vharathu vhashu vha makhaladì vha bvaho n̄tha ngei New York, vha kha di bvou Łanganedza ndalukanyo dzavho nga kha tshivhidzo tsha Filadelfia, huno vho ńekedzelwa itshi tshivhidzo sa hune vha bva hone. Huno ri khou yo vhea zwanda khavho, uri Mudzimu a fhańutshedze mushumo wavho ngei New York. Ri na zwivhidzo zwivhili kana zwiraru zwiłuku henengei n̄tha, ndi a tenda. Mukomana Milano u na tshińwe tsha zwigwada zwiłuku henengei, huno ri...ri a vha takalela. Huno—huno fhano hu na vhavhili vho engedzeaho vha no khou ya nn̄da zwino u ita, u vha na dzitshumelo u itela vhatu henengei. Huno rińe—rińe ri a zwi takalela hezwi zwithu.

²² Murena a ni fhańutshedze nga maanda. Ndi vhanzhi nga maanda; ndi sedza u mona hothe huno ndi vhona vho fhambanaho, huno ni nga si tou kona u vhidza madzina avho othe, fhedzi ndi a ćivha uri U a pfesesa.

²³ Zwino, ndi a tenda, uri arali khaladzi ashu, mutambi wa piano, kana muńwe wavho u do da ngeno huno a ri tambela yone.

Musi simbe ja Mulilo lo no kwama
muporofita,
Li tshi mu kunakisa lwa u kuna,
Huno musi ipfi ja...ipfi ja Mudzimu lo ri,
“Ndi nnyi a no do ri yela?”
Zwenezwo a fhindula, “Ndi hone fhano,
nthume.”

²⁴ Musi, ri tshi odeina avha vhashumeli nga u vhea zwanda. Zwino, ri a limuwa zwauri ndila ya Luńwalo ya u odeina mushumeli ndi ya u vhea zwanda. Ndi elekanya uri afho ndi he vharathu vhashu vha Mvula ya Tseula, kana vhatu vha Battleford, na vhańwe-vho, vha vhilengana hone; huno musi izwo vho no zwi vhona, u vhewa ha zwanda, u kovhela zwifhiwa zwa myua. Zwino, rińe a ri tendi uri zwifhiwa zwi da nga u vhea zwanda. Ri tenda uri... u vhewa ha zwanda ndi u tikedzwa ha zwe ra vha ro no zwi vhona. Ni a vhona? Ndi “amene.” Ni a vhona?

²⁵ Zwino, musi vho no vhea zwanda kha Timotheo, na kha avho vharathu, vho dzhieila nzhele ngomu havho uri hu na tshifhiwa. Eelwani, “Dugedzani tshiła tshifhiwa tshe tsha vha tshi kha inwi, tshi bvaho kha makhulu wańu vha mukegulu Lois.” Huno itshi vho tshi vhona kha Timotheo, huno ngauralo-ha vhahulwane vha vhea zwanda khae nahone vha tshi khou mu odeina. Hu si ni u vhea zwanda kha muthu we ha sa vhuye ha sumbedzwa tshithu, ni a vhona. Huno

vha tou humbel a dziphathutshedzo. Huno rōthe izwo ri a zwi tenda. Ngauralo a ri kovhi zwifhiwa zwa maya; ri tou zwi limuwa fhedzi, huno ra vhea zwanda khavho, u vha nea thendelo, ya uri ri tenda uri Mudzimu o itela vhathu zwithu zwo raloho.

²⁶ Ndo dzhieila nzhele, matsheloni ano, henengeyo murahu, Mukomana McKinney a bvaho... ndi tenda uri ndi Kinney kana McKinney, mushumeli wa Methodisi o dzulaho ngeyo murahu, ane a vha uri a si kale-kale o odeiniwa fhano, na ene-vho, ndi tenda uri izwo zwo vha heneffo, kha pulatifomo; u itela uri a yo shuma ngei nthia Ohio, na Mukomana Dauch na Khaladzi Dauch, na tshigwada tshi bvaho Ohio.

²⁷ Oo, musi ri tshi kuvhangana rōthe, afha fhethu hūtuku hu tshi kuvhangana, zwi a mangadza. A hu na dinomineisheni; a hu na zwivhofhekanyi zwa tshithu, fhedzi kha Yesu Kristo fhedzi, ndi zwenezwo fhedzi, ni a vhaba, u tou "dzula rōthe fhethu ha Tađulu."

²⁸ Zwo luga, khaladzi, arali ni tshi do ri nea... Kha ri tou imba iyi ndimana nthihi ya holwo, "Musi simbe ja Mulilo lo no kwama muporofita." Kha ri lu imbe rōthe zwino.

Musi simbe ja Mulilo lo no kwama
muporofita,

Li tshi mu kunakisa lwa u kuna,

Musi ipfi ja Mudzimu lo ri, "Ndi nnyi a no do
ri yela?"

Zwenezwo a fhindula, "Ndi hone fhano,
nthume."

Ambo, Murena wanga, ambo, Murena wanga,

Zwino vharathu vha do da, arali ni tshi funa.

...huno ndi do ḥavhanya u ara-...

²⁹ Vhañwe vhakomana vha re vhashumeli kha vha de, arali vha tshi funa, avho vha no khou yo vhea zwanda khavho. "... Murena wanga..." Vha no konana na thaberenakele fhano, Mukomana Ruddell, Mukomana Lamb, na vhañwe. Heneffha hafha, arali ni tshi do zwi funa.

...huno ndi do aravha, "Murena, nthume!"

Zwino nga u ongolowa, ndi a humbel a.

Oo, milioni dzi re tshivhini zwino na kha
thoni dzi khou lovha;

Thetshelesani tshililo tshavho tshi
tungufhadzaho nahone tshi vhavhaho;

Ṭavhanyani, vharathu, Ṭavhanyani u vha
farisa;

Aravhani nga u Ṭavhanya, "Muñe, ndi fhano."

Amba, Murena wanga, amba, Murena wanga,
 Amba, huno ndi do U aravha nga u ḥavhanya;
 Amba, Murena wanga, amba, Murena wanga,
 Amba, huno ndi do aravha, "Murena,
 nthume."

³⁰ Naa dzina ḥanu ndi nnyi, mukomana? [Mukomana u ri, "Orlando Hunt." —Mudz.] Mukomana Orlando Hunt, a bvaho New York City. Naa izwo ndi zwone? Huno Mukomana... [Muñwe mukomana zwenezwo u ri, "Joseph Coleman."] Joseph Coleman.

Zwino arali ni tshi do tou rembulutshela kha vhathetshelesi, vharathu vhanga.

³¹ Mukomana Hunt na Mukomana Coleman, mbidzo ya Mudzimu kha mbilu dzavho. Huno vhunga ri tshi kha di bva u imba luimbo, "Hu na milioni dzi re tshivhini zwino na kha ḥoni, dzi no khou fa." Vho pfa itsho tshililo tshi ḥungufhadzaho nahone tshi vhavhaho. Huno ri a vha humbelala: ḥavhanyani, vhakomana, ḥavhanyani u vha farisa! Ni a vhona, aravhani nga u ḥavhanya, "Mune, ndi fhano." Iyo ndi n̄dila ine vha khou aravha ngayo, matsheloni ano.

³² Huno vhunga riñe, sa vharathu vha tshino tshivhidzo, na itshi tshigwada, izwi ri tshi zwi nea thendelo, nga u vhea zwanda zwashu khavho huno ri tshi vha nea maanda a vhuṭama, uri vha vhe ḥanzi dza Yesu Kristo, nga thikhedzo yashu fhano, ya uri ri do vha farisa kha tshiñwe na tshiñwe tshi huliseaho nahone tshi re tshone, kha Mafhungo-madifha. Thabelo dzashu dzi do itelwa avha vhanna lu sa fhidzi, uri Mudzimu u do vha shumisa u Mu hulisa. Huno ngavhe mishumo yavho i tshi pfuma nahone ya vha mihulwane ngei New York. Ngavhe vhutshilo havho—havho vhu tshi dala tshumelo Khae, vhu tshi disa khulané dza vhuthogwa kha Muyhuso. Ngavhe vha tshi tshila vhutshilo vhulapfu, ha dakalo. Ngavhe Murena Mudzimu a tshi vha tingeledza nga Vhuhone Hawe ha lini na lini, huno a vha nea mutakalo na nungo, nahone a ita uri vha dzule vha tshumeloni Yawe u swika Yesu Kristo a tshi do vha vhidzela Hayani Hu Sa Fheli havho Ṭadulu ha vhuawelo.

³³ I ri ni itshi tshivhidzo zwino... musi ri tshi kotamisa zwifhaṭuwo zwashu, huno riñe vhashumeli ri tshi ya phanda u vhea zwanda zwashu khavho.

³⁴ Khotsi ashu wa Ṭadulu, ri vhea zwanda zwashu kha Mukomana Hunt, nga Dzina ḥa Murena Yesu Kristo, nga zwe ra divha nga hae, Murena, uri o vha o lugaho. Huno ri a U livhuwa kha iyi mbidzo vhutshiloni hawe, ya mushumo. Murena, amba nga kha uyu mukomana, u wine mimuya, disa phuluso, Murena, kha avho vha re vhuthubwani, vhulwadze hothe na—na ha muhumbulo, na muvhili na muya. Murena,

mu ^{nee} mushumo wa vhukuma, uri a kone, magumoni a ^{ndila} yawe, a sedze murahu fhasi nga uvho vhūtalā vhulapfu huno a vhone zwauri o kona, nga tshilidzi tsha Mudzimu, u fara swina liñwe na liñwe. Nga Yesu Kristo Murena washu, ri a zwi humbela. Amene.

³⁵ Kha Mukomana Coleman nahone ri vhea zwanda zwashu, sa dzithanzi, Murena, u ^{ne}a thendelo kha mbidzo yawe, ya uri riñe, tshivhidzo itshi, tshigwada itshi tsha vhathu, ri tenda khae sa mulanda wa Kristo. Huno ri humbela uri U mu fhañtshedze nahone u mu ^{nee} mushumo muhulwane, wa maanda, uri a U winele mimuya, Murena, huno a phuluse vho thubwaho, nahone—nahone a vunde maanda a Sañhane, kha vhutshilo ha vhathu vhane a konana navho. Mu ^{nee}, Murena, vhutshilo vhu añwaho mitshelo, mutakalo wavhuñi na nungo. Huno, nahone-ha, musi a tshi ña magumoni a ^{ndila}, Mudzimu, tendela uri a kone u sedza fhasi vhūtalani vhulapfu huno a vhone he, nga tshilidzi tsha Yesu Kristo, a kona u vunda tsimbi iñwe na iñwe ya swina, uri Mudzimu a huliswe.

³⁶ Khotsi wa Tañulu, ngavhe avha vhanna zwino vha tshi tshila ngaurali nahone vha shuma khanoni ya Mudzimu. Ngavhe phañtshedzo Dzau dzi tshi vha khavho nahone dza vha navho u swika tshifhinga tshire rothe ra kuvhangana milenzheni ya Muñe washu muhulwane. Dzinani la Yesu Kristo ri a zwi humbela. Amene.

³⁷ Mudzimu a ni fhañtshedze, Mukomana Hunt, a ni ^{nee} mushumo u añwaho mitshelo. Mudzimu a ni fhañtshedze, mukomana, nahone a ni ^{nee} mushumo u—u añwaho mitshelo, na inwi-vho, Mukomana Coleman. Mudzimu a ni fhañtshedze. Hafhu:

Musi simbe la Mulilo lo no kwama
muporofita,
Li tshi mu kunakisa lwa u kuna,
Musi ipfi la Mudzimu lo ri, “Ndi nnyi a no ño
ri yela?”
A mbo aravha, “Ndi fhano, nthume.”
Oo, amba, wanga... (Ngavhe A tshi amba
na mbilu nnzhi ntswa)... amba, Murena
wanga, (Ndo vhidzwa nga Mudzimu!)
... huno ndi ño ñavhanya u U aravha;
Amба, Murena wanga, amba, Murena wanga,
Amба, huno ndi ño aravha, “Murena,
nthume.”

³⁸ Nga ^{ndila} ine ra livhuwa Murena matsheloni ano kha iyí khuliso khulwane, ya tshivhidzo tshi tshi ñanziela u rumelwa nnđa ha vhashumeli mudavhini nga liño ñuvha la u fhedzisela. Tshilidzi tsha Mudzimu nga tshi ñuwe na inwi, vharathu vhanga! Ndi fulufhela uri U ni ruma midavhini isili

na shangoni lōthe, ni tshi khou rera lupfumo ulu lu sa londei lwa Yesu Kristo, hune lwa ṭodeesa. Li khou ṭodeesa, shango lo ralo ḥamusi.

³⁹ Zwino, vhunzhi ha izwi zwithu zwavhudī, ri khou tea u dzhia zwituku *hafha* na zwituku *afho*, uri ri kone u zwi wana zwōthe tshumeloni matsheloni ano. Zwino ḥamusi rīne ri... ndi khou amba nga ha thoho ye nda... tshiñwe tshifhinga a thi takaleli u sendela kha izwi zwifhinga zwi shushaho vhukuma.

⁴⁰ Zwino, Swondaha yo fhiraho, arali vhañwe vhanu vho vha vha siho fhano huno—huno vha songo wana Mulaedza wa *Mupfuluwo Wa Vhuraru*; huno arali ni tshi takalela dzitheiphi, ndi tenda uri ni ḫo diphina nga heyo, *Mupfuluwo Wa Vhuraru*.

⁴¹ Naa ri na mini, mutukana a lwalaho fhano, kana tshiñwe tshithu? Oo, mutukana muñku, wa muholefhali. Iina. Ngavhe Mudzimu a tshi mu fhañutshedza. Izwo ndi zwone. Zwo luga. Henenyeo magumoni a tshumelo, ri ya ra rabelela vhalwadze, naho zwe ralo, ni a vhona. Ngauralo rīne, zwino, rīne ri...

⁴² Ri a ni humbelā, khamusi arali ni tshi kona, u wana Mulaedza, nga ha *Mupfuluwo Wa Vhuraru*, lwa vhuraru musi Tshedza, Muruñwa wa Murena we a vhidzela vhathu kha mupfuluwo, o Divhonadza kha lifhasi, kha mupfuluwo. Ni a vhona? Ndi elekanya uri izwo zwi a kanukisa vhukuma, kha nñe: mupfuluwo wa vhuraru!

⁴³ Naa ni nga vhilaela arali nda bvula badzhi yanga? [Tshivhidzo tshi ri, “Hai.”—Mudz.] Hu a fhisa lu ofhisaho thaberenakeñeni matsheloni ano, huno tshirothodzi tsha maya tshi tshōthe tshine ra vha natsho ndi—ndi tshine ni nga vhudzula. Ni tea u bveledza maanda añu. Ngauralo ri khou pulana uri, liñwe ḫuvha, ri džhenise sisteme i rotholelaho ngomu hafha, zwenezwo ri tshi nga ita uri zwithu zwi dzudzanyee.

⁴⁴ Zwino, ro vha ri tshi do takalela, arali—arali ni tshi takalela u—u pfa Mulaedza, *Mupfuluwo Wa Vhuraru*. Zwino, ro no vha na mipfuluwo minzhi, fhedzi ngoho-ngoho ri nga vhea tshanda tshashu kha fhethu, tshifhinga, tsha mipfuluwo miraru ye Mudzimu, nga tshivhumbeo tsha Khavhu ya Mulilo, a tsela fhasi u vhidza na u fhandekanya vhathu. Zwino i khou fhandekanya vhathu.

⁴⁵ Huno ri wanulula zwauri, musi O vhidza mupfuluwo Wawe wa u thoma, O vha ranga phanda nga Khavhu ya Mulilo, huno a vha khadela ngei... a tshi khou vha khadela kha shango le ngavhuya A bvelela phanda havho, nga tshivhumbeo tsha Munna a no pfi Yesu Kristo. U bva kha Mudzimu, nahone o ya kha Mudzimu. Huno... zwenezwo A landulwa. Huno U ḫa-ha u vhidzela vhathu nn̄da ha—nn̄da ha nyimele zwayo ye vha vha vho džhena khayo, sa ye vha vha vhe nayo fhasi kha la Egipita, vho ḫinekedzela kha tshivhi na kha ndi—ndila dza Vhaegipita. Huno Mudzimu a vha vhidzela nn̄da.

⁴⁶ Huno zwino ri wana, lwa vhuvhili, vha tshi kumedzelwa fhasi ha vhuthubwa kha mpha—Mphaya ya Vharoma. Huno vha thoma dzindaela nahone vha khaukana na u fulufhedzea vhukuma ha nduvho, huno Mudzimu a rumela muñwe mupfuluwo. Huno...A bvelela nga tshivhumbeo tsha Muthu we a khada muthu.

⁴⁷ Kha mupfuluwo wa u thoma, O vha e Khavhu ya Mulilo. Zwenezwo, musi O da kha lifhasi, shangoni le A vha khadela khalo. Ndi tshifanyiso-de tsha u naka tshire tsha do vha kha Nwahagidi, hune A khou khadela Tshivhidzo zwino. “Ri do Mu vhona sa zwine A vha zwone, nahone ri do vha na muvhili u no nga Wa Ene muñe wa vhugala.”

⁴⁸ Huno ñamusi, nga Tshedza tsha Mafhundo-madifha a tshi vhonisa zwi tshi bva Tshedzani, Khavhu ya Mulilo i tshi vhonala vhukati hashu! Saints yo I vhona. I kha dzimagazini, na shangoni loþhe. Huno Yone i limuiwa, nga lwa saints na lwa maya, sa Khavhu ya Mulilo yeneyo nthihi, nga zwiga zwenezwo zwithihi na zwithu zwenezwo zwithihi zwe Ya ita tshifhinga tshoþhe. Huno zwino kha maðuvha a musi hu na vhusweleli ho kalulaho hunzhi na zwithu, naho zwo ralo, tshifhinga tshoþhe Mudzimu u a Didivhadza. Zwino ri wana heyi.

⁴⁹ Huno ndi tshithu tsha vhugala-de u divha uri, “Iyi thaberanakele ya lifhasi, liñwe duvha,” uyu muvhili mulala u si na mutakalo wavhuði une ra lwala nahone ra þuphea ngomu hawo, “u do shandukiswa huno wa itwa vhunga muvhili Wa Ene muñe; zwenezwo ri do Mu vhona sa zwine A vha zwone,” nahone ra vha Nae Shangoni le ra livha khalo ñamusi. Oo, ndo vha... katuþuku zwi ri ita uri ri pfe u nga ri ima nahone ra imba *Ndo Livha Haya Ho Fulufhedziswaho*. Hu na khonadzeo ya uri vha do vha vha tshi khou imba tshumeloni ya ndovhedzo, nga inwe ndila, ngauri ulwo ndi luimbo lwashu lwa ndovhedzo.

⁵⁰ Zwino kha vharathu, fhano na shangoni line idzi theiphi dza ya, huno afho ndi u mona na shango. Milaedza iyi a yo ngo livhiswa kha muñwe muthu-vho. Huno a ri toði vhathe vha tshi elekanya uri ri luñwe lushaka, kana tshigwada tsha vha vhusweleli ho kalulaho vhe vha dikuvhanganya, “u difhandekanya, ri tshi vhonala, ri si na ulwo Lutendo,” kana ra difhandekanya na nnyi na nnyi, kana-kana na Mudzimu, kana na Tshivhidzo. Riñe ri ima na Tshivhidzo. Fhedzi ri khou lingedza fhedzi u sumbedza, nga Muya Mukhethwa na pfariso Yawe, tshiitisi tsha khethululo iyi ine ra vha nayo ñamusi. Riñe, a ri i tendi.

⁵¹ Ri tenda uri zwivhidzo zweþhe zwi fanela u vha na vhuþama, hu si u khethululana; Vhamethodisi kha tshigwada tshavho, na Vhabaphuthisi kha tshavho, na vha Vhuthihi, na Vhadzia-u-tenda-vhuraruthihi, na zwine ra vha nazwo, zweþhe zweþha fhandekana. Ri tenda uri zwi tea u vha zweþhe,

sa tshigwada tshithihi tshihulwane tsha vhumbanaho tsha Muvhili wa Yesu Kristo, tsha lindelaho U Da uho ha vhugala. A zwi tei u fhandekanya, na luthihi.

⁵² Huno tshi no zwi fhandekanya, hu tea hu vha hu na tshiñwe tshiitisi tsha uri ri sa vhe fhethu huthihi. Nga u tshi guda, ndi a ̄talukanya, nga u tshi guda, a si mivhala ya lukanda lwashu; ngauri, tshirulwane, vhutswu, muronzhe, na vhutshena, vhothe vho fhandekana vha kha madzangano o fhambanaho. A si lushaka lwa zwiliwa zwine ra la; rothe ri la zwiliwa zwi fanaho. Ri ambara lushaka lu fanaho lwa zwiambaro, na zwiñwe-vho. Fhedzi ndi a vhona hune zwa vhukuma tsha vha hone, ndi muthu o bvaho ndilani yo sindwaho ya pfunzo ya Mafhungo-madifha, muthu muñwe na muñwe.

⁵³ Huno hu fanela u vha na iñwe ndila ine zwa vhukuma ya sumbedza uri ndi liphio li re lone na lo khakheaho. Huno ndila i yothe ine na do vhuya na zwi ita, a si u nea ̄thalutshedzo iñwe-vho kha Ipfi, itonu Li vhala nga ndila ine La vha ngayo nahone ni Li tende nga heyo ndila.

⁵⁴ Muthu muñwe na muñwe a tshi nea fhedzi ̄thalutshedzo, yawe ene muñe, zwi Li ita uri li ambe tshiñwe tshithu tsha fhambanaho, zwi li vhuyedzedza kha dzangano la mathomo la tshivhidzo tsha Kañolika. Zwine, tshivhidzo tsha Kañolika tshi tenda uri Mudzimu u tshivhidzoni Tshawe, “Huno Ipfi a li na mushumo nazwo; huno Mudzimu u tshivhidzoni Tshawe.”

⁵⁵ Huno rine Vhaporotestanti, vhunga ri tshi wana, nahone sa Nzumbululo 17, uri vhothe vho ̄thophekana fhethu huthihi, na uri tshivhidzo tsha Kañolika tsha vha tshi “mme” a madzangano othe. Huno ri vhona uri dzangano la Porotestanti, li tshi kha di vha nga ndila yo populaho, nga ndila yo populaho, li na kudzulele ku fanaho na kwa tshivhidzo tsha Kañolika. Bivhili i vhidza tshivhidzo tsha Kañolika “phombwe,” huno ya vhidza tshivhidzo tsha Porotestanti “dziphombwe,” ya amba uri phombwe ndi “mme a dziphombwe.” Huno avho ndi vhathu, uyo ndi musadzi o tshikafhalaho ane a sa fulufhedzee kha miano ya mbingano.

⁵⁶ Huno rothe ri ima kha ja uri ri Muselwa wa Kristo, huno ri tshi kha di vha vha sa fulufhedzei. Naa ndi mini tshe tsha vha tshi tshi do ita u sa fulufhedzea? Nga u tshila lwo fhambanaho na nda—ndayo ye Mudzimu a i vhetshela Muselwa Wawe uri a tshire ngayo. Uyo ndi muhumbulo wanga, Bivhili, huno Ndi Ipfi ja Mudzimu li sa kundelwi, ndi a tenda.

⁵⁷ Huno, ngauralo-ha, ri wanulula uri tshivhidzo tsha Porotestanti, uri tshi vhe na dzangano, tshi a difhandekanya na Mañwalo, uri tshi vhumble dzangano latsho. Vhashumeli, vho odeiniwaho, vha do farelela kha zwithu zwine . . .

⁵⁸ Zwino, vha ḏa vhugudeloni hanga na pherani, vhe mađana, huno vha mmbudza, "Mukomana Branham, ni ita khaedu idzo kha vhatu. A hu na a no ḏo ima ngei nnđa a lwa na Heļo. Vha a divha uri ndi Ngoho."

Mulandu, ndi ri, "Mulandu, ndi ngani ni sa zwi iti?"

⁵⁹ "Musi, ni a vhona, arali nda ita, ndi do vha ndi tshi khou luvheledza uri ndi wane tshinnkwa tshanga. A si muňwe muthu...ndi na mushumo. Ndi tea u ya kha Murena, nahone ndi tea u ya kha vhatu. Huno a thi nga vhi na thikhedzo."

⁶⁰ Naa ni a talukanya fhedzi uri Kristo ndi thikhedzo yashu! Bivhili ndi thikhedzo yashu. Ni a vhona?

⁶¹ Fhedzi, zwone, ni a vhona, zwenezwo zwi posela tshi—tshihidzo tsha Porotestanti kokotolo kha tshenetsho tshithu tshithihi tshine tshihidzo tsha Kaṭolika tsha vha tshone.

⁶² Tshihidzo tsha Kaṭolika a tshi londi...Ndi zwone, a thi khou ri...a thi khou zwi ita zwi no khukhulisa nga u ralo, uri a vha londi zwine Bivhili ya amba. Vha—vha tenda Bivhili, fhedzi, ni a vhona, vha na...U tevhekana ha vhaapostola ndi tshe tshihidzo tsha Kaṭolika tsha tewa khatsho. Uho ndi u tevhekana ha mipapa, huno vha vhidza Petro mupapa wa u thoma, na u tsa fhasi. Zwino, vha, vha a zwi tenda hezwo. Vha, vha tenda hezwo vho khwātha.

⁶³ Huno Vhaporotestanti, ni a vhona, vha—vha kuvhangana fhethu huthihi huno vha vha na dzangano u tou fana kokotolo na zwe vha ita ngei Nicaea, Roma, he vha dzudzanya tshi—tshihidzo tsha Kaṭolika nga...kha Khorwana ya Nicaea. Huno ri wana uri vhothe vha a fana. Vhothe vha a fana. Vha litsha Ipfi la Mudzimu, uri vha vhumbe dzangano. Ni a vhona? Huno zwenezwo musi zwi tshi da kha Mafhungo-ngoho manzhi ayo a vhonala e asili ḥamusi, Ndi a songo ḏoweleaho khavho, nge vha funzwa fhedzi nga nyitelatherelo.

⁶⁴ A ri na nyitelatherelo nga nnđa ha Bivhili. A ri na tshithu nga nnđa ha Ipfi Likhethwa la Mudzimu, huno Afho ndi hone hune ra ima.

⁶⁵ Huno zwino, ḥamusi, ndi ḫodou vhalala Luňwalo, zwa tshifhinganyana fhedzi, lu bvaho kha Ipfi la Mudzimu likhethwa, lo khetheaho, lu wanalaho Buguni ya Luka Mukhethwa. Ndima ya 23 ya Luka Mukhethwa, u ita theo, u wana pu—pulatifomo ya zwine nda—nda ḫoda u amba, muhumbulo muhulwane wa tshithu tshine nda ḫodou amba nga hatsho. Huno zwino ni khou vula kha Luka Mukhethwa, ndima ya 23, huno ndi ḫodou vhalala ndimana nthihi. Ndi yeneyo fhedzi ine nda ḫoda u itela iyi theo matsheloni ano, u i vhea khayo. Zwino ri vhalala ya 20...ndima ya 23, ndimana ya 33 ya ndima ya 23.

*Huno musi vha...da fhethu, hune ha pfi Khalivari,
heneffo vha mu vhamba, na vhatshinyi, munwe kha
tshanda tsha u la, na munwe kha tsha monde.*

⁶⁶ Zwino ndi todou dzhia maipfi maṇa a bvaho heneffo, a bvaho kha u vhala uho, u ita theo ya zwine nda todou amba, “heneffo vha Mu vhamba,” maipfi maṇa. Huno zwino thoho yanga i pfi...ndi—ndi khou disa u vhona mulandu kha zwivhidzo zwa dinomineisheni ya lino duvha, nahone na kha vhanzhi vha dilangaho, nga nwambo wa u vhamba Yesu Kristo nga husus nga lino duvha. Ndi tshi khou vha vhona mulandu! Matsheloni ano, i vhidzwa: *U Vhona Mulandu*.

⁶⁷ Huno ndi khou todou i shumisa nga maandā u tou nga ho vha hu tshi nga lufhera lwa khothe, he ha vha... Huno itali, phuluphithi na kereke ndi lufhera lwa khothe. Bivhili yo ri, “Ndi tshidzulo tsha khaṭhulo, uri—uri i fanela u thoma nduni ya Murena.” Huno iyi i nga khu—khuluṇoni na—na vhahaṭuli, na dzithanzi, na vhaṇwe-vho. Huno ḥamusi, ndi na, thanzi yanga, i re Ipfi la Mudzimu.

⁶⁸ Huno u vhona mulandu hanga hu lwa na zwivhidzo zwa ḥamusi. Zwino a—a thi khou dzenisa muitazwivhi kha hezwi. Ndi khou tou amba hezwi kha tshivhidzo. Huno zwi—zwi tea u vha kha dzi—dzi—dzipheiphi zwino, huno ndi—ndi do lingedza u fhedza nga u ṭavhanya u ya nga hune nda kona. Ndi vhona mulandu uyu murafho nga nthani ha u vhamba Yesu Kristo lwa vhuvhili.

⁶⁹ Huno zwino u ita hezwi kha tshino tshikhathi tshine ra tshila khatsho, ndi—ndi ita hezwi, ndi fanela u sumbedza vhuṭanzi. Arali ndi tshi tea u disa u vhona mulandu, ni tea u sumbedza vhuṭanzi ha vhutshinyi ho itwaho. Ndi—ndi tea, u vha vhona mulandu, ndi—ndi tea u disa vhu—vhuṭanzi ha u zwi sumbedza, zwauri two ralo, zwauri zwine nda khou amba zwi do takuwa phanda ha Muhaṭuli muhulwane. Zwine, na nne nda didzhia sa ramilayo wa u...kha u vhona mulandu uhu. Illo, Ipfi la Mudzimu, li thanzi yanga, ndi vhona mulandu uyu murafho nga nwambo wa u vhamba.

⁷⁰ Ndi fanela u sumbedza, nahone ndi do sumbedza, zwauri maya wonoyo muthihi u kha vhathe ḥamusi we wa disa u vhambwa ha u thoma, huno u khou ita zwenezwo zwithihi. Ndi—ndi fanela u ita hezwo, arali hu tshi khou yo vha u vhambwa, he vha hu vhamba. Ndi fanela u sumbedza vha—vhathe zwauri mukhwa wonoyo muthihi kha vhathe ḥamusi u khou ita zwenezwo zwithihi, nga lwa maya, zwe vha ita nga lwa ḥama tshifhingani itsho. Vho vhamba, lwa muvhili, Yesu Kristo, Murwa wa Mudzimu. Huno zwino, ḥamusi, nga Ipfi lenelo lithihi, na nga mu—Muya Mukhethwa wonoyo muthihi na Ipfi lenelo lithihi, ndi—ndi tama u sumbedza zwivhidzo heneffo—heneffo he vha ima, zwauri vha khou ita

zwenezwo zwithihi ɻnamusi, huno Bivhili yo amba zwauri vha do zwi ita, nahone nda sumbedza zwauri heli ndi ɻuvha line ra khou tshila khalo.

⁷¹ A zwe ngo kona u itwa miwaha i si gathi yo fhiraho. Ndi ri, a zwe ngo kona u itwa miwaha ya futhanu yo fhiraho, fhedzi ɻnamusi izwi zwi khou da nga tshifhinga tshi re tshone. Huno a zwe ngo kona u itwa, khamusi, miwaha ya fumi yo fhiraho, fhedzi zwi nga kona u itwa ɻnamusi ngauri tshi—tshifhinga tsho fhela. Riñe ri—rine ri kha tshifhinga tsha vhufhelo. Huno ndi a tenda, sa mulanda Wawe, uri rine ri—rine ri tsini na u pfuka ri tshi bva kha lino shango, u ya kha Liñwe.

⁷² Ngauralo-ha, tshifhinga tsha u shanduka, tsha lushaka, a tshi tsheeho. Ndi tenda uri ulu lushaka lu nga si kone u shanduka. Ndi tenda uri lwo pfuka mutalo u re vhukati ha khathutshelo na khañhulo. Ndi tenda uri lu khou swenda kha zwi si zwa vhukuma.

⁷³ “Mukomana Branham, ni sa athu thoma mulandu wanu, naa izwo ni khou yo zwi sumbedza hani?”

⁷⁴ Hezwi fhedzi, zwauri ri na mulandu wa zwivhi zwenezwo zwithihi zwe Mudzimu a lozwa shango ngazwo, kha shango la phanda ha mudalo. Ri na mulandu wa zwivhi zwenezwo zwithihi zwe ngazwo A lozwa shango ngei Sodoma na Gomora. Huno, zwino, nahone ri na vhuñanzi hothe ha muya honoho vhuthihi vhu re henefha phanda hashu, vhuñanzi honoho vhuthihi tshothe, vhu ñivheaho ɻifhasini lothe, he ha tsitsela phasi khathutshelo dza Mudzimu kha iyo mirafho. Izwo, nahone, u landula, ho disa khathulo. Ngauralo arali uyu murafho wo landula khathutshelo yeneyo nthihi ye ya lambwa mađuvhani ayo, Mudzimu o vha a tshi do vha a songo lugaho u vha litsha vha bvela phanda vha si na khathulo.

⁷⁵ Vhunga Jack Moore, khonani yanga, o amba tshiñwe tshifhinga, “Arali ulu lushaka lwa bvela phanda lu si na tshiñarafu tshi bvaho ha Mudzimu, zwenezwo Mudzimu u do kombetshedzea u vusa Sodoma na Gomora huno a humbela pfarelo nge a i fhisa.”

⁷⁶ Zwino, ri a ñivha uri nga lwa muya vha khou ita zwenezwo zwithihi ɻnamusi, ngauri vha khou zwi ita, na vhone-vho, nga ndivho yeneyo nthihi, nahone nga ndila yeneyo nthihi ye vha ita kha u vhambwa ha Murena, muvhilini. Vha khou zwi ita nga nthani ha vivho, nga nthani ha vhupofu ha muya. Hezwo, a vha todi u vhona. A vha nga Li thetshelesi.

⁷⁷ Yesu, kha lwendo Lwawe fhano kha ɻifhasi, O ri, “Yesaya o ni amba zwavhuđi, ‘Ni na mađo huno a ni koni u vhona, na ndevhe huno a ni koni u pfa.’” Ni a vhona?

⁷⁸ Tshiitisi tshenetsho tshithihi, ndi—ndivho yeneyo nthihi na mañaña eneo mathihi, zwi khou disa u vhambwa ha Kristo nga

huswa, vhuswa, (vhunga ri tshi ḍo ya khazwo nga murahu ha tshifhinganyana), nga ḥwambo wa zwiitisi zwenezwo zwithihi zwe zwa vha itisa tshifhingani itsho.

⁷⁹ A vha koni u wana tshithu tshi lwaho Nalo. A vha tei u lingedza u Li itela khaedu. Huno vha a divha uri vhuṭanzi vhu hone. Nahone vha a divha uri Bivhili i ralo. Huno tshithu tshi tshothe tshine vha nga ita ndi u Li nyefula. Izwo ndi zwone kokotolo. Ngauralo, na hezwi zweṭhe, zwiitisi zwenezwo zwithihi.

⁸⁰ Huno zwino, kha theo iyi, ndi itela khaedu uyu murafho kha u vhambwa ha Yesu Kristo; malugana na u vhamba, na u vha na mulandu; nga zwanda zwa tshika, zwivhi, zwa tseda, zwa dinomineisheni vha vhamba Mukololo wa Vhutshilo we a toda u Diṇekedzela vhatu.

Inwi ni ri, “Onoyo Muthu muthihi?”

⁸¹ “U rangani Ipfi o vha e hone, huno Ipfi o vha e Mudzimu. Huno Ipfi a itwa ḥama, huno a ḫivhonadza.” Ipfi lo vhonadzwa ḥamani, huno vha hatula nama nahone vha i vhulaha, nge Ipfi la vhonadzwa. Vhaheberu 13:8, yo ri, “Yesu Kristo ha shanduki mulovha, ḥamusi, na lini na lini.” Ndi Ipfi lenelo lithihi. Ni a vhona? Huno, nga nthani ha tshiitisi tshenetscho tshithihi, vha khou lingedza u vhamba Ipfi.

⁸² Zwino, kha liṇwalwa langa, u vhuyeleta kha thoho ine nda ḫodou i dzhia. “Henengei,” maipfi mana, kha ri talutshedze, “henengei.” “Henengei,” mudi u re mukhethwa nga maandesa shangoni, Yerusalem. “Henengei,” mudi wa vhurereli nga maandesa shangoni. Henengei, “vhone,” vhatu vha vhurereli nga maandesa shangoni, munyanyani wa vhurereli, munyanya wa Paseka. “Henengei,” fhethu ha vhurereli nga maandesa, mudi wa vhurereli nga maandesa, li—lihulwanesa la madzangano ḥothe, muhulwane wao ḥothe. Henengei, “vhone,” vhatu vha vhurereli nga maandesa shangoni lothe, vho kuvhangana vha tshi bva shangoni lothe. Vho “vhamba,” lufu lu shonisesaho lwe lwa vha lu tshi nga vha hone, u vhulaha, muthu o vha a tshi kona u vhulawa; e fhedzi, vho Mu bvula zwiambaro. “O—O nyadza u nyadziwa.” Vhone... Tshifanyiso tsha tshifhambano tshi na ngu—ngu—nguvho ye A pombwa ngayo; fhedzi vho Mu bvula zwiambaro Zwawe. Lu shonisesaho!

⁸³ “Henengei,” mudi muhulwanesa wa vhurereli, “vhone,” vhatu vha vhurereli nga maandesa, “vho vhamba,” lufu lu shonisesaho, “Ene,” Muthu wa vhuthogwa nga maandesa. Arali izwo zwi songo eqana u haṭula uyu murafho!

⁸⁴ “Henengei,” dzangano la vhurereli nga maandesa, lihulusa la zwivhidzo zweṭhe zwe kuvhangana fhethu huthihi. “Vhone,” vhatu vha vhurereli nga maandesa kha tshakha dzoṭhe, vhatu vhane vha tea u vha vhone vharabeli vha Mudzimu.

Vho kuvhangana kha munyanya muhulwanesa mukhethwa we vha vha nawo, u kunakiswa ha...Paseka, musi vha tshi vhuiswa vhupulini vha dzhena kha mbofholowo. Huno “henengei” nga itsho tshifhinga, “vhone” nga itsho tshifhinga, vhatu vha vhurereli nga maandesa, munyanyani wa vhurereli nga maandesa, fhethu ha vhurereli nga maandesa, vho disa tshithu tshi shonisesaho tshe tsha vha tshi tshi nga itwa kha Mukololo wa Vhutshilo, u bvula Munna na u Mu nembeledza kha muri. Ngauri, “Ho seňwa uyo,” mulayo we vha luvha ngawo wo ralo, “ho seňwa uyo a nembelelaho kha muri.” “Huno O itwa samba a tshi itelwa rięe.” A tshi bvulwa zwiambaro Zwawe, A tshi rwiwa, nahone A tshi holedzwa, onoyo Mudzimu wa Tađulu; A tshi dzhielwa zwiambaro Zwawe, nahone A vhambiwa kha tshifhambano. Ene! “Henengei vha Mu vhamba,” fhasi ha tshigwevho tsha lufu tsha Roma.

⁸⁵ Lufu lu shonisesaho ḥamusi a lu nga vhi lwa u thuntshiwa. Lufu lu shonisesaho ḥamusi a lu nga vhi lwa u tshaisiwa nga modoro nahone na vhulawa, na nwela khothe, na swa nga mulilo. Fhedzi lufu lu shonisesaho ḥamusi ndi tshigwevho tsha lufu phanda ha vhatu, hune shango lothe la ni haṭula nahone la ri ni na mulandu.

⁸⁶ Huno shango lothe lo vhea zwanda zwalo kha uyu Munna huno la ri U na mulandu, ngeno O vha a si na mulandu. Huno O fa fhasi ha ya swina, (hu si ni khonani Dzawe, hu si ni milayo Yawe), fhedzi fhasi ha u vhambwa nga swina. Mukololo wa Vhutshilo, Muthu wa vhuthogwa nga maandesa we a vhuya a tshila, kana a no do vhuya a tshila, Yesu Kristo. “Ene,” Muthu wa vhuthogwa nga maandesa! Izwo zwi vhulungeni thalukanyoni zwino musi ri tshi fhaṭa pulatifomo iyo henefha ḥamusi.

⁸⁷ Naa no vha ni tshi nga humbulela, fhethu hu no nga Yerusalem, he lwa miňwaha ya madana a fumbiliňhanu, kana yo engedzeaho, uri vhatu...kana madana a miňwaha. Ndi nga di vha ndo lapfisa zwituku kha hezwo. Hu nga di vha ho vha hu tshi todou swika miňwaha ya madana a malo kana a tahe, kana tshiňwe tshithu. A thi divhī uri hani, tshikhala-de, u bva tshifhingani tshe Salomo a fhaṭa thembele. Ndi a humbulela, miňwaha i no ḥoda u swika ya madana a malo, tshiňwe tshithu tsho raloho.

⁸⁸ Huno vho vha vho lindela Mesia a daho. Vho kuvhangana henefho u itela nduvho ya Paseka. Itonu zwi elekanya zwino! Muhulwane wa Vhafarisei vhothe, Vhasadukei, na vhaňwe-vho vha no nga vhenevho, khuvhanganoni nthihi khulwane, u luvha Mudzimu. Fhethu hu re hukhethwa nga maandesa, Yerusalem, thembele ya Murena, na vhatu vha Murena, vho dzhia Ene muňe Murena huno vha Mu vhamba, nga tshigwevho tsha lufu. Tshithu tsho raloho!

⁸⁹ Zwino maipfi ayo mana, vhone, “Henengei vha Mu vhamba.” Zwino, ni kha di sumbedza Bivhili, ni a vhona. A tou vha maipfi mana, fhedzi Bivhili i pfufuhifhadza Mafhungo-ngoho Ayo.

⁹⁰ Zwino, nne, ndi tea u mona hothe, nda talutshedza zwine nda khou amba nga hazwo, fhedzi Bivhili a i tei u talutshedza tshithu. Yothe i tou vha Ngoho, ngauralo bi—bi—Bivhili a i tei u talutshedza tshinwe tshithu. A—A i tei u zwi talutshedza, ngauri yothe Ndi Ngoho.

⁹¹ Maipfi mana ngea a ngedane Yayo khulwane ya Ngoho. Ndi do lingedza u i talutshedza. Huno u lingedza u I talutshedza, lu pfalaho, zwi do ita laiburari. A hu na ndila ya uri ndi talutshedze ayo maipfi mana. Fhedzi zwino, nga pfariso ya Ene O itisaho uri I nwalwe, kha ri lingedze u talutshedza aya maipfi mana, u zwi disa nga ndila ine vhathu vha do zwi pfesesa.

⁹² Zwine ra vha nazwo phanda hashu zwino, ri na u vhambwa ha u thoma hu re phanda hashu; *fhethu* hu re hukhethwa nga maandesa, *vhathu* vha vhurereli nga maandesa, *lufu* lu shonisesaho, kha *Muthu* wa vhuthogwa nga maandesa. Oo, zwi tou hanedzana. Nnenne, yawee, nnenne, zwi a shonisa!

⁹³ Zwino kha ri dzhie, tsha u thoma, ipfi la u thoma, “henengei.” Kha ri ambe ngalo miniti i si gathi ri sa athu disa u vhona mulandu. Heли ri do li kwashekanya huno ra ni sumbedza zwe vha vha tshi khou ita, zwenezwo ri do wanulula uri u wana mulandu hanga ndi hone kana a si hone. “Henengei,” Yerusalem, fhethu zwaao hukhethwa nga maandesa, ngauri thembele yo vha i hone; fhethu hukhethwa nga maandesa, ngauri, yone, thembele, yo vha i hone. Huno Vhayuda vha bvaho shangoni lothe vho kuvhangana afha fhethu huthihi, fhethu ha u tanganelu nduvho. Nga maandesa... fhethu huhulwanesa ha nduvho he ha vha hu hone, ho vha hu Yerusalem. Thembele yo vha i hone. Izwo ndi, “Zwo nwaliva, ‘Vhathu vhothe vha fanela u luvha Yerusalem,’” zwo luga, ngauri ndi hone vhukati ha nduvho.

⁹⁴ Huno namusi ni a vha pfa, muñwe wavho u todou ri, vhone, “Oo, ri da kha khuvhangano idzi khulwane,” hune dinomineisheni idzi dza vha naho. Huno—huno zwenezwo ri na u—u vulwa ha... kha Vatican City, na—na uhu u rwelwa tari ha mipapa, na vhaiñe-vho. Vhone, muñwe na muñwe u ri, “Rothe ri fanela u ya gammabani dza Vhamethodisi, kana khu—khuvhangano ya Baphuthisi ya Bivhili.” Kana—kana, “Rothe ri fanela u ya ngei—ngei Roma, nahone henengei hune vhukati vhuhulwane,” vha hu vhidza, “ha Vhukriste.”

⁹⁵ Tshifhingani tsha nndwa ya u fhedza, musi Roma i tshi wa, aya maswole a Germany... Vhunzhi hanu vhatukana hezwi ni a zwi divha. Ayo maswole a Germany a humela murahu ngomu heneffo Vatican City, huno vha tshi thuntsha Vhaamerika

musi vha tshi khou sendela. Mukomana Funk, na Mukomana Roberson, na vhanzhi, na Mukomana Beeler, na vhunzhi ha avho vharathu vhe vha vha kha iyo nndwa, vha a ḫivha. Huno ni a ḫivha uri mini? Ro ḫea ndaela ya uri vha nga si thuntshe kha uyo mudi. Vhaamerika, no ima henengei, huno no vha ni tshiluswa khavho. Fhedzi Vhuko-... Westminster Abbey...kha ja England, no vha ni tshi nga thuntsha khalo zwavhud; afho ndi he Vhaporotestanti vha kuvhangana. Ngauralo two vha two luga u thuntsha khalo, fhedzi hu si u thuntsha kha Vatican. Ngauri, vhunga Phuresidennde Roosevelt...ndo pfa tshipitshi tshawe musi a—musi a tshi tshi hasha nga uvho vhusiku, tshi tshi vhidzwa, A Fireside Talk. O ri, “Musi Roma i tshi wa,” a ri, “thoni dzo raloho, ngauri Roma ndi muhulwane wa Vhukriste hothe.” Naa ni nga humbulela Muporotestanti u amba zwenezwo?

⁹⁶ Ngauralo vhukati vhuhulwane ha vhurereli ha Vhukriste, ndi zwone, ri khou yo u—ri khou yo u u vhea vhunga Yerusalem, arali ni tshi funa. Arali ni tshi do takalela u ita hezwo, afho kha ri u vhee Yerusalem. Muhulwane wa avha vhaiwe vhothe, vha—vha—Vhasanhedrini, na—na wa Vhafarisei, na wa Vhasadukei, vhothe vho gonya Yerusalem. Afho zwa vhukuma ho vha hu ofisi khulwane.

⁹⁷ Huno kha vhutshilo ha dzangano, ni tea u tenda uri Tshihidzo tsha Roma Katolika ndi mme avho vhothe. Ngoho ndi tshone. Huno tsho thoma Pentekoste. Afho ndi hone he vha ya hone musi vha tshi dzudzanya. Zwino riqe, Vhaporotestanti, ri tou vha zwikaladzi two bvaho kha itsho tshihidzo. Huno zwino kha ri ri tshi do vha hone Vatican, ḫamusi.

⁹⁸ Kana, henengei Yerusalem, sa zwe zwa vha zwi zwone nga ilo ḫuvha, “Musi vhatu vho fanela u da Yerusalem u shuma...u luvha.” Naa ndi ngani vho zwi ita mađuvhani a—a Yesu? Naa ndi ngani vho ri vhatu vhothe vha fanela u luvha Yerusalem? Ngauri, hu na fhethu huthihi fhedzi hune Mudzimu a do ita vhuṭama na muthu, afho ndi fhasi ha malofha a tshiṭhavhelo. Ndi ngazwo vho do tea u da Yerusalem.

⁹⁹ Mudzimu na kathihi a nga si ḫangane na muthu huñe fhethu-vho nga nn̄da ha fhasi ha Malofha. Musi ni tshi tanutshela Malofha, zwenezwo fhethu hanu ha u ḫangana na Mudzimu ho tuswa. Mudzimu o dzhia tsheo Yawe ya u thoma ngadeni ya Edeni, ya uri muthu u do tou Mu luvha fhedzi fhasi ha malofha o shuluwaho a tshiṭhavhelo. Huno afho ndi hone fhethu hu hothe he Mudzimu a ḫangana na muthu tshifhingani itsho, huno afho ndi hone fhethu hu hothe he Mudzimu a vhuaya a ḫangana na muthu.

¹⁰⁰ Huno afho ndi hone fhethu hu hothe hune A ḫangana na muthu ḫamusi, ndi fhasi ha Malofha o shuluwaho a tshiṭhavhelo. Ni a vhona? A thi londi arali ni Mumethodisi,

Mubaphuthisi, Mupuresbiterieni; arali ni tshi nga hangwa phambano dza vhoinwi, Roma Katolika, naho tshitshini tshine ni nga vha thone, huno na da fhasi ha Malofha o shuluwaho, Mudzimu u do tangana na riñe rothe heneffo. Afho ndi hune rothe ri nga tangana hone huno ra vha na vhuṭama nga mbuno dzi fanaho. Fhedzi, zwa sa ralo, A nga si tangane nga u tou ri ni Mumethodisi; A nga si tangane nga u tou ri ni Vhapentekostala. U do tangana na inwi nga mulayo muthihi, uyo ndi, fhasi ha Malofha o shuluwaho, musi zwivhi zwaṇu zwo no bulwa nahone zwa pandelwa Vhuhoneni Hawe, zwenezwo, nga Malofha. Huno Malofha tshifhinga tshothe a phanda Hawe, huno ngauralo-ha A nga kona fhedzi u ni vhona nga ayo Malofha o shuluwaho. Huno no tshena sa mahada, ni a vhona, musi no no bula zwivhi zwaṇu. Zwa sa ralo, a niho afho, ni nga si kone u vha na vhuṭama.

¹⁰¹ Ndi ngazwo inwi ni sa vhoni zwithu zwi tshi bvelela zwivhidzoni. Vha bula zwauri vha tenda Malofha, fhedzi vha landula pulane yeneyo ya u ya kha Malofha; Ipfi. Ni a vhona? Hu na ndila nthihi ine Mudzimu a do hulisa ilo Ipfi. Inwi na kathihi ni nga si hulise ilo Ipfi, na da na ri, “Ndi wa Roma Katolika. Ndi toda *hetshi* tshi tshi itwa.” Ni nga si kone u zwi ita. Methodisi, Mubaphuthisi, kana Vhapentekostała, ni nga si kone u zwi ita.

¹⁰² Ndila i yothe ine ni nga kona u zwi ita ndi fhasi ha khathutshelo dza Mudzimu, nga tshilidzi Tshawe, ndi u da nga Malofha o shuluwaho a Yesu Kristo, na ri, “Murena, ndi vhila pfulufhedziso.” Ni a vhona? Huno zwenezwo arali zwa vhukuma inwi ni fhasi ha ayo Malofha, Mudzimu u kombetshedzwa nga ilo Ipfi. Fhedzi, tsha u thoma, ni tea u vha fhasi ha ayo Malofha. Ni a zwi vhona zwino? [Tshivhidzo tshi ri, “Amene.”—Mudz.]

¹⁰³ A zwi mangadzi vha sa koni u tenda mađembe. A zwi mangadzi ni sa koni u tenda kha zwi re nga n̄ha ha mupo. A zwi mangadzi vha tshi zwi haṭula. Tshiitisi tshenetsho tshithihi tsho itaho uri vha zwi haṭule murahu hangei, ndi tshiitisi tshenetsho tshithihi tshi itaho uri vha zwi haṭule ḥamusi. Vha na mulandu sa zwine u vha na mulandu hu nga vha ngao. Ngauri, fhasi ha Malofha o shuluwaho fhedzi!

¹⁰⁴ Huno avho vhane vha do difunga, muňwe murathu muťuku a no difunga, nga u džukufhadza, u dzhia Mudzimu u ya nga Ipfi Lawe, huno a bvela ngei nn̄da huno a bula zwivhi zwawe, nahone a hangwa idzi pfunzo na zwithu, huno a ima heneffo fhasi ha Malofha huno a Li tenda, zwenezwo vha todou mu vhidza “wa vhusweleli ho kalulaho.” Vha todou mu dzhia sa...sa zwine ri nga zwi amba; a si ipfi lavhudzi u li shumisa kha phuluphithi, fhedzi u tou itela uri ni pfesese, ndi “lipambuwi.”

¹⁰⁵ Itali, riñe rothe a ri mapambuwi? Ni a vhona, mutendi ndi lipambuwi kha a sa tendi, huno a sa tendi ndi lipambuwi

kha mutendi, ngauralo ndi nnyi a re lipambuwi? Ni a vhona? Mulimi ndi lipambuwi kha ramabindu; ramabindu ndi lipambuwi kha mulimi, ni a vhona, ngauralo ndi ene nnyi, naho zwe ralo?

¹⁰⁶ Ndi a ni vhudza, tshidzo ndi fhungo la muthu na Mudzimu, e ēthe, muthu muthihi, “ri tshi ḥoda tshidzo yashu nga nyofho na u tetemela.” Huno a thi dīvhi iñwe theo, sa mudededzi, matsheloni ano, kana mushumeli a bvaho ha Kristo, u fhira u i vhea phasi kha Ipfi. Ndi nga si i vhee kha tshiñwe tshithu-vho.

¹⁰⁷ Zwino henengei ri wana, zwenezwo, zwauri phasi ha malofha fhedzi, zwe Mudzimu a ḥangana na murabeli, ngauralo vho ḥangana Yerusalem.

¹⁰⁸ Huno Kristo ndi Ngwana ya Tshīthavhelo yo nekedzwaho nga Mudzimu. Huno ḥamusi hu na fhethu huthihi fhedzi hune Mudzimu a do ḥangana na muthu, huno afho ndi phasi ha Malofha a Yesu Kristo. Huiñe na huiñe-vho, ho haṭulwa; Mudzimu a nga si zwi pfe na kathihi. Ni nga di ita tshakha dzothe dza mavutshelwa, na tshakha dzothe dza dzisisteme, huno na dzinginya, na fhufha, na vha na malofha na mulilo na vhutsi, na tshiñwe na tshiñwe-vho; fhedzi musi uvho vhutshilo vhu sa vhambedzi na Ipfi, nahone Mudzimu a sa khou divhadza uvho vhutshilo lwo vuledzeaho, zwenezwo a hu na thodea ya u zwi lingedza, ngauri no bva. Huno Mudzimu a nga si ḥangane naho na kathihi u swika vhu tshi dzhena phasi ha ndondolo ya ayo Malofha. Izwo ndi zwone.

¹⁰⁹ Ngauralo, ni a vhona, Luriwaloni, ri na Yerusalem, Tshivhidzo tshi nawo; u ngei Tađulu, Yerusalem wa Tađulu, hune Mudzimu a vha Mudzimu. Huno, ḥamusi, a si phasi ha iñwe ndaela kana tshiñwe tshithu, hune ra lingedza u u ita Yerusalem. Ri do takalela, Vhamethodisi, ri do takalela, zwino, takalela u ita ofi-ofisi khulwane ya Methodisi Yerusalem. Vha Katolika vha do takalela u ita Roma. Huno-huno fhethu ho fhambanaho hune ra vha na ofisi khulwane dzashu, ri do takalela u ita hedzo dzashu... Yerusalem. Fhedzi Bivhili i amba, zwauri, “Yerusalem washu u bva N̄tha, une wa vha mme a vhatendi vhothe.”

¹¹⁰ Zwino, huno Kristo ndi Ngwana yo nekedzwaho nga Mudzimu. Dzhielani nzhele uri zwe vha zwe tea hani zwino, zwi tshi sumbedza uri uyo Yerusalem wo vha u tshi khou guma. Lini? Wo vha u na mveledzwa u swika nga iyo awara. Malofha a ngwana o vha o luga tshothe u swika nga ilo duvha, fhedzi zwino kha u vhambwa zwi a shanduka. Sisteme ya kale yo fhela. Ho vha hu na ntswa, huno ngwa—Ngwana yo vha i kha Tshīthavhelo. Ngwana, Ngwana ya tshīthavhelo, yo vha i mavuni. Vho vha vha tshi khou haṭula nahone vha tshi khou ita tshenetsho tshithu heneffo tshe vha do tea u tshi ita. Izwo ndi zwone.

¹¹¹ Mudzimu a fhaṭutshedzwe, malugana na u vhona itshi Tshedza tsha Tađuļu tshi mangadzaho nga lino ḫuvha la u fhedzisela! Ngauri, zwivhidzo zwi khou ita zwenezwo zwithihi ɬamusi. U swika awara ine vhurereli ha dzangano ha haṭulwa nahone ha sumbedzwa uri vhu khou ita Ipfi la Kristo tshiṭhavhelo, u bva zwenezwo u ya phanda hu da Ipfi, nahone Ipfi fhedzi. U bva, ngwana ya paseka ya kale yo fhira huno Kristo a vha Ngwana yashu, nga ḫuvha la u vhambwa. Huno ḫuvha le dinomineisheni ya vhamba Ipfi la Mudzimu huno ya ḥanganedza ndaela vhudzuloni ha Ipfi, ilo ndi ḫuvha le Ipfi la vha na mveledzwa i si na tshiṭahe. Izwo a si kale zwe itea.

¹¹² Dzhielani nzhele, tsha vhuvhili. Tsha u thoma, “henengei,” Yerusalem. Tsha vhuvhili, “vhone,” vhone. Vhongyi? Vhayuda, vharabeli. Edzonu zwi elekanya! Vharabeli vhone vhaṇe vho vha vha tshi khou vhulaha onoyo Muthihi we vha ri vha khou mu luvha. Naa no vha ni tshi nga humbulela tshithu tsho raloho, vhunga vhe vhanna vho ḥalifaho vhe vha vha vhe vhotshifhe, vhe vha vha vho pfumbudzwa, vhe vha vha vhe na digirii ya madokotela u swika hu na khonadzeo ya uri vha do... Vhone, vho do tea u bva kha luńwe lushaka vha sa athu... kana—kana tshitshavha, vha sa athu vhuya vha vha tshifhe. Vho do tea u vha Vhalivi. Vhokhotsi avho vho vha vhe vhotshifhe. Vhomakhulu vhavho vha vhakalaha vho vha vhe vhotshifhe. Vhomakhulukuku vhavho vha vhakalaha vho vha vhe vhotshifhe. Huno vho do tea u tshila vhutshilo ho kumedzwaho, u swika, ḥedere nthihi i lwaho navho, vha tshi kanđiwa. A hu na khathutshelo ye ya tendelwa. Vhe vhakhethwa? Zwa vhukuma, fhedzi vhukhethwa ho itwaho nga vhone vhaṇe. Vho do tea u difara nga u ralo, u sumbedza tshifhaṭuwo tshavho tsha tshivhidzo. “Ngomu havho,” Yesu o ri, “no ḫala marambo a vhatu vho faho.”

¹¹³ Nga ndila ye nda vha ndi tshi nga qisa u vhona mulandu henehafho! Huno muthu a no ḫivha uri Iyo ndi Ngoho, Ipfi heli u vha Ngoho, huno a sa do ima Nalo, u sumbedza tshifhaṭuwo phanda ha lińwe dzangano, uh-huh, ndi na pfanelo ya u vha vhona mulandu, henefho, kha Ipfi la Mudzimu.

¹¹⁴ Dzhielani nzhele, “vhone,” vharabeli, vhatu vhe vha lindela pfulufhedziso, vhatu vhe vha i lindela, kha mińwaha na zwikhathi, huno vha si na tshithu tshire vha nga ita kha iyo seminari i sa fhidzi. Fhedzi vho vha vho no kovhekanya Ipfi u ya nga pfunzo ya seminari, huno a vho ngo kona u vhona Ngoho yeneyo Yalo. “Vhone,” vhotshifhe, mushumo wa ilo ḫuvha! “Henengei,” kha ofisi khulwane yavho, “vhone,” mushumo wa ilo ḫuvha, wo vha u tshi khou vhulaha onoyo Mudzimu, yeneyo Ngwana. Onoyo Muthihi we vha ri vha khou mu luvha, vho vha vha tshi khou mu vhulaha.

¹¹⁵ Huno, ɿnamusi, ndi vhona mulandu itshi tshigwada tsha vhashumeli vho odeiniwaho; kha ndaela dzavho na dzidinomineisheni, vha khou vhamba, kha vhathu, onoyo Mudzimu ane vha ri vha a mu funa nahone vha a mu shumela. Ndi vhona mulandu avha vhashumeli, nga Dzina la Murena Yesu, nga nthani ha pfunzo yavho, ine ya ri “maduvha a madembe o fhira,” na uri “ndovhedzo ya madini nga Dzina la Yesu Kristo a yo ngo edana nahone a si yone.” Nga nthani ha liñwe la aya Maipfi, e vha ita uri a imelwe nga dzindaela, ndi vha vhona mulandu, sa vha re na mulandu, nahone Malofha a Yesu Kristo a kha zwanda zwavho, nga u vhamba Murena Yesu nga huswa, lwa vhuvhili. Vha khou vhamba Kristo, vhathuni, vha tshi khou vha dzhieila tshithu tshine vha tea u vha vha tshi khou vha nea. Huno vho ita uri li imelwe nga tshiñwe tshithu vhudzuloni Haþo; ndaela ya tshivhidzo, u itela u takalelwa.

¹¹⁶ Henengei vhone, “vhone,” avho vho fanelaho u vha vho divhaho zwa khwine. Arali muñwe muthu o tea u vha o divha zwa khwine, hu tea u vha ho vha vhashumeli avho. Arali hu na muthu a no tea u divha zwa khwine, hu tea u vha vhafunzi vha ðuvha lino. Arali muñwe muthu a tshi tea u divha, vha—vha—vhabishopo, na dziatshibishopo, na—na vhashumeli, na madokotela a ngudavhurereli, vha fanela u divha zwe fhambanaho. Fhedzi ndi ngani vha sa koni? Uh! Ndi khanedzo-de! Ri na mini phanda hashu fhano nga nnnda ha kha—khanedzo! Vha ri vha luvha Mudzimu, huno vha khou vhulaha Mukololo wa Vhutshilo. Vhone, “henengei vho Mu vhamba,” huno ngeno vha ita hafhu zwenezwo zwithihi, ngauri U Ipfi.

¹¹⁷ Izwo ndi zwine A vha zwone, tshivhoniswa fhedzi tsha Ipfi. Huno izwo ndi zwine A vha zwone ɿnamusi, tshivhoniswa tsha Ipfi, a tshi khou lingedza u wana muñwe uri a Divhonise nga khae.

¹¹⁸ Huno avha vhathu vha ita uri tshivhidzo tshi vhe kule na Mudzimu. Huno—huno arali tshiñwe tshi tshi bvelela, nahone tsho ambiwa tshivhidzoni, vha a tshi haþula kha pulatifomo, kha phuluphithi, huno vha ri, “Ndi vhusweleli ho kalulaho. Tutshelani kule haho!” Nga u ita nga u ralo, vha vhamba Yesu Kristo nga 1963, huno vha tou vha na mulandu sa avho vhathu ngei...nga ilo ðuvha. Itsho ndi tshitatamennde tshi ofhisaho, fhedzi ndi ngoho. Kha...Izwo ndi zwone kokotolo zwine vha ita ɿnamusi.

¹¹⁹ Huno nga mbuno idzi, nga mbuno dza u vhamba Kristo, nga mbuno dza u dzhia Ipfi na u Li dzhia kha vhathu; ndi kokotolo zwe vha vha tshi khou ita henengei. Ipfi lenelo le Mudzimu a vha a tshi khou vhonisa nga Murwa Wawe Ene muñe, u sumbedza uri O vha e ene, na Uyo we vha ri vha a mu funa, ene Yehova we a Divhonadza nga Mañwalo, o ita

kokotolo zwe A ri U ḋo ita, kokotolo zwe Mudzimu a ri U ḋo ita, huno a Mu vhonisa phanda havho. Nga ንwambo wa u funa zwigwada zwa tshivhidzo tshavho, na zwithu two raloho, vho haṭula Mukololo wa Vhutshilo.

¹²⁰ Huno ndi haṭula tshenetsho tshigwada tshithihi ɻamusi, nahone ndi tshi vhona mulandu, sa tshire tsha vha na mulandu phanda ha Mudzimu, nga Ipfi la Mudzimu, uri vha khou ita zwenezwo zwithihi. Uyu murafho u vhonwa mulandu. Elelwani Vhaheberu 13:8, “Ha shanduki mulovha, ɻamusi, na lini na lini.”

¹²¹ Naa vho Mu vhona hani mulandu? Nge ndaela dzavho dza si Mu ṭanganedze, huno ngomu-ngomu mbiluni dzavho vho divha two fhambanaho. Naa Nikodemo, kha ndima ya 3 ya Yohane Mukhethwa, ho ngo zwi bula zwavhud? “Rabi, rine, Vhafarisei,” vhareri, vhaddededzi, “ri a divha uri U mudededzi a bvaho ha Mudzimu, ngauri a hu na muthu we a kona u ita zwithu zwine Wa ita nndani ha musi Mudzimu o vha e nae.” Ni a vhona? Vho zwi ṭanziela vhathuni nga muñwe wa vhathu vhavho vha divheaho, huno vha halifha...nga ንwambo wa ndaela dzavho, vho vhamba Kristo.

¹²² Huno ɻamusi a hu na muvhali ane a si kone u vhala Mishumo 2:38 u fana na nne ndi tshi nga I vhala, na tshipida Tshayo tsho salaho, u tou fana na musi ndi tshi nga I vhala. Fhedzi nga ንwambo wa ndaela dzavho, na nga ንwambo wa thikhithi dzavho dza dinomineisheni dzine vha vha nadzo tshikwamani tshavho, tswayo dza ḥivhanda dzine vha tshimbila vho dzi hwala sa garata dza vhuṭama; huno vha tshi dzhia izwo zwithu, vha divhambela Yesu Kristo nga huswa, huno vha Mu vhamba phanda ha vhathu, nahone vha nyefula Mudzimu onoyo we a fulufhedzisa u ita Hezwi, vha tshi ḫisa ḫamu kha lushaka.

¹²³ Zwino, henengei, “vhone,” hu si ni muitazwivhi. “Vhone,” ndi uri, tshivhidzo tsha ilo ḫuvha, vho wana khakho kha Muthu We a vha e Ipfi. Naa izwo ndi zwone? Vho wana khakho kha Muthu We a vha e Ipfi. Zwino vha wana khakho kha Ipfi li tshi shuma nga kha muthu. Ni a vhona, vha sokou zwi ita nga iiwe ndila. Une, u kha muthu, Hoyu, Muya Mukhethwa u khou shuma nga khae, ndi khwathisedzo ya Mudzimu.

¹²⁴ Naa vho divha hani uri Ndi Kristo? Nge mishumo Yawe ya sumbedza zwe A vha e zwone. O ri, “Naa ndi nnyi kha inwi ane a nga Nthovhedza tshivhi? Arali Ndi songo ita kokotolo zwe Lunwalo lwa ri Ndi do ita! Huno tshifhio...Muñwe kha Mmbudze he Nda kundelwa huñwe fhethu, arali Ndi songo sumbedza tshiga tshiñwe na tshiñwe tsha uri nne ndi Mesia, uri Nne onoyo Muthihi we wa fulufhedzisa.”

Ha pfi, vho ri, “Zwo luga, ri na Mushe. Ri tenda Mushe.”

¹²⁵ Ha pfi, “Arali no vha no tenda Mushe, no vha ni tshi ḋo vha no Ntenda. Arali inwi...Mushe o vhona ḫuvha Ḫanga huno

a tama u—u tshila kha lino ḫuvha. Mushe o vhona zwi tshee kule, na vhaporofita. Huno ngezwi ni hafha, ni khou tshila tsini Nalo, huno ni a li hatula.” Ha pfi, “Inwi vhahoi,” ha pfi, “ni kona u ṭalukanya matshele a lutombo, fhedzi a ni koni u ṭalukanya tshiga tsha tshifhinga.”

¹²⁶ Ngetshiłaa, tshiga tsha tshifhinga. Naa tsho Mu dzhia hani? “Wa vhusweleli ho kalulaho, muthu a pengaho.” Iina, vho wana khakho kha Muthu We a vha e Ipfi.

¹²⁷ O vha e Ipfi. Yohane Mukhethwa, ndima ya 1, i a zwi sumbedza, “U rangani Ipfi o vha e hone, huno Ipfi o vha e na Mudzimu. Huno Ipfi a itwa ḥama, huno a dzula vhukati hashu.” O vha e Ipfi la Mudzimu li tshilaho, ngauri O vha a tshi khou dzumbulula Mudzimu nga kha Ene muñe. O vha o dinekedza tshothe kha—kha Ipfi la Mudzimu, u swika Ene na Ipfi vha tshi fana. Huno izwo ndi zwone kokotolo zwine Tshivhidzo tsha fanela u vha zwone ḥamusi, zwauri Ipfi la Mudzimu a li shanduki.

¹²⁸ Naa ni nga vha hani tshipida tsha ilo Ipfi ngeno zwavhuđivhuđi ni tshi Li hana lothe? Huno urî zwi itelwani, a si nga nthani ha vhathu; izwo ndi ngazwo ndi tshi elekanya uri Mudzimu o amba na nne nga ha u vhidza vhathu Vhawe “Rickys” na “Rickettas.” Ndi nga ḥwambo wa idzi dinomineisheni dza tseda, dzi re na vhathu vha no khou tshila ngei nnđa nga ndila ine vha khou tshila. Vho vhamba Ngoho. Huno vhathu vha I vhidza u nyefula, huno vha I ita u nyefula, kha ndi ralo. Vha I vhidza vhusweleli ho kalulaho, na zwiñwe-vho, huno vha sa khou ḫivha uri vha khou nyefula Mudzimu onoyo ane vha ya tshivhidzoni u mu shumela.

¹²⁹ Ngauralo-ha, ndi vhona mulandu itsi tshigwada tsha vhafunzi namusi. Ndi vhona mulandu murafho uyu, nga Dzina la Yesu Kristo, phasi ha maandalanga a Ipfi la Mudzimu. Ni khou Mu vhamba hafhu.

¹³⁰ Dzhielani nzhele, “Ha shanduki mulovha, ḥamusi, na lini na lini,” Ipfi la Mudzimu lo khwathisedzwaho kha muthu.

¹³¹ Vhambedzani Khaļivari idzo mbili na vhupomokwa havho. Elelwani, “Ngauri O Diita Mudzimu, ri nga si tende uyu Muthu a tshi ri vhusa.” Naa ho vha hu vhupomokwa-de he vha kona u vhu wana, kha khorwana nga matsheloni ayo, musi vha tshi vhamba Yesu? Ngauri, “O Diita Mudzimu.” O vha e Mudzimu. “Nahone O vunda Sabatha.” Huno O vha e Murena wa Sabatha. Vho Mu haṭula nga u A Diita Mudzimu. “A u na pfanelo ya u ita hetshi. A u na pfanelo. Vhotshifhe vhahulwane vhashu, arali tshiñwe tshi tshi khou da, tshi da nga kha vhotshifhe vhashu.” Zwino vhambedzani hezwo na Khaļivari ḥamusi.

¹³² Musi, Mudzimu, zwo takadza Khotsi, Mudzimu, Muya, u vusa Murwa Wawe Ene muñe; a tiba Maria nga murunzi, nga

Muya Mukhethwa, huno a bveledza muvhili we wa kona u Mu shumela nahone wa shumela ndivho Yawe Khae. "Mudzimu o vha e kha Kristo, u khunyelela u vha Mudzimu lwa tshivhili, Khae," a tshi vhoonisa zwe Mudzimu a vha e zwone, kha vhathu, a tshi tendela—a tshi tendela shango lothe u divha zwe Mudzimu a toda muthu muñwe na muñwe a tshi vha zwone: murwa, na riwananyana. O dzhia Muthu muthihi huno a zwi ita. Huno ngauri Ho ngo vha muthihi na zwiimo zwa dinomineisheni dzavho, vho Mu haçula nahone vha Mu vhamba.

¹³³ Zwino hezwo zwi vhambedzeni na Khaçvari namusi. [Tshikhala kha theiphi—Mudz.] Nga riwambo wa luvhengelambiluni lwa dzangano, nga riwambo wa u shaya dzangalelo kha zwikola two fanelaho u divha Ipfi la Mudzimu na pułane; nga riwambo wa hezwi, Mudzimu a nga dzhia tshigwada tshituku tsha vhathu tshine A nga shuma nga khatsho, huñwe fhethu, huno a Divhonisa, vhane vha do ditukufhadza kha Ipfi. Huno vha nga si kone u ri a two ngo ralo.

¹³⁴ A vho ngo kona uri Ho ngo zwi ita, ngauri tshivhidzo tshawho tsho vha tshi thanzi yazwo. Zwo vha zwi phanda havho. A vho ngo kona u zwi hana. A vho ngo kona u hana mbilo Dzawe, ngauri, Ipfi lenelo le vha ri vho li tenda, lo vha li Onoyo We a sumbedza uri Ü ene. Ngauri, Mudzimu o dzhia Ipfi le la vha lo tea u vha Mesia huno a Li sumbedza nga kha Muthu, huno vho do tea u Mu tuwisa. Iyo ndi yone ndila i yothe ye vha vha vha tshi nga bvela phanda ngayo, yo vha i ya u tuwisa Mesia. Huno vho zwi ita nga vhupofu na vhushayandivho, hu sa londwi pfunzo yavho. Vho vha vho thanya, vho çalifha; ri tshi amba nga lwa shango.

¹³⁵ Vhunga ro vhambedza vhuñwe vhusiku, musi Tshedza tsho rwa muvhusi muswa o pfumaho, vhonani uri o itani. O landula; munna o thanyaho, Paulo, muñwe munna o thanyaho, Tshedza tsho mu rwa. Naa o itani? O Li tanganedza. O zwi hangwa, zwe a vhuya a zwi divha, uri a kone u divha Kristo. Izwo zwo ita uri vhutshilo hawe vhu anane na Mafhundo-madifha. (Mulaedza wa vhusiku ha Swondaha yo fhiraho.)

¹³⁶ Ngetsho namusi. Khamusi Tshi rwa muñwe munna muñuku, o bvaho ndilani, o vhaho na mbidzo ya Mudzimu, o pfa, a ya kha iñwe seminari huno a guda iñwe ndaela. U fanela u tshila nga iyo ndaela kana a litshe garaña ya vhuñama hawe. Arali a tshi ita, mvumbo yawe i a tshinyadzwa, a hu na muñwe muthu-vho a no do mu tanganedza, ngauri nga tshiñwe tshifhinga o vha e wa tshiñwe tshithu-vho huno zwino ha tsha vha khatsho. Vha humbula uri hu na tsho khakheaho kha uyo munna, huno a vha nga do mu tanganedza tshivhidzoni tshawho. Musi, tshivhidzo tshi tshi khou toda fhedzi tshiga tshithihi, tshire tsha vha, arali a tshi tenda zwine vha tenda.

¹³⁷ Arali e na garaṭa, arali e Mumethodisi, arali e garaṭa... ndi wa vhuīwe vhuṭama, kana Vhuthihi, kana Mudzia-utenda-vhuraruthihi, kana tshine tshi nga vha tshone, tshivhidzo tsha Mudzimu, kana zwiimoni zwa Pentekostala, na izwo zwiimo zweṭhe. Arali e na garaṭa, vha pfa uri ofisi khulwane yo mu hangwa, huno vha thesita thalukanyo yawe, huno vha mu nea mulingo wa ḥanga ya muhumbulo, nahone vha vhona arali I.Q. yawe yo vha i ntha lwo eḍanaho lwe a nga kona u amba phanda havho. Arali a sa iti, vha a mu ḥanutshela. Izwo ndi zwone.

¹³⁸ Fhedzi, ni a vhona, tshivhidzo tshi fanela u vha tshi tshi khou sedza tshanda tsha Murena, u vhona arali Mudzimu o mu ḥea u rwelwa ḥari hawe kana hai. Izwo ndi zwone zwine ra fanela u vha ri tshi khou zwi sedza. Fhedzi ḥamusi vha vha—vha—vhamba Murwa wa Mudzimu nga huṣwa. Musi, muthu a tshi kona, nga tshilidzi tsha Mudzimu, u vhidzwa nga Mudzimu, u tendela Mudzimu a tshi Divhonisa nga khae. “Mishumo ine Nda ita na inwi ni do ita,” O ralo. Dzhielani nzhele uri ri khou tshila kha ḫuvha-de!

¹³⁹ Vha, vha dzhia, vha—vha dzhia ye—yeneyo Khalivari, ri nga kona matsheloni ano, na tshenetsho tshiitisi. Zwino, vho zwi ḫivha uri iyo ndi Ngoho; fhedzi nga ḫwambo wa vivho, luvhengelambiluni. Naa Yesu o ri mini khavho? “Arali Ndi tshi pandela vhodiabolo nga maanda a Mudzimu, zwenezwo inwi ni mu pandela nga nnyi—nnyi? I ri ni vha vhe muhaṭuli waṇu, ni a vhona, arali Nne nga maanda a Mudzimu ndi tshi pandela vhodiabolo.”

¹⁴⁰ Zwino, u tou fana na zwe na vha pfa vha tshi ri, “Naa ni nga sumbedza uri ndi maanda a Mudzimu?” Ndi takalela u vhona, ndi takalela u pfa iyo mbudziso ye A vhudziswa. Vho vha vho thanya lwo kalulaho kha hezwo.

¹⁴¹ Dzhiani nzhele, “Nge A Diita Mudzimu,” huno O vha e Mudzimu. “Huno ri nga si Mu ḥanganedze uri a ri vhuse.”

¹⁴² Fhedzi zwino tshithu, tshililo tshenetsho tshithihi tshi a da hafhu, “Iyo Bivhili yo ḫwalwa nga muthu,” vha ralo. “A ri tei u tshila nga Heyo.” Illo ndi ḥa Mudzimu. Illo ndi Ipfi ḥa Mudzimu. Ndi Mudzimu, Ene muṇe.

Ndo vha ndi tshi khou amba na munna mulovha, ha pfi, “Ndi zwone, muṇwe munna a nga ḫi vha o ḫwala iyo Bivhili.”

Nda ri, “Ee, o vha hone. Dzina Lawe, ri Mu ḫivha sa Mudzimu.”

¹⁴³ Yo ḫwalwa kha miṇwaha ya zwigidi zwiṇa yo sianaho, katukuṭuku, Maṇwalo, murahu ri tshi bva kha Yobo, ndilani yoṭhe u ya kha Testamente Ntswa, huno yo ḫwalwa nga—nga... nahone miṇwaha ya madana yo siana; huno ya ḫwalwa nga vhatu vho fhambanaho, nahone vhone muṇwe a sa ḫivhi muṇwe, kha zwiipiḍa zwe fhambanaho zwa shango,

huno a hu na na Ipfi na lithihi Layo line la do lata liiwe. Ndi ri muñwe nga a de phasi ha Malofha a Yesu Kristo huno a while pfulufhedziso iñwe na iñwe ngomu Henehfo! Mudzimu u kombetshedzea u Li londota.

¹⁴⁴ Fhedzi a vha nga zwi iti. Vha do da, vha ri, “Oo Murena, ndi todou ita tshiñwe tshithu. Nnee tshifhiwa tshihulwane. Haleñuya, Murena! Vhugala kha Mudzimu, ndi a tenda uri ndo tshi wana. Haleñuya!” Zwi nga si shume na kathihi. Ni nga di bveledza saikholodzhi nnzhi, fhedzi zwi nga si shume.

¹⁴⁵ Mudzimu o tea u limuwa iyo tshanduko. Mudzimu u tea u ita hezwo. Ri nga amba zwinzhi nga ha zwenezwo, fhedzi ndi fulufhela uri ni—ni khou pfesesa.

¹⁴⁶ Vhonani, fhedzi zwino vha nga si tendele Ipfi uri li vha vhuse. Ndi ri, “Muñwe na muñwe wanu kha humele murahu. No lovhedzwa nga ndila yo khakheaho. No lovhedzwa tshivhidzoni tsha Kañolika.”

¹⁴⁷ “Naa ni nnyi inwi a no ri vhudza hezwo?” A si nne; ndi Ipfi. “Fhedzi ndi a ni vhudza, ri—ri tenda...” A thi londi zwine na tenda; ndi zwine Bivhili ya amba. “Fhedzi a ri tei u tshila nga Heyo.”

¹⁴⁸ Inwi ni a zwi ita, kana ni phasi ha khathulo ya Bivhili heino. Ngauri, “Ane a do çusa Ipfi lithihi Khayo, kana a engedza nga lithihi Khayo, zwo raloho zwi do tuswa kha, mukovhe, wa Bugu ya Vhutshilo,” naho e mushumeli, mufunzi, kana onoyo ake a vha ene. Ni tea u da phasi ha muvhuso wa heli Ipfi, ngauri Ndi Mudzimu. Bivhili i ri Ndi Mudzimu.

¹⁴⁹ “A ri nga Li tendeli uri li ri vhuse.” Vha dzhia ndaela dzavho, na dzidinomineisheni, na zwithu zwavho—zwavho zwiñuku zwo nakaho zwine vha tenda khazwo, nahone zwo tanganedzwa nga khorwana dza muthu, huno vha zwi dzhia vhudzuloni ha Ipfi la Mudzimu.

¹⁵⁰ Naa vho itani? Vho dzhia Baraba, muvhulahi, vhudzuloni ha Murwa wa Mudzimu, nga ñuvha la u vhambwa ha u thoma.

¹⁵¹ Huno ñamusi vha khou dzhia ipfi la muiwe muthu, line la vha mazwifhi na ndila ya lufu, huno vha lamba u dzhia ndila ya Vhutshilo, Ipfi la Mudzimu. Ndi hañula uyu murafho, ndi u vhona mulandu, kha Ipfi la Murena, uru vha khou khakha. Vha na mulandu wa u vhamba, kana u lingeda u vhamba Muya.

¹⁵² Vha lilela mvuseledzo, huñwe na huñwe. Naa ni khou yo vha hani na mvuseledzo ngeno Ipfi Lone line li sa koni u shuma kha vhatu? Ndi do takalela muñwe a tshi mphindula heþo. Naa zwi nga ita hani, ngeno ni tshi hana yeneyo Mvuseledzo Yone inę? Muporofita o vha amba zwavhuði, “zwivhumbeo zwa u nga vha ofha Mudzimu.” Zwivhumbeo zwavho, murahu hangei, zwo hana Ipfi la Vhutshilo. Zwivhumbeo zwavho, ñamusi, zwi hana tshithu tshire tshi nga vha disedza mvuseledzo; ndaela na zwivhumbeo zwavho. Ee, muñe wanga.

¹⁵³ Vha dzhia dinomineisheni na ndaela dzavho vhudzuloni ha i—Ipfi, huno izwo zwi vhamba Ipfi Lone Lawe nahone zwa ita Ipfi Lawe uri li si vhe na mveledzwa kha vhatu. Musi vha tshi vhona Ipfi la Mudzimu nga ndila i pfalahoh Nahone li tshi tou Divhea, uri Mudzimu o ita pfulufhedziso ya uri U do ita hetshi, huno ngezwi U khou tshi ita, huno vha khou tamba Ngatsho nahone vha tutshela kule Hatsho, ndi u nyefula. Nahone vha lingedza u vhamba Lone line Ipfi.

¹⁵⁴ Naa ndi ngani vha tshi Li vhamba? Vha nga si kone u vhamba Ipfi vhunga vha songo vhamba Mudzimu. Vho kona u vhamba muvhili we wa fara Mudzimu, Murwa wa Mudzimu. Uyo vho kona u vhamba, fhedzi vha nga si kone u vhamba Mudzimu. O do tea, nga itsho tshifhinga, nga nthani ha u vha tshone Tshithavhelo, u dzenisa vharwa vhanzhi vho telwaho Vhutshilo Vhu Sa Fheli. Vho do tea u zwi ita nga itsho tshifhinga, fhedzi zwino vha nga si kone u zwi ita. Vha nga si kone u zwi ita, ngauri Ipfi Lone line li do bvela phanda na u tshila. Fhedzi vha . . .

¹⁵⁵ “Naa vha itani? Naa vha vhumba hani? Naa ni khou ri mini-ha, mureri? Naa ni khou fhaṭa hani pulatifomo yanu hafha, uri vha Mu vhambe, na zwenezwo?”

¹⁵⁶ Vha khou vhamba mveledzwa dza Mafhungo-madifha kha vhatu, nga ndaela dzavho. Uho ndi u vhambwa. Zwauri hune vhathu vha dzula mimotsharani iyi mihulu, i no pfi zwivhidzo, dzidinomineisheni, huno vha tala mutalo wa ndaela, nahone yo . . . Ipfi la Mudzimu li nga si vhe na mveledzwa khavho, ngauri vha—vha haṭula zwenezwo zwithu zwe Kristo a ri zwi do itea. Zwi tou vha zwi sa di u ya nga ndaela yavho.

¹⁵⁷ Huno na ene Yesu ho ngo da u ya nga vhupfesesi ha U Da Hawe. U da nga ndila ye Mudzimu a Mu ruma, nahone U da kokotolo na Ipfi. A zwi mangadzi O ri O “Li dzumbela maṭo a vhaṭali na vho funzwaho, huno a Li dzumbululela vhushie vhu no do guda.” Naa ni a pfectesa? [Tshivhidzo tshi ri, “Amene.”—Mudz.]

¹⁵⁸ Oo, vho vhamba mveledzwa dza Ipfi. Ndi na tshithopho tsha Mañwalo hafha. Ndi nga di tou redza mavhili kana mararu ao. Vha a Li vhamba.

Inwi ni ri, “Naa vha vhamba hani Ipfi?”

¹⁵⁹ Musi Yesu o amba zwauri Ha shanduki mulovha, namusi, na lini na lini, Vhaheberu 13:8; vha ri, “Nga ndila yo raloho U zwenezwo.” Ni a vhona? Zwo luga.

¹⁶⁰ Huno Yesu o amba, ndaela Yawe ya u fhedza kha Tshivhidzo, “Iyani shangoni loṭhe,” Marko 16, “iyani shangoni loṭhe, huno ni rere Mafhungo-madifha. Hezwi zwiga zwi do tevhela avho vha tendaho. Shango loṭhe; kha tshivhumbwa tshiñwe na tshiñwe!” Huno hafu yaṭo a i athu swikelwa. Huno hu na vha dzimilioni vha no fa, nwaha muñwe na muñwe, vhane vha sa, vha songo vhuyaho vha pfa Dzina la

Yesu. Ngauralo, dzi kha di vha ndaela dza u angaredza. I kha di vha ndaela ya Mudzimu. "Shango lothe, huno ni rere Mafhungo-madjifha kha tshivhumbwa tshiñwe na tshiñwe. Ane a tenda huno a lovhedzwa u do tshidzwa; ane a sa tende u do latwa. Huno izwi zwiga zwi do tevhela avho vha tendaho: nga Dzina Langa vha do pandela vhodiabolo; vha do amba nga ndimi ntswa; arali vha takula manowa, kana vha nwa zwithu zwi vhulayaho, a zwi nga do vha vhaisa; arali vha vhea zwanda zwavho kha vhalwadze, vha do fhola."

¹⁶¹ Huno vha ri, "Izwo zwo vha zwi zwa *uyo murafho*," huno vha ita uri ndaela ya Mudzimu i si vhe na mveledzwa kha Heji, nahone vha vhamba mveledzwa ya Ipfi kha vhathu. Amene.

¹⁶² Petro o amba, nga Duvha la Pentekoste, e na khii dza Muvhuso; dze Yesu a mu nea, "Tshiñwe na tshiñwe tshine wa amba fhanu, Ndi do tshi amba Hangei nt̄ha."

¹⁶³ Huno nga Duvha la Pentekoste vho vhudzisa zwe vha vha vha tshi nga ita uri vha ḥanganedze Muya Mukhethwa, we vha vha vha tshi khou diphina Ngawo; vho sedza vhañwe vha tshi khou ita zwe vha do zwi vhidza vhutsilu; vha dedeleka, huno vha fhufha, huno vha wa, vha tshi ita unga vho kambiwa.

Huno vhone, vha tshi khou ri, "Havha vhathu vho fura veine ntswa."

¹⁶⁴ Fhedzi ho vha na munna we a ima, ane nga dzina a pfi Petro, we a vha e na khii dza Muvhuso, huno a ri, "Havha a vho ngo kambiwa," Mishumo 2, "sa zwine na zwi dzhiisa zwone, ngauri i awara ya vhuraru ya ḫuvha. Fhedzi izwi ndi zwe zwa ambiwa." Ni a vhone, heneffo murahu kha Ipfi hafhu, a tshi khou sumbedza uri Muya u kha di vha Ipfi, huno Ipfi li kha di vha Muya, Ipfi la Mudzimu. "Huno zwi do da, vhunga zwo ambiwa nga muporofita Juele, Juele 2:38. 'Huno zwi do khunyelela mađuvhani a u fhedzisela, u ralo Mudzimu, Ndi do shululela Muya Wanga kha ḥama yothe.'"

¹⁶⁵ Thetshelesani uyo muporofita o imaho heneffo. Mu sedzeni, a sa ofhi, o ima heneffo kha itsho tshigwada, nahone a tshi khou vha hatula, a tshi khou vha vhone mulandu. Ha pfi, "Holu ndi Luñwalo! Hezwi ndi zwe zwa ambiwa nga muporofita! 'Ndi do shululela Muya Wanga kha ḥama yothe. Vharwa na vhananyana vhañu vha do porofita. Kha vhalanda Vhanga vha vhasadzi na mulanda wa musadzi Ndi do shululela Muya Wanga; huno Ndi do sumbedza zwiga kha mađadulu ṭadulu, na kha lifhasi; mulilo, na phuphu dza vhutsi, na ludimuya.'" A tshi khou U sumbedza nga Ipfi, uri Wo vha u Ipfi.

¹⁶⁶ Huno vho sea nahone vha tamba Ngalo, huno vha ya khañhuloni. Huno mudi wa fhiswa, huno vha ḥelana vhana. Huno namusi vha vhathu vho balanganaho shangoni lothe, zwi tshi sumbedza uri Muya Mukhethwa u kha di vha Ipfi la Mudzimu, u disa heji Ipfi u ita uri Li tshire.

¹⁶⁷ Yesu Kristo o vha e Muthu, Munna, Mudzimu. Haleļuya. O vha e u vhonadzwa ha Mudzimu. O vha e Mudzimu nga tshivhumbeo tsha muvhili, u vhonisa Ipfi la Mudzimu la itsho tshikhathi, u ita uri itsho tshikhathi tshi vhone pfulufhedziso ya Mudzimu ya itsho tshikhathi.

¹⁶⁸ Huno Muya Mukhethwa ndi tshenetsho tshithu tshithihi namusi. Ndi Muya wa Mudzimu kha Ipfi lo nwalwaho, u no khou lingedza u wana muňwe uri u Divhonise kha tshino tshikhathi, u sumbedza uri Ha shanduki mulovha, namusi, na lini na lini. Yohane Mukhethwa 14:12, “Mishumo ine Nda ita na inwi ni do ita-vho.” “Yesu Kristo a sa shanduki mulovha, namusi, na lini na lini.” Ni a vhona, u sa fhidzi u wana ndila Yawo ya u Divhonisa.

¹⁶⁹ Huno a vho ngo kona u zwi ita. Vhatu vho elekanyesa nga ha dinomineisheni dzavho, zwiṭaha zwiṭuku zwavho zwe vha vhe nazwo, na zwińwe-vho, zwi no vhidzwa “zwivhidzo” zwavho, ngauralo a vho ngo funa u zwi thetshelesa. Vha ita ngauralo na namusi, zwenezwo zwithihi, vha vhamba nga huswa.

¹⁷⁰ Petro, nga Duvha la Pentekoste, o ri, “Inwi vhanna vha no dzula Yerusalem, kha la Yuda, ipfani maipfi anga. Havha a vho ngo kambiwa. Arali ni tshi do ima na dzika, ndi do ni sumbedza zwine zwa vha zwone.” Huno u bvela phanda nahone a vha ḥalutshedza.

¹⁷¹ Musi mbilu dzavho dzo ḥavhiwa, musi vha tshi pfa Heli, ha pfi, “Naa ri iteni uri ri tshidzwe? Naa ri iteni uri ri ḥanganedze Hetshi? Ro tenda tshoṭhe uri ipfi ḥanu ndi lone.”

¹⁷² A ri, “Shandukani, inwi noṭhe, huno ni lovhedzwe nga Dzina la Yesu Kristo u itela khangwelo ya zwivhi zwaňu, huno ni do ḥanganedza tshifhiwa tsha Muya Mukhethwa. Ngauri hetshi no ḥewa inwi na vhana vhaňu, avho vha re kule, na vhanzhi vhane Murena Mudzimu washu a do vha vhidza. Hezwi ndi zwine vha tea u ita. Shandukani, huno ni lovhedzwe nga Dzina la Yesu Kristo.”

¹⁷³ Huno, namusi, tshivhidzo tsha Roma Katolika tsho ḥanganedza, “Khotsi, Murwa, Muya Mukhethwa,” u dzhia fhethu ha Hetsho. Vhudzuloni ha Hetsho, tshilalelo. “Bvisani lulimi huno ni dzhie kokisi ḥisekene, huno tshifhe a nwe veini, huno ni vhathihi fhethu huthihi.” “Tshilalelo,” vhudzuloni ha u vha Muya Mukhethwa, tshi no vhidzwa, “Tshilalelo tshikhethwa.” Huno “Khotsi, Murwa, Muya Mukhethwa,” ndovhedzo ya vhuraruthihi, ngeno i sa khou vhuya ya ambiwa Bivhilini. Dzina Khotsi, Murwa, Muya Mukhethwa ndi Murena Yesu Kristo. Huno izwo ni tshi zwi sumbedza murafho uyu u sa ḥivhalei...

¹⁷⁴ Vhunga Petro o ri, “Ditshidzeni kha murafho uyu u sa ḥivhalei.”

¹⁷⁵ Musi ni tshi vha sumbedza Lone, naa vha itani? Vha tamba Ngalo, huno vha ri, "Tshivhidzo tshashu a tshi Li funzi nga heyo ndila." Zwenezwo ni na mulandu, ni na mulandu wa u vhambwa ha Yesu Kristo, nga u dzhiebla vhathu maanda a Mudzimu. Ni vhamba lenelo Ipfi khavho, huno ni a dihatula inwi muqe na tshivhidzo tshanu, ni vha khadela tshikwekweni tsha lufu.

¹⁷⁶ Vhunga ndo amba nga ha ula mushumeli Swondaha yo fhiraho, Martin Luther King o vha e henengei na avho vhathu vha vhuthogwa, a tshi vha khadela heneffo tshikwekweni tsha lufu. Oo, arali muñwe o vha a tshi nga amba fhedzi na uyo munna! Ndi tama ndo vha ndi tshi nga kona. U tou itela vilili lituku la likumedzwa la tshikolo, ni a vhona, kana tshiñwe... Naa ndi phambano-de? Nnenne, nga vhanna! Arali vhathu vha si na mbilu yo edanaho u dowelana na muthu nga ñwambo wa muvhala wawe, vho latwa nahone vho fa, naho zwo ralo. Lushaka lu vha nea pfanelo. Ni songo lwa nayo. Ni songo ralo. Mini-ha arali muñwe o amba uri Vhaairishi vhothe kana muñwe, Madzheremane othe, kana muñwe-vho, vha tea u sa dowelana? Hezwo zwi nga si vhuye zwa dina Vhakriste. Vha do bvela phanda. Huno uyo munna ndi Mukriste. Sa—sa mushumeli, ho ngo tea u khadela vhathu kha mvutshelano u itela u lwa na hezwo. Vha khou yo itisa uri vha dzimilioni vha fe. Zwi do thoma vhuñwe vhuvutshelano. Huno Zwi a shonisa u ita hezwo.

¹⁷⁷ Zwenezwo zwithihi zwi bvelela henehafha, kokotolo zwenezwo zwithihi hafhu. Izwo ndi zwone. Ni a vhona? Vhathu, nga ndila ye vha vha tshi nga sedza fhedzi Ngoho huno vha vhona zwine Ngoho ya vha zwone. "Tshivhidzo tshashu a tshi zwi tendi hezwo. Ri na iñwe ndila." Zwo ralo, a si ndila yone. A si tshone tshithu.

¹⁷⁸ O ri, "Shandukani, huno ni lovhedzwe nga Dzina ja Yesu Kristo u itela khangwelo ya zwivhi." Zwino a vha nga zwi iti. Oo, zwenezwo vho itani? Zwino itshe tshi tou vha tshiñwe tshithu tshithihi, kha zwa madana. Ri do da khazwo, khamusi, nga u tñvanya u ya nga hune ra kona.

¹⁷⁹ Zwino u vhambwa ha vhuvhili, zwenezwo. Arali muthu a tshi tanganedza "Khotsi, Murwa, na Muya Mukhethwa," nda—ndaela vhudzuloni ha Ipfi, maimo vhudzuloni ha Dzina, naa u itani kha vhathu? U vhamba mveledzwa dza Ipfi kha vhathu, musi a tshi amba, zwauri, "Marko 16 yo vha i tshi tou vha ya ula murafho."

¹⁸⁰ Huno Mudzimu o amba, Ene muqe henehafhalja, Yesu a tshi khou amba navho, a ri, "Iyani shangoni lothe, huno ni rere Mafhungo-madifha kha tshivhumbwa tshiñwe na tshiñwe. Ane a tenda huno a lovhedzwa u do tshidzwa; a sa tendiho u do latwa. Huno izwi zwiga zwi do vha tevhela..." Naa u

swikafhi? Lushaka luñwe na luñwe, ndaela iñwe na iñwe, lulimi luñwe na luñwe, lushaka luñwe na luñwe, vhatu vhañwe na vhañwe, Mafhungo-madifha eneo mathihi. “Huno izwi zwiga zwi do tevhela avho vhane vha tenda.” Huno musi muthu a tshi lingedza u tumula Hetsho kha Bivhili, u vhamba mveledzwa dla Mafhungo-madifha kha itsho tshivhidzo. Ngauralo ndi ni vhona mulandu, nga Dzina la Yesu Kristo! Ni na mulandu wa u vhulaha Murena!

¹⁸¹ Tshivhidzo tsho Mu vhenga. Mulandu? O vha e Mudzimu onoyo wavho. Vho Mu vhenga, huno vha hana A tshi vha Mesia wavho. Hai, muñe wanga, a vho ngo ḥoda Mesia o raloho.

¹⁸² Huno tshivhidzo tshi ita zwenezwo zwithihi ḥamusi. Tshi hana Ipfi. A vha Li ḥodi. Li fhambana na zwe vha funzwa uri vha zwi tende nga ndaela dzavho.

¹⁸³ Huno Ipfi ndi Mesia. Ni a zwi tenda izwo? [Tshivhidzo tshi ri, “Amene.”—Mudz.] Zwo luga, tshivhoniswa tsha Ipfi zwenezwo ndi mini-ha? Mesia a vhoniswaho, ane a vha Muya Mukhethwa vhukati hashu. U khou Divhonisa, u lingedza u, huñwe na huñwe hune A nga wana luvhone lune A nga sedza nga khalwo, lwe lwa sa vhudzulelwe vhutsi ha dzindaela na zwithu, A nga ḥea Tshedza nga khalwo.

¹⁸⁴ Elelwani, “vho vuwa huno vha penyisa mbone dzavho,” huno vha ḥanzwa tshumela dzavho, fhedzi tshifhinga tsho no tuwesa. Ngauralo musi muthu a tshi vhona avha Vhalutere, Vhapuresbiteri, Vhamethodisi, vha tshi khou lingedza u dzhena maduvhani aya a u fhedzisela u ḥanganedza Muya Mukhethwa, mulandu, ni a zwi divha uri a vha U wani. Ndi zwone, vha nga di amba nga dzindimi nahone vha fhufhela ntha na fhasi, fhedzi vhonani zwine zwa bvelela. Zwa vhukumakuma vha... Ndi tshiga tsha tshifhinga tsha uri tsho fhera. Ri kha vhufhelo.

¹⁸⁵ Nga maändesa tshifhinga tshiñwe na tshiñwe, tshi—Tshivhidzo tshi nga pfa khaedu, ya u, “Idani ngeno N̄tha!” Amene.

¹⁸⁶ Zwi tshi khou tou dzudzanywa kokotolo nga ngona. Muya Mukhethwa fhano u tshi khou ita Yesu Kristo vhukuma nga kha avho vhane A nga shuma nga khavho, a tshi khou Disumbedza; a tsa, vha dzhia tshifanyiso Tshawe, a tshi ḥana, a ita uri saints i dzhie, i ambe nga hatsho, na tshiñwe na tshiñwe-vho, a tshi khou sumbedza fhedzi kokotolo zwe A ri U do ita. A tshi khou ita kokotolo zwithu zwe A ri U do ita, nga Luñwalo. Zwino, hu si ni iñwe ndaela, kana muñwe muhumbulo wo itwaho wa muthu, malofha manzhi, mulilo, na vhutsi, na zwithu; fhedzi vhutanzi ha Luñwalo ha Mesia. Hu na nyedziselo nnzhi, na vhaedzi, na—na vhañwe-vho; fhedzi izwo zwi tou ita fhedzi Ipfi la vhukuma uri li penye kha

vhukhwinesa Halo, izwo ndi zwone, li ita uri vhatu vha re vha maya, vhane vha kona u haṭula vhukati ha zwi re zwone na zwe khakheaho. Ni a vhona?

¹⁸⁷ Vha a Mu hana! Vho landula Mesia wavho, “A ro ngo Mu ḥoda.” Huno vha ita zwenezwo zwithihi namusi, “Zwo ralo, arali ndo tea u tsela henengei fhasi huno nda ḫifara sa itsho tshigwada, a thi Li ḫodi na luthihi.” Zwo luga, zwenezwo a ni Nalo, na luthihi. Ndi zwenezwo fhedzi. Ni a vhona? Zwi a fana na zwino.

¹⁸⁸ Naho O ḫivhadzwa nga ndila yo teaho, a vho ngo Mu ḥoda. Vho Mu vhenga. Ndi ngani zwe vha zwe ralo? Vhafunzi vhavho ri vha vhidza tshigwada tsha “manowa.” O ri, “Inwi tshigwada tsha mbondo dzo hulungwaho. A ni tshithu nga nn̄da ha zwaloni. Nga nn̄da haṇu ho pholishwa nga zwiambaro na kholoro dzo moniswaho, huno nga ngomu ndi marambo a vhatu vho faho.” Ni a vhona? Ho ngo ḫipilela. Mugaleļja muṭukutuku, murwa wa muvhadi, fhedzi Ho ngo ḫipilela. O vha vhudza.

¹⁸⁹ “Ni songo elekanya,” Yohane o ralo, o Mu rangaho phanda, a ri... Ndi muñwe ho ngo ḫipilela. O ri, “U songo ḫa hafha u tshi amba uri wo wanela hani khotsi ashu Abrahamu. Mudzimu u a kona u vusela Abrahamu vhana kha haya matombo.” Ee, muñe wanga. “Mbado yo vhewa tsindeni la muri, huno muri muñwe na muñwe une u sa anwe mutshelo u a reñwa wa wa nahone wa poswa muliloni.” Ee, muñe wanga. Mudzimu u na vhutevheleli, o khwaṭha nahone u na vhuhali kha Ipfi Lawe. Ee, muñe wanga.

¹⁹⁰ Dzhielani nzhele, Yesu, o sumbedzwa nga Luñwalo! Naa ni a mpfa? [Tshihidzo tshi ri, “Amene.”—Mudz.] Yesu o ḫivhadzwa nga Mudzimu, nga Mañwalo, uri O vha e Mesia. Naa izwo ndi zwone? [“Amene.”] Ri do ya kha u vhona mulandu ha Petro, nga miniti i si gathi, huno ni do wanulula arali ho vha hu hone kana hai. O ḫivhadzwa nga hothe, uri O vha e Mudzimu o vhonadzwaho Muthuni, a no pfi Murwa wa Mudzimu. Izwo ndi zwone. Naho, O vha o ḫivhadzwa nga ndila yo teaho nahone o khwathisedza Ipfi lo fulufhedziswaho, la uri O vha e Mesia. Mushe o ri, “Uyu Mesia, musi A tshi ḫa, U do vha muporofita,” huno zwithu hezwi zwithe zwi do itea.

¹⁹¹ Musadzi muṭuku a re na...o ima tshisimani, na iyo nyimele yothe ya tshika ye a vha e yone, naa izwo zwe fanyisani? Uri Mudzimu maduvhani haya a u fhedzisela u do kokodzela mashandukwa nn̄da.

¹⁹² Elelwani vhusiku ho fhiraho, kha mbingano... Kana, nga tshiñwe tshifhinga tshe nda rera fhano. Kha tshilalelo tsha mbingano, vho amba nga ha uri vho amba hani. “Ndo ita munyanya muhulu, na zwiñwe-vho. Huno avha vhanna vhothe, ndo vha ramba, huno muñwe na muñwe u na tsha u ḫitanzwa. ‘Ndi nga si kone u zwi ita, ngauri zwi nga tshinyadza ndaela dzashu. Ndi nga si kone u ḫa, ngauri ndi na wanga...ndo mala

mufumakadzi; a nga si ntendele u da. Nnenne, ndo—ndo malwa kha tshivhidzo tshi re fhano. Mme anga vho vha vhe Methodisi, kana Baphuthisi, kana Mukatolika, kana Muporote... ndi nga si kone u zwi kondelela Hezwo.”¹⁹³

¹⁹³ A ri, “Huno inwi ni nga si de. Nahone inwi ni nga si thetshale tshilalelo Tshanga! Fhedzi bvelani ngei nn̄da huno ni kombetshedze vharengisamivhili na dziphombwe, na zwidakwa, na mini na mini tshi re hone. Vha diseni ngomu, huno Ndi do vha onyolosa. Ndo ita tshilalelo Tshanga, nahone vhaeni Vhangā—Vhangā... Dafula Yanga yo adziwa, huno muñwe u khou do vha heneñho.” A vho ngo da. O vha a tshi khou hañula avho Vhayuda.

¹⁹⁴ Mini-ha namusi? “Ndi—ndi—ndi wa Puresbiterieni. Ndi—ndi nga si kone. Nñe ndi Mumethodisi, Mulutere. Nñe ndi wa vhuthihi. Nñe ndi wa vhuvhili. Nñe ndi *hetshi*. Ndi nga si kone. Ndi nga si kone.” Khezwo. Inwi ni nga si vhe hone tshifhingani itsho! Izwo zwi tou vha zwone kokotolo zwe A zwi amba. Zwo luga.

¹⁹⁵ O khwathisedza nga pfanelo, Mesia. Lo khwathisedza nga pfanelo, Ipfi, Ipfi lo fulufhedziswaho. Mudzimu we a fulufhedzisa Ipfi, uri izwi ndi zwine Mesia a ño vha zwone, ngoyu U a ña huno a ima kokotolo. A ri khavho, “Zwino, naa ndo kundelwafhi? Arali ni sa koni u Ntenda sa Muthu, tendani mishumo ine Nda ita; ngauri ndi zwone zwithu zwine zwa amba Uyo ane Nda vha ene. Ndi zwone zwine zwa ri Nñe ndi Mesia. Inwi a ni ñodi u Ntenda, ngauri ni elekanya zwauri—zwauri hangei Yosefa... Huno Ndo bebelwa hangei randavhulani ñukhu, huno—huno khotsi Anga vho nnyalusaho fhano ndi mu—muvhadi henengei. Huno—huno inwi...”

¹⁹⁶ Musi A tshi dzhena heneñho Galilea, vhone, nahone vho vha vha tshi khou yo ita... A ri, “Hei, naa uyu Muthu ndi Nnyi? Naa Uyu ndi Nnyi? Ndi zwone, Munna uyu, naa uyo ha... Naa Jose na vharathu Vhawe vhothe a vhaho fhano? Naa khaladzi Dzawe a ri nadzo? Naa mme Awe a vha pfi Maria, huno khotsi Awe vha pfi Yosefa? Naa ndi ngafhi, naa ndi ngafhi he na wana Muthu o raloho? Naa O bva kha tshikolo-de? Ha na garaña ya vhutama. Ene, Ha na dzindalukanyo. Naa ndi ngafhi he Muthu o raloho... Naa itshi no tshi wana ngafhi, naho zwo ralo?”

¹⁹⁷ Huno Bivhili yo ri O—O khukhulisea. O ri... Mishumo minzhi ya maanda Ho ngo kona u i ita; huno o sokou rembulusa muñana Wawe a vha furalela. O ri, “Muporofita u na khuliso nn̄dani ha musi e vhukati ha vhathu vha hawé, ni a vhona, shangoni la hawé,” sedzesani, “kana shango la hawé.”

¹⁹⁸ Ngoulaa, o khwathisedza nga pfanelo, Mesia. Ho ngo dzhia khuliso Yawe. O ri, “Ndi nga si kone u ita tshithu nga nn̄da ha zwine Nda vhona Khotsi a tshi ita.” Huno O vha itela khaedu ya u vhudzisa arali uyo o vha e Mesia.

¹⁹⁹ Huno sedzani uļa musadzi muļuku mulala wa tshika; o zwi limuwa. O, o vha a songo khakhisa. Luvhone lwo vha lu songo... Nga lwa vhudilisi o vha o khakha, a hu na zwiñwe. A hu na we a vha a tshi nga zwi khwathisedza. Milayo ya Mudzimu i a zwi haṭula hezwo. Nga lwa vhudilisi o vha o khakha. Fhedzi o...

²⁰⁰ Ni a vhona, Mudzimu ha ni haṭuli u ya nga yañu... zwine na vha zwone. U diphīña... Ha haṭuli nga uri ni muhulu hani kana nga uri ni muļuku hani. U haṭula mbilu yañu, zwine na ḥodou vha zwone.

²⁰¹ Huno ho ngo ḥoda tshiñwe tsha hezwo zwithu. Huno musi Itshi tshi tshi taidza phanda hawe, Itsho ndi tshe a ḥoda. A hu londwi zwe a vha e zwone nga itsho tshifhinga, o vha o ḥilugisela u ḫa. Ni a vhona? Mudzimu u haṭula mbilu. Muthu u haṭula mbonalo ya nga nn̄a. Mudzimu u sedza mbilu. A hu londwi zwe a vha e zwone; itsho Tshedza tsho taidza, huno izwo zwe li ladza. O fasha ku—ku—ku—kudzulele kwa ndeme kwa Vhutshilo Vhu Sa Fheli.

²⁰² Yawee, nñenne, nga ndila ye izwi zwa pfuma, kha nñe, ni a vhona, u vhona na u divha uri ndi Ngoho. Ndi ḫo—ndi ḫo ima na Heyi. Ndi ḫo tendela... Mudzimu wa Tađulu u ḫo takuwa, huno ipfi langa li ḫo vha kha theiphi ya maginete ya tshifhinga tshihulwane tsha Mudzimu hangei, huno li ḫo haṭula uyu murafho nga ḫuvha la u fhedzisela. Ngauri, li—li kha theiphi ya maginete, zwenezwo li ḫo kona u vha kha theiphi ya U Ya Nga Hu Sa Fheli. Izwo ndi zwone. U ḫo haṭula uyu murafho wa vhareri vhane vha vha na tshifanyiso tsha u nga vha ofha Mudzimu, huno vha tshi hana Maanda a Ipfi na u vhonadzwa Halo ngeno ḫo divhadza nga pfanelo uri U kha di vha Yesu Kristo, wa mulovha, ñamusi, na lini na lini. Ndi vha vhona mulandu, nga Ipfi la Mudzimu.

²⁰³ Ndi ḫo tea u ya kha inwe pfulufhedziso, nga u tāvhanya, ngauri ri na miniti i no ḥodou swika ya fumiñhanu fhedzi.

²⁰⁴ “Henengei vho—henengei vho...” Mini? Yawee, nñenne! Khalivari! Huno vho Mu “vhamba,” lwa vhuraru. Vho Mu vhamba, hu si ni nga u limuwa Ipfi ḫo fulufhedziswaho la Mudzimu li tshi vhonadzwa. Huno ndi ngani vho vhamba uyo Muthu? Naa ni nga elekanya? Kha ndi humele murahu lwa tshifhinganya. Naa ndi ngani avho vhathu vho vhamba Muthu o raloho? Vhunga Maria...

²⁰⁵ Vhunga ndo vhala bugu nga tshiñwe tshifhinga, i no pfi *Mukololo wa Nndu ya Dafita*. Yo ñwalwa nga Ingraham, Dokotela Ingraham. Bugu i mangadzaho! Ndi litambwa, i no tea u vha i ngoho lu songo fhelelaho, ya liñwe liñwalwa la kale ḫo dzhiwaho kha musadzi a no pfi Adina, we yaye... O ya ngei Palestina, a tshi bva—a tshi bva ngei Egipita, Cairo, ndi tenda uri zwe vha zwi zwa, u yo fhedzisa pfunzo dzawe. Huno o vha e henengei tshifhingani tsha—tsha Kristo, huno o vha o tea u

dovha a ñwalela khotsi awe. Zwo vha zwi tshi ðo vha zwavhudí arali no vha ni tshi nga i dzhia na i vhala. Yone, ndi yavhudí vhukuma, *Mukololo wa Ndú ya Dafita*. Munna onoyo muthihí we a ñwala *Khavhu ya Mulilo*; huno, khayo, Cecil DeMilles o dzhia *Ndaela dza Fumi*.

²⁰⁶ Zwino ri wana uri, buguni iyi, uyu Adina o dovha a ñwalela murahu. Huno o ri, nga ðuvha la u vhambwa, ula Maria Magdalina, we khae A pandéla vhodiabolo vha sumbe, a gidima phanda ha gogo, a ri, “Naa O itani? Naa O itani? U fhodza fhedzi vhalwadze nahone a lingedza u phulusa avho vhe vha vha vhe dzidzhele! Naa O itani nga nnða ha zwivhuya? Muñwe kha zwi ambe!”

²⁰⁷ Huno munna a mu mapha a budekanya dzharaða thwii, zwa ðodou ralo, huno a ri, “Naa no vha ni tshi ðo tenda uyo musadzi wa tsilu, phanda ha vhotshifhe vhanu?”

²⁰⁸ Khezwo. Ni a vhona? Naa O itani? Ho ngo ita tshithu. Naa ndi ngani vha tshi ðo Mu vhamba? Mulandu? Mulandu? Nge vha si limuwe uri O vha e Nnyi.

²⁰⁹ Ndi zwenezwo zwithihi ñamusi. Vhareri, na vhathu vha ano maðuvha, na vhadededzi vhashu vha musalauno, vho khakhisa vhathu uri vha tende uri Izwi ndi “vhuloi, kana diabolo, kana u vhala muhumbulo, kana vhuñwe vhufhura, kana luñwe lushaka lwa vhukwila,” u swika vhathu vha sa zwi limuwi zwauri ndi khwañisedzo ya Ipfì la Mudzimu la ñino ðuvha. Ndi zwiga zwa maðuvha a u fhedzisela.

²¹⁰ Zwivhidzo, arali ni si wa dzangano ñavho, vha ðo ri, “Ah, musi, izwo ndi zwa u sokou ðiitela. Izwo ndi—izwo ndi vhufhura. Ndi zwone, sedzani afha fhasi kha *Mukenenene na Mukenenene*.” Fhedzi vha litsheni nga tshiñwe tshifhinga vha sumbedze uri Tshithu tsha vhukuma ndi vhufhura. Uh-huh. Vha litsheni nga tshiñwe tshifhinga vha sumbe uri Tsho khakhea. Vha nga si zwi ite. Na kathihi A tshi athu u ðivhe a tshi tshi khakha, nahone Tshi nga si ralo na kathihi, ngauri ndi Mudzimu. Ni a vhona? Fhedzi vha takalela u sumba.

²¹¹ Vha a elekanya, “Oo, zwo ralo, arali ho vha hu muñwe munna a re na dzina lihulwane!” Ngauri ndi tshigwada tshiñuku, tshigwada tshiñuku tshi no nga lishandukwa, “Ndi zwone, uyo muthu ro mu khaula tshivhidzonî tshashu.” Ni a vhona? “Vhone, vhone vho vha vha tshi anzela u ða kha tshigwada tshashu, ni a vhona, fhedzi vho ya nga hangei na *hetshi*, huno vha ya nga hangei na *hetsho*, huno zwino, ni a vhona, vha fhedza... Ndi zwone, vhonani uri ndi miní, ndi nnyi.”

²¹² A thi londi. Vha nga ði vha vho amba zwenezwo zwithihi nga ha Petro, Yakobo, na Yohane. “Muthu a sa ðivhi nahone a songo funzwaho,” vha ralo. Fhedzi vho ðo tea u dzhia nzhele, tshiñwe tshithu tsho no bvelela u bva tshifhingani itsho. Vho vha vhe na Yesu. Izwo ndi zwe zwa ita phambano. Ni a vhona?

²¹³ Vho zwi ita nge vha sa divhe uri O vha e Nnyi. A vho ngo zwi divha zwauri khwathisedzo ya Ipfi la Mudzimu yo vha i songo ima henengei nt̄ha nga ilo duvha... Zwino, ho vha hu duvha lithihi, huno izwo two vha zwi zwone; two vha, nga duvha lithihi, u tou vhulunga yone milayo na zwithu. Fhedzi milayo yeneyo mithihi ye ya vha i hone, vha tshi i tevhedza, yo vha sumba kha tshifhinga tsha musi A tshi do da huno a vha yu Muthu we A tea u vha ene. Vho vha vhe na tshipida *hetshi*, fhedzi a vho ngo dzhia *tshiñwe tshipida*.

²¹⁴ Huno izwo ndi zwenezwo zwithihi zwine vha khou ita zwino. Vha na tshivhidzo, huno vha a “tenda kha Yesu Kristo,” nahone vha ri vha ralo, na zwithu, fhedzi vha hana awara ine ra khou tshila khayo! Zwi kha di vhuisa murero wa kale hafhu: tshifhinga tshothe muthu a tshi khou renda Mudzimu kha zwe A ita, a tshi khou sedza phanda kha zwe A vha a tshi do ita, nahone, kana a tshi do ita, huno a sa londi zwine A khou ita, huno izwo zwi tshi khou mu hañula. Ni a vhona? Vha a elekanya, “Mudzimu u a mangadza. Ndi muhulwane hani! Zwine A khou yo ita: U khou do da, huno ha vha na U Takulelwa Tañulu, liñwe duvha, huno ha iwa Hayani,” huno vha tshi hana zwiga zwenezwo na zwimangadzo henehafha nga tshifhinga tshire Luñwalo lwa amba zwauri U do vha a tshi khou zwi ita. Vha pfela thungo Phungo lothe!

²¹⁵ “Arali bofu li tshi ranga phanda bofu,” Yesu o ri, “a do wela othe museleni.” Itonu rabela Mudzimu uri a vule mañō ashu mađuvhani aya a u fhedzisela. Two luga.

²¹⁶ Zwino, ndi zwenezwo zwithihi, vha ita zwenezwo zwithihi ñamusi. Vha hana nahone vha vhamba Mudzimu onoyo muthihi, ñamusi, nga u sa Mu divha. Ndi zwenezwo zwithihi, nga u Mu hana. Huno vha tshi khou ita, nga u hana, zwithu zwine vha ita ñamusi, a vha khou vhamba Kristo hafhu, kokotolo, fhedzi vha nyefula Muya Mukhethwa. Huno nga u zwi ita, vha khou ralo. Naa vha nyefula hani Muya Mukhethwa? Hani?

²¹⁷ Naa vho U nyefula hani hangei, murahu hangei? Mulandu, a vho ngo kona u U nyefula tshifhingani itsho; Wo vha u sa athu da. Vho vhidza Yesu, “Belesebulu,” vho Mu vhidza “Belesebulu,” nge A kona u divha zwiphiri zwa mbilu dzavho, na zwithu. Vho ri, “Uyu ndi diabolo.” Nga mañwe maipfi, “Ndi mudzia-u-bvumba zwa mashudu. Iyo ndi ndila ine A ita hezwi, nga u bvumba zwa mashudu. Ha tshithu nga nn̄da ha diabolo.” Ni a vhona, a vho ngo vha na muporofita kha miñwaha ya mađana maña, huno vho vha who tovhowa. Ni a vhona? Vho vha vha tshi tou vha na milayo yavho. Vho ri, “Uyu ndi Belesebulu.”

²¹⁸ Huno Yesu o ri, “Ndi do ni hangwela hezwo, fhedzi musi Muya Mukhethwa u tshi da,” ni a vhona, zwino, “inwi ambani ipfi ni tshi lwa Nawo, ni nga si zwi hangwelwe na kathihi.”

²¹⁹ Elelwani, zwi ḋo ralo, huno zwi nga si konadzee, na lwa u thoma, a hu na khathutshelo, musi ni tshi nyefula, huno na vhidza Muya wa Mudzimu, Ipfi ḋa Mudzimu li no khou khwāthisedzwa nga Muya . . . Ni a vhona, Ipfi li amba *nga u ralo*, Muya u khou Li khwāthisedza, huno inwi ni U vhidza “tshithu tshi songo kunaho,” no pfuka mutalo vhukati ha khathutshelo na khaṭhulo, huno na kathihi izwo ni nga si zwi hangwelwe.

²²⁰ Ndi ngazwo ndi tshi vhona mulandu uyu murafho, wa mulandu, wa u vhamba, u tshi nyefula Murwa wa Mudzimu o vhonadzwaho sa zwe zwa fulufhedziswa nga vhaporofita vhothe, na Kristo Ene muṇe, u vha hone maduvhani a u fhedzisela; vhunga zwe zwa vha zwi zwone maduvhani a Noaxe, maduvhani a Sodoma. U nyefula! Zwine, vha vhamba, kha vhathu, Murwa wa Mudzimu nga huswa, Ipfi ḋawé lo khwāthisedzwaho. Ipfi lithihi li lwaho Nawo li nga si hangwelwe na kathihi.

²²¹ Zwino ni khou yo itani-ha? Naa ni khou yo ima khani? Vho haṭulwa, vho tou lindela awara ya u shululwa ha mbiti dza Mudzimu. Vha ḋo vha kwashékanya.

²²² Vha funa pfunzo ya dinomineisheni dzo itwaho nga vhathu na dzidogima lwa khwinesa u fhira zwine vha ita kha Ipfi ḋa Mudzimu lo khwāthisedzwaho; uyu murafho wa vhathu. Yawee! Ndi—ndi tou tama ndo vha na tshifhinga tshilapfu tsha hezwi. Ni a vhona? Uyu murafho wa vhathu, uyu murafho u lamba nzumbululo ya *Mudzimu*. Fhedzi riṇe ri tshimbila he vhaapostola vha kanda. Izwo ndi zwone.

“‘Mudzimu,’ inwi ni ralo? Zwo luga, vhaṇwe na vhone vha amba-vho zwenezwo.” Mudzimu u a Li khwāthisedza.

²²³ Yesu o ri, “Arali—arali—arali mishumo i sa Nnyambeli, zwenezwo itonu ya phanda huno ni ri Nne ndi khou zwi amba nga Nne muṇe. Fhedzi arali mishumo i tshi amba, inwi ndi khwine ni tshi tenda mishumo, ni a vhona, ngauri ndi awara.” Ha pfi, “Ni a ḋivha uri matshelo ḋuvha li khou yo ṭavha, kana mutsho u khou yo vha u si wavhudzi; ngauri lutombo lwo tswuka nahone lwo tsela fhasi, matshelo u ḋo vha wavhudzi.” Ha pfi, “Ni kona u ḫalukanya matshele a lutombo; fhedzi zwiga zwa tshifhinga, a ni ḋivhi tshithu ngazwo. Arali no vha no ḋivha Mudzimu, no vha ni tshi ḋo vha no ḋivha ḋuvha Langa.”

²²⁴ Huno vha ri, “U ḫidzhiela zwinzhi kha Iwe muṇe; U ḫiita Mudzimu.” Huno vha Mu vhea tshifhambanoni.

²²⁵ Huno Muya Mukhethwa, namusi, a si Muthu wa vhuraru. Ndi Mudzimu, Ene muṇe, o vhonadzwaho ḫamani ya muthu, nga Malofha a Yesu Kristo, u khethefhadza vhutshilo uri A kone u ḫivhonisa nga khaho. Huno vha vhamba Ipfi lenelo lithihi lo vhonadzwaho. Ni a pfesesa? [Tshividzo tshi ri, “Amene.”—Mudz.] U vhambwa ha Kristo, ḫamusi, ndi vhathu vhane vha ḋo landula Murwa wa Mudzimu o khwāthisedzwaho

nahone o vhonadzwaho vhukati ha vhathu, nga zwithu Zwawe—Zwawe zwe A amba uri zwi do itea nga lino duvha nga Ipfi Lawe. Ni a vhona?

²²⁶ Zwino, khwaθhisēdzo yeneyo nthihi, i do tea u vha i fanaho, arali A onoyo Murwa wa Mudzimu muthihi, ngauri O amba kha Yohane Mukhethwa 14:12, zwino, uri, “Mishumo ine Nda ita na inwi ni do ita-vho.” Vhaheberu 13:8, “Ha shanduki mulovha, ḥamusi, na lini na lini.” “Arali ni tshi dzula kha Nne,” Yohane 15, “arali ni tshi dzula kha Nne, na maipfi Anga a dzula kha inwi, itonu humbela tshine nā funa huno ni do newa tshone.” Ee, muṇe wanga!

²²⁷ Elelwani, vho vha vhe vhathu vha vhurereli nga maanda vho itaho hezwo. Vho vha vhe si vhabvannda. Vho vha vhe vhathu vha vhurereli vha ilo duvha. Huno avho ndi vhone vha no khou zwi ita ḥamusi, vhathu vha vhurereli; u vhambwa honoho huthihi, zwenezwo zwithihi ḥamusi. Nga u ṭavhanya . . .

²²⁸ “Henengei vha Mu vhamba,” zwenezwo, zwenezwo. Ngoho. Zwenezwo vho vha vha tshi khou landula Ipfi la Mudzimu lo vhonadzwaho, vha tshi khou ṭanganedza ndaela dzavho vhudzuloni ha Ipfi.

²²⁹ Naa izwo ndi zwine vha khou ita ḥamusi? Izwo ndi zwone kokotolo, vha khou ita zwenezwo zwithihi ḥamusi. O vha e Ipfi; huno vho landula Ipfi. Iyo ndi mbuno nthihi ine ndi si fune ni tshi i pfela thungo, ni a vhona, ndi ṭoda ni sa i pfeli thungo. O vha e Ipfi, huno, musi vha tshi Mu landula, vho landula Ipfi. Huno musi vha tshi Mu landula, mafheleledzoni vho Mu vhamba. Huno izwo ndi zwe vha ita ḥamusi: vha landula Ipfi la Mudzimu, huno vha ṭanganedza ndaela dzavho; huno vho vhamba, phanda ha vhathu, phanda ha tshivhidzo tshavho, u shuma ha Muya Mukhethwa. Huno vha na mulandu, huno ndi vha vhona mulandu nga Dzina la Yesu Kristo.

²³⁰ Lwa miñwaha ya fumiñhanu ndo Mu vhona a tshi shuma shangoni loñhe, huno vha kha di fara ndaela dzavho. Vha na mulandu! Vho dzhia Ipfi le la vha li tshi do vha lo disa tshivhidzo, zwivhidzo zweñhe fhethu huthihi, huno zwa ita mbumbano khulukhulu ya dzangano la vhuthihi vhukati ha Vhapentekostaña na vhañwe vhoñhe; vhudzuloni ha u ita nga u ralo, vho Li landula, huno vha Li furalela, vha tambo Ngalø, nahone vha Li vhidza tshiñwe na tshiñwe zwino.

²³¹ Huno zwino, nga dzangano la tshivhidzo, nga pułane ya diabolo, a tshi khou lingedza u dzhena huno a ri, “Zwino ri do da, ra renga Ole.” Vha a landulwa. Huno vho . . . Vha na mulandu wa u vhamba Yesu Kristo. Inwi zwi dzhieni nga mavhangā a Mudzimu, kana mavhangā aŋu a nga si shume. Ni a vhona?

²³² Vho landula Ipfi la Mudzimu lo vhonadzwaho, u itela ndaela dzavho, huno vha khou ita zwenezwo zwithihi ḥamusi.

“O vha e Ipfi,” Yohane, Yohane Mukhethwa 1. Vhaheberu 13:8 i ri, “Ha shanduki mulovha, namusi, na lini na lini.” Zwino vha khou Mu vhamba nga huswa.

²³³ Naa no zwi divha uri Bivhili yo ri izwo ri nga kona u zwi ita? Naa ndi vhanganana vhane vha ṭodou vhala zwitukunyana? Naa ni do n̄ea miñwe miniti ya fumiñhanu yayo? [Tshivhidzo tshi ri, “Amene.”—Mudz.] Zwo luga. Kha ri vule zwino, lwa tshifhinganyana, u “vhambwa nga huswa.” Kha ri vule kha Vhaheberu, ndima ya 6, huno ri vhale zwitukunyana. Vhaheberu ya 6, huno ri vhone arali ri tshi “vhamba Murwa wa Mudzimu nga huswa,” ri vhone arali zwi tshi nga itwa.

Inwi ni ri, “Ni nga si kone u Mu vhamba lwa vhuvhili.”

²³⁴ Ri do wanulula uri kana ri nga kona kana hai. Ipfi la Mudzimu ndi ngocho. Naa izwo ndi zwone? [Tshivhidzo tshi ri, “Amene.”—Mudz.] Ndi Vhaheberu 6:1.

Ngauralo-ha ri tshi litsha milayo ya pfunzo ya Kristo, kha ri ye kha khunyeledzo; hu si kha u vheamutheo wa tshanduko na mishumo yo faho, na ya lutendo kha Mudzimu,

Na ya pfunzo ya ndovhedzo, . . . u vhewa ha zwanda, na zwa yone mvuwo ya vhafu, na khaṭhulo ya u ya nga hu sa fheli.

. . . hezwi ri do ita, arali Mudzimu a tshi zwi tendela.

²³⁵ Ni a vhona, Paulo u ṭodou divha zwauri hezwi zwithu fhanu ndi zwa ndeme zwa vhukumakuma; dzindovhedzo, u vhewa ha zwanda, mvuwo, U Da ha vhuvhili. Zwithu hezwi zweathe ndi zwa U Ya Nga Hu Sa Fheli. Ndi zwa Ngoho zwa vhukumakuma.

²³⁶ Zwino dzhielani nzhele, “Ngauri a zwi konadzei.” I vhaleni na n̄ne, iyi ndimana nthihi. Ndi ṭoda ni tshi i vhalu na n̄ne zwino, ndimana ya 4. [Mukomana Branham na tshivhidzo vha vhala ndimana tharu dzi tevhelaho mazha—Mudz.]

Ngauri a zwi konadzei kha avho vhe tshiñwe tshifhinga vha vhone tshelwa, huno vho thetshela zwa tshifhiwa tsha ṭadulu, nahone vho itwa vha re na mukovhe kha Muya Mukhethwa,

Nahone vho no thetshela zwa ipfi la Mudzimu ḥavhuđi, na maanda a shango li daho,

Arali vha tshi do gunea, u vha vusuludza hafhu kha tshanduko; zwi tshi vhonala uri vha vhambela Murwa wa Mudzimu kha vhone vhane nga huswa, huno vha mu lisa ḥtoni.

²³⁷ Naa ilo ndi ipfi ḥanga, kana ḥawé? “Muthu a no da kha ndivho.” Elelwani, na kathihi a vho ngo I wana. Vho vha vhe vhatendi vha re mukanoni. “Nga murahu ha musi ro no tanganedza ndivho ya Ipfi la Mudzimu,” ni i wana kha ndivho,

nga u vhala na u I vhona, “huno na I landula, zwenezwo, inwi, a zwi konadzei uri inwi ni nga vhuya na tshidzwa.” Naa izwo no zwi vhala zwino? Ni a vhona, “No ḥanganedza nđivho ya Ngoho,” fhedzi, inwi ni a i pfectesa. Inwi a no ngo I wana na kathihi.

²³⁸ Zwi tou nga avho vhatendi vhe vha bva. I tou vha tshifanyiso tshenetsho tsha lwendo. Hoyu, hoyu wa vhuraru, hoyu mupfuluwo wa vhuraru, u tou vha tshifanyiso tsha iyo miňwe. Sedzani, sedzani murahu hangei. I ri ni ndi ni sumbedze tshiňwe tshithu zwino, lwa tshifhinganyana. Mpfareleni liambele. Sedzani.

²³⁹ Israele yo kokodzela vhathu vha fumimbili nnđa, muthihi a tshi bva kha lushaka luthihi, muhulwane wa dinomineisheni, huno ya vha isa lumemeni lwa mukano, shango lo fulufhedziswaho, huno ya vha sumbedza zwithu zwavhuđi zwi daho, zwe vha vha vhe nazwo. Huno vha a vhuya, vha tshi khou gungula, uri, “A ro ngo kona u zwi ita.”

²⁴⁰ Fhedzi ho vha hu na vhavhili kha avho vha fumimbili, Yoshua na Kalebe, ho pfi vho sedza kha Ipfi. “Mudzimu o ri ndi lashu, huno ri kona nga maandesa u li dzhia.” Naa izwo ndi zwone? [Tshivhidzo tshi ri, “Amene.”—Mudz.]

²⁴¹ Naa avho vho vha vhe mini? Vhatendi vha re mukanoni. Ni a vhona, zwa vhukuma vho bebwā tshividzoni. Vho vha vhe vhahulwane vha vhathu. Vho vha vhe vhabishopo, kha ri ralo, vhe vha tshimbila vha tsela heneffo fhasi he Ipfi la Mudzimu la sumbedzwa uri ndi Ngoho. “Shango ngeliłaa!” A vha athu u vha heneffo na kathihi. A vho ngo zwi ḥivha uri lo vha li hone. Fhedzi vha tsela fhasi u da u vhona uri li hone naa. “Asiliłaa!” Huno Kalebe na Yoshua vho mbo ya, huno vha vhuya na tshi—tshi—tshiłokola tsha ndirivhe huno vha vha tendela u la zwinwe zwawo. Huno vha thetshela zwa shango lavhudī, huno vha humela murahu nahone vha ri, “A ri nga zwi koni. Ni a vhona? Ri nga si tou kona u zwi ita.”

²⁴² Ngetshi tshigwada tshi fanaho na tshenetsho, tshifhingani tsha Yesu Kristo. “Rabi, ri a zwi ḥivha zwauri Iwe u mudededzi a bvaho kha Mudzimu.” Ni a vhona? Vha mukanoni! “Ri a zwi ḥivha zwauri Iwe u mudededzi a bvaho kha Mudzimu. A hu na we a kona u ita zwithu zwine Wa ita. Ri limuwa uri Mudzimu u tea u vha hone heneffo.” Naa ndi ngani vha songo zwi ḥanganedza? Naa ndi ngani vha songo zwi dzhia? Vha mukanoni! Vha mukanoni!

²⁴³ Ngevha vha kha uyu mupfuluwo wa vhuraru; tshiga tshenetsho tshithihi, u vhonadzwa honoho huthihi, Kristo onoyo muthihi, Muya Mukhethwa wonoyo muthihi, mishumo yeneyo mithihi, Mudzimu onoyo muthihi, Mulaedza wonoyo muthihi, huno a vha koni u U dzhia. Vha do tea u litsha garata ya vhutama havho. Naa ndi mini? “Vho vha vhe na nđivho ya Ngoho.” Vho sedza huno vha vhona uri zwa vhukumakuma ndi

Ngoho. A vha koni u I hana. Magazini i tea u ḥanziela uri vho I vhona. Zwifanyiso, mabammbiri, vhūtanzi, mvuwo ya vhafu, zwitatamennde zwa madokotela zwa vhalwadze, vho ḫo tea u amba uri ndi Ene. Huno zwo bulwaho zwi ḫaho, hu si na na tshithihi tshazwo tshi no vhuya tsha kundelwa kha minwaha, tshinwe na tshinwe tshazwo tshi tshi tou vha nga u ralo, vha nga si ambe tshithu nga nn̄da ha uri ndi Mudzimu. Fhedzi a vha koni u Zwi ḥanganedza.

²⁴⁴ Tshiļa tshigwada tsha vhashumeli ngei Chicago, mađana mararu na zwithu avho, vho vha tshi khou ḫo tsela ngeno huno vha lovhedzwa nga Dzina la Yesu Kristo. Naa vho vha vhe kha mini? Mutengo ndi muhulwanesa. Vha nga si zwi ite. Naa ndi mini? Bivhili yo ri, musi vha tshi ita hezwo, naa vha itani? Vha a difhandekanya vhukati ha khathutshelo na khathulo. “Ngauri a zwi konadzei kha avho vhe vha vhuya vha vhotnetshelwa,” vho no vhuisiwaho uri vha Li sedze, “huno vho vha vhe na ndivho ya Ngoho, nahone vho no thetshela Ipfi la Mudzimu ḥavhudi, arali vha tshi Li furalela, hune vha ḫo tea u divusuludza hafhu, ha pfi, ‘Zwo luga, zwino, ndi ḫo, ee, . . .’”

²⁴⁵ Inwi Vhapuresbiterieni, inwi Vhamethodisi, na Vhabaphuthisi, na Vhaļutere, na izwi zwithu zwa Vhanna Vha Bindu La Mafhongo-madifha O Dalaho, ni tshi ri vha khou “dzhena,” na furalela Mulaedza. Tshivhidzo tshanu tshi ḫo ralo. Hu ḫo vha na vhatu ngomu heneffo, ngoho. Fhedzi, hu si ni tshivhidzo; ni tea u bva tshivhidzoni, u U wana. Ni a vhona? Izwo ndi zwone. Vhatu vho luga.

²⁴⁶ Fhedzi musi ni tshi elekanya uri tshivhidzo tsha Puresbiterieni tshi khou yo ḥanganedza Muya Mukhethwa, humo vhothe vha tshi dzhia maňwalo avho vha tsela phasi, nahone, hezwo ni songo zwi elekanya na kathihi. Huno ni elekanya uri inwi Vhamethodisi ni khou yo zwi ita? Ni nga si zwi ite na kathihi. Naa ni elekanya uri inwi Vhadzia-u-tenda-vhuraruthihi ni ḫo vhuya na ḥanganedza Dzina la Yesu Kristo humuňwe na muňwe waňu a lovhedzwa nga . . . Ni nga si zwi ite na kathihi. Ni nga si zwi ite na kathihi. Fhedzi vhatu vha ḫo bva nahone vha zwi ita, izwo ndi zwone, humo itscho ndi tshiga tsha U Da Hawe. Fhedzi izwo zwivhidzo zwo vphonaho Ngoho, humo zwa Ī landula kha khorwana dzazwo, “a zwi konadzei.”

²⁴⁷ Zwenezwo, vha na mulandu wa u vhambwa ha Yesu Kristo. Huno ndi vha vhona mulandu nga Ipfi la Mudzimu, le Mudzimu a . . . “Naa ni vha vhona hani mulandu, Mukomana Branham?” Ndi vha vhona mulandu, wa uri Mudzimu o Diđivhadza nga ndila i pfalaho kha Ipfi ḥawé, maduvhani a u fhedzisela, humo a Diita uri hu divhée zwauri U kha di vha a sa shanduki mulovha, ḥamusi, na lini na lini, humo vho tou Li furalela tshothe-tshothe. Huno ni na mulandu wa u vhambwa ha Yesu Kristo, nga u nyefula Muya Mukhethwa. Izwo ndi zwone.

²⁴⁸ Ri ni isa kha Vhaheberu 10, hafhu, hune ya ri vhudza hafhu Mañwaloni, hu si uri fhedzi “a zwi konadzei,” fhedzi na kathihi ni nga si zwi ite. Zwi ni fhandekanya na Mudzimu, lwa U Ya Nga Hu Sa Pheli. Ni nga si dzhene Vhuhoneni ha Mudzimu hafhu, musi ni tshi furalela Muya Mukhethwa huno na tamba Ngawo.

²⁴⁹ Zwino, ni a vhona, “no thetshela zwa Ipfi.” Ni a vhona, vhatendi vha re mukanoni!

“Oo, ni ri avho vhathu vho vha vhe si vhatendi?”

²⁵⁰ Vho vha vhe vhatendi, kana vhatendi vha u diitisa, fhedzi musi zwi tshi da kha Ipfi . . . Vho vha vhe Israele. Vha bva fhasi ha malofha. Vha bva fhasi ha zwiga zwa Mushe. Vho vha vho no vhona izwo zwiga zwi tshi khou shuma.

Mudzimu o ri, “Ndi ḋo ni isa nga hangei.”

²⁵¹ Huno musi zwi tshi ḋa henefho kha mulayo wa Ipfi lo fulufhedziswaho le la vha li la u da, naa vho vha vha tshi ḋo rini? “Oo, ri nga si zwi ite.” Ni a vhona?

²⁵² Huno ngevha vha a vhuya, vhe na dzindirivhe na tshiñwe na tshiñwe, u sumbedza uri shango lo vha li lone. Ipfi la Mudzimu ndi lone. Mudzimu o ri, “Ndi u nea lone.”

²⁵³ Fhedzi nyimele, “Nnēnē,” ha pfi, “ri tou nga vhuukhula, n̄ha nga thungo havho. Ri nga si zwi ite, hu sa londwi uri mini.”

²⁵⁴ Miñwahani i si gathi yo fhiraho musi uyu muvhili wa gungwa wa kale wo ima hafha sa thaberenakele, muñwe o dzhena, huno a bvela ngei nn̄da a amba na nñe, a ri, “Billy, ni khou yo rerela pala nña, nga liñwe la haya mađuvha, ni na Milaedza yo raloho.”

²⁵⁵ Nda ri, “Ndi ḋo vha ndi tshi khou rerela pala nña, ngauri Mudzimu u a kona u vusela Abrahamu vhana kha hedzi pala.” Ee, mune wanga. Ndi Ngoho. Nda ri, “Arali ni na tshiñwe tshithu tshine tshi nga sumbedza uri Lo khakhea, kha ri vhe natsho.” Vha tou funa u lila, fhedzi zwi tshi da fhethu hune zwa tea u sumbedzwa, izwo ndi zwe foħbanah. Ee, izwo ndi zwine zwa ita phambano. Zwo luga.

²⁵⁶ Iina, nga ndaela dzavho vha Mu vhamba nga huswa. Zwino Vhaheberu ndima ya 6, huno ri tsela fhasi. Huno ro vha ri tshi nga tou vhala ri tshi tsa, ri tshi tsa vhukati hafha. Ri na tshifhinga tshinzhi. Ndo swaya Luñwalo hafha hune ya ḋo vha hone, Vhaheberu ndima ya 6. Itonu, ndi a humbulela, u i dzhia yothe. “A zwi konadzei kha avho vhe vha vhuya vha vhotnetshelwa, vha itwa vha re na mukovhe kha Muya Mukhethwa . . .” A ri na tshifhinga tsha u ya kulesa, ngauri ndi na luñwe Luñwalo lune nda ḫoda ni tshi lu vhala nga tshifhinganyana. Dzhielani nzhele hezwi, “Vha diħambela Murwa wa Mudzimu nga huswa.” Naa vho vha vha tshi ḋo itani? Mini? Nga u vha na muthetshelo, huno vha tshi diħvauri Ndi Ngoho, huno zwenezwo vha rembuluwa vha Li hana. Naa zwe vha zwi tshi ḋo itani? “A zwi konadzei . . .”

²⁵⁷ Ngauralo izwo ndi zwe ulu lushaka lwa ita. Izwo ndi zwe avha vhathu vha ita. Izwo ndi zwe izwi zwivhidzo zwa ita. Vho Li furalela, nahone vho vhamba Mulaedza. Vho vhamba Ngoho, kha vhathu. Naa Yesu vho mu ita hani? Vho Mu lisa ḥoni, vha Mu bvula zwiambaro Zwawe, vha Mu nembeledza n̄tha kha tshifhambano huno vha Mu ombela zwibigiri ngei n̄tha, Mukololo wa Vhutshilo. Vho ita zwenezwo zwithihi namusi nga ndaela dzavho! Vho ita zwenezwo zwithihi. Vho bvula zwithu, vho bvula vhu—vhudi na zwiambaro zwa Mafhungo-madifha, nga u lingedza u Li vhea huñwe-vho, nahone vha Mu nembeledza kha tshifhambano. Yawee, nñenqe! Mulandu?

²⁵⁸ “Henengei vho—henengei vho vhamba,” zwino muredzo wa u fhedza, “Ene,” Ene, uyu Muthu wa vhūthogwa nga maändesa. Naa ndi ngani vho zwi ita? A vho ngo Mu divha. Ndi ngani vha tshi zwi ita ñamusi? A vha zwi divhi uri iyi ndi Ngoho. Vho—vho fhumula nahone vho pofula Khało. A vha Li divhi. Itshe ndi tshone tshiitisi. Ndaela dzavho na maitele zwe ita uri vha vhe kule na Ipfi la Mudzimu.

²⁵⁹ Zwino kha vhoinwi fhano, ndi tshi khou yo vala zwino, thetshellesani nga maända. Ni a vhona? Ndi a zwi divha uri hu a fhisa. Ndi a fhisa, na nñe-vho.

²⁶⁰ Fhedzi, oo, mukomana, heli Ipfi ndi Vhutshilo arali ni tshi do Li farelela. Vhonani, A si tshinwe tshithu tshine ra amba nga hatsho, tshine tshi nga di bvelela fhano na ngavhuya; Ndi tshinwe tshithu tsho no vhaho na riñe fhano nahone tsha khou bvelela zwino. A si tshinwe tshithu tshi no do; ndi tshithu tsho no thomaho. A ri khou ṭanziela, “Ri divha zwe A ita; ri divha zwine A khou yo ita,” fhedzi zwino ri khou amba zwine A khou ita. Ni a vhona? Heyi ndi awara yashu.

²⁶¹ Ri nga di si tshile lune ra do vhona U Takulelwa Tadulu. Ndi nga di fa ñamusi; ni nga di fa ñamusi. A thi divhi. Fhedzi U Takulelwa Tadulu hu khou da. Izwo ndi—izwo ndi, musi uho hu tshi da, ri do vha henengei, ni songo vhilahela; uh-huh, na vhañwe vhothe murahu kha zwikhathi vha do tou ralo, vhe vha hu tenda nahone vha hu ḥoda. Vho tshimbila Tshedzani tsha duvha lavho.

²⁶² Huno Tshedza ngetshi, Yesu Kristo a sa shanduki mulovha, ñamusi, na lini na lini. Furalelani ndaela dzanu huno ni tende Ipfi heli. *Heli* ndi Ngoho. Ipfi ndi Ngoho. Yesu o ri, “Ipfi Langa ndi Muya, Ipfi Langa ndi Vhutshilo.” Naa ni khou yo tanganedza hani Vhutshilo ngeno ni tshi landula Vhutshilo? Naa ni khou yo dzhia hani dogima, i re lufu, na Ipfi la Vhutshilo? Lambani Ipfi la Vhutshilo, uri ni dzhie lufu, naa ni khou yo tanganedza hani izwo zwivhili nga tshifhinga tshithihi? Ni nga si zwi ite. “Ipfi liñwe na liñwe la muthu nga li vhe mazwifhi, dogima iñwe na iñwe i vhe mazwifhi.” Ipfi la Mudzimu ndi Ngoho.

²⁶³ Ndi ita khaedu kha muthu muñwe na muñwe u ntsumbedza, nnyi na nnyi... Huno ndi a ñivha uri iyi theiphi i ya shangoni loþhe. Muthu muñwe na muñwe, mubishopo muñwe na muñwe, a no ðo da vhugudeloni hanga, kana phanda ha itsi tshivhidzo, huno a sumba nga munwe wawe fhethu huthihi he nnyi na nnyi a vhuya a lovhedzwa nga Dzina la "Khotsi, Murwa, Muya Mukhethwa," kha Testamente Ntswa. Ndi do ni sumbedza he muthu muñwe na muñwe we a vhuya a lovhedzwa... Huno avho vhe vha lovhedzwa lwo fhambanaho, vho ðo tea u ða huno vha dovha vha lovhedzwa, uri vha wane Muya Mukhethwa.

²⁶⁴ Naa ni khou yo itani nga hazwo? U dzula ngei nnða kha ndaela dzañu? U dzula ngei nnða kha dogima dzañu hûno na fa? Ni na mulandu! Nga zwanda zwivhi, no dzhia Mukololo wa Vhutshilo, Ipfi la Vhutshilo, huno na Li vhambela kha vhathu.

²⁶⁵ Zwino vho itani? A vho ngo zwi ñivha. Namusi vhathu vha tshimbila vha sa ñivhi. A vha ñivhi uri ïlo ndi Ngoho. Vha elekanya uri ndi luñwe lushaka lwa sisteme. A vha gwi vha tsa fhasi lwo edanaho u dzhena kha Muya wa nzumbululo. A vha rabeli lwo edanaho. A vha vhidzeleli kha Mudzimu lwo edanaho.

²⁶⁶ Vha U dzhia nga ndila i leluwaho, "Oo, ndi zwone, ndi a tenda uri hu na Mudzimu. Ngoho!" Diabolo u tenda zwenezwo zwithihi. Diabolo u zwi tenda u fhira zwine vhañwe vhathu vha ri vha a zwi tenda. Diabolo u a zwi tenda nahone u a tetemela. Vhathu vha sokou zwi tenda huno vha bvela phanda. Fhedzi diabolo u a tetemela, a tshi ñivha zwauri Khañhulo yawe i khou ða, huno vhathu vha a zwi tenda huno vha sa londeuri Khañhulo i khou ða.

²⁶⁷ Vha na mulandu wa u Mu vhamba! Ngoho! Ndi vhona mulandu uyu murafho, ndi tshi vha wana vhe na mulandu, nga Ipfi leneli lithihi le la vha wana vhe na mulandu u rangani. Izwo ndi zwone. Yesu o ri, "Naa ndi nnyi ane a nga Nthovhedza?" O vha e Ipfi lo itwaho ñama. Huno ñamusi Ipfi lenelo lithihi li khou itwa ñama.

²⁶⁸ Petro o amba kha u vhona hawé mulandu, kha Mishumo. Kha ri tou i vhala. Petro, musi a tshi vhona hezwi zwi tshi itea, zwe vha ita, Muya... Vhonani, Petro o vha a tshi khou lwela Kristo, zwe vha ita. Nñe ndi khou lwela zwine Mafhungo-madifha a vha zwone. A... Petro o vha a tshi khou vha vhona mulandu wa u vhulaha Muthu, Kristo, We a vha e Ipfi. Nñe ndi khou vhona mulandu uyu murafho wa u lingedza u vhulaha Ipfi li no khou vhonadzwa kha vhathu. Sedzesani zwe Petro a amba. Vhuhali hawé ho lugaho vhu fanela u vha ho gonyesa. Mu thetsheleseni hafha kha Mishumo kha ndima ya 2, huno ni thome nga ndimana ya 22.

Inwi vhanna vha Israele, ipfani maipfi aya; Yesu wa Nazaretha, o themendelwaho, muthu o sumbedzwaho

*nga Mudzimu vhukati hanu nga madembe, . . . zwiga,
zwe Mudzimu a ita ngae vhukati vhunga . . . hanu,
vhunga na inwi vhañe ni tshi zwi divha:*

²⁶⁹ Whew! Humbulelani uri vho zwi pfisa hani! Thetshelesani hezwo.

Inwi vhanna vha Israele, mukololo, inwi vhanna vha tshivhidzo, inwi vhanna vhakhethwa, inwi vhotshifhe, inwi vhanna vhane na tea u vha vhanna vha Mudzimu, ipfani maipfi aya; Yesu wa Nazaretha o themendelwa nga Mudzimu vhukati hanu . . .

²⁷⁰ Zwino ndi khou ri kha vhoiñwi vhafunzi, na vhoiñwi vhathu. Yesu wa Nazaretha, Muya Mukhethwa, U fhano nga Muthu wa Muya Mukhethwa, we wa vha u Vhutshilo he ha vha vhu Khae. U fhano u khou shuma nga kha vhathu, huno u khou Didivhadza nga zwiga na zwimangadzo zwine A ita. Huno hafha vha hone u mona na dzimbondo, ndivhadzo ya saints. Huno vhathu vho dzulaho fhano, vhe vha vha vho fa, vha khou tshila ñamusi; na vho liwaho nga pfuko, vha na mutakalo ñamusi; vho populaho, vha khou vhona ñamusi; na vhaholefhali, vhane vha khou tshimbila ñamusi. Ndi Yesu wa Nazaretha.

Ene, o kumedzwa nga ndayo vhukuma na yone ndivhelaphanda ya Mudzimu, o telwaho mushumo Wawe, no mu dzhia, huno nga zwanda zwivhi na . . . vhulaha:

²⁷¹ Naa uho—naa uho ndi u vhona mulandu? [Tshivhidzo tshi ri, “Amene.”—Mudz.] U khou vhona mulandu mini? Iyo Khoro ya Sanhedrini.

²⁷² Huno ndi khou vhona mulandu, matsheloni ano, dzangano la zwivhidzo. Nñe ndi khou vhona mulandu Vhapentekostaña. Nñe ndi khou vhona mulandu Vhapuresbiterieni, Vhabaphuthisi, na dinomineisheni iñwe na iñwe shangoni. Nga tseda mmbi, ya vhutshivha no dzhia Ipfi la Vhutshilo nahone na Li vhamba phanda ha vhathu, na Li nyefula, na Li vhidza “vhusweleli ho kalulaho,” le Mudzimu a li vusa vhukati hashu u sumbedza uri Ha shanduki mulovha, ñamusi, na lini na lini. Ndi vhona mulandu uyu murafho!

²⁷³ Mudzimu o Disumbedza uri u a tshila. Mudzimu o sumbedza uri Heļi ndi Ipfi Lawe. Ni nani nga nnnda ha ñanda ya dogima na dzindaela! Naa ni nga sumba hune Mudzimu a tshilaho a vha hone? Ngauri no furalela Ipfi la Vhutshilo le la vha li tshi do vha lo ni nea hetshi tshithu. Ee, mune wanga! Oo, ndi awara-de ine ra khou tshila khayo. Whew! I a fana! Oo, ndi vhidza . . .

Petro a ri . . . no dzhia, *nga zwanda zwivhi huno na vhamba na vhulaha:*

We Mudzimu . . . a mu vusa, o vhofholola vhutungu ha lufu: nge zwa vha zwi sa konadzei uri vhu mu fare.

²⁷⁴ Huno nga ndaela dzañu, na madzangano añu, na dinomineisheni dzañu, nga tshivhumbeo tshañu tsha u ofha Mudzimu, ni kha di amba. Zwivhumbeo zwañu zwa u ofha Mudzimu, no hana maanda a mvuwo Yawe.

²⁷⁵ Fhedzi awara yo swika, mađuvha a u fhedzisela a fhano, ngeno Mudzimu o fulufhedzisa, u ya nga Maleaxi 4, uri U do vusa mađuvhani a u fhedzisela, “huno u do rembulusa mbiul dza vhatu dza vhuyelela kha phaṭhutshedzo dza mathomo na Lutendo lwa pentekostała lwa vhokhotsi.” Huno ni nga si zwi hane, nahone ni nga si lwe nazwo.

²⁷⁶ Zwino ndi a ni hañula, ni na mulandu, nahone ndi ni itela khaedu, nahone ndi ni vhona mulandu phanda ha Mudzimu, uri nga zwanda zwivhi, zwa vhutshivha, zwa dinomineisheni no vhamba Ipfi ja Mudzimu phanda ha vhatu. Huno ndi ri ni na mulandu nahone no lugela Khañhulo. Amene. Ee, muñe wanga!

²⁷⁷ Ndi vhidza zwenezwo zwithihi zve Petro a ita. O vhidza tshanduko ya uyo murafho. Ndi vhidza tshanduko kha uyu murafho, tshanduko kha Mudzimu, na u vhuyelela kha Ngoho ya Ipfi ya mathomo. Vhuyelelani kha Lutendo lwa vhokhotsi ashu. Vhuyelelani kha Muya Mukhethwa, ngauri Mudzimu a nga si Li shandukise.

²⁷⁸ Musi Mudzimu o ri, “Izwi zwiga zwi do tevhela vhane vha tenda,” U tea u kwambatela hezwo kha Vhutshilo-tshothe hothe. Ndi Ipfi Lawe.

²⁷⁹ Musi ni tshi ri, “Khadanani, kana dzhiani tshilalelo,” kana tshiñwe tshithu tsho raloho, kana vhañwe kha iyo ndaela, kana tshiñwe tshithu kha uyo muhumbulo; wa uri muthu muñwe na muñwe, tshidakwa tshiñwe na tshiñwe, a sa tendi muñwe na muñwe a nga zwi ita. Muedzi muñwe na muñwe, murengisamuvhili—murengisamuvhili muñwe na muñwe a nga zwi ita hezwo. Dzhiani tshilalelo, na vha na zwivhumbeo na zwithu zwe raloho, ni nga zwi ita.

²⁸⁰ Fhedzi Yesu o ri iyi i do vha ndivhadzo, “Izwi zwiga zwi do,” hu si ni uri zwi nga kha di, “zwi do, kha mirafho yothe, kha avho vha tendaho! Nga Dzina Łanga vha do pandela vhodiabolo; vha do amba nga dziñwe ndimi, vha do amba nga dzindimi ntswa; nahone vha takula manowa; vha nwa zwi vhulayaho, a zwi nga vha vhaisi; vha do vhea zwanđa zwavho kha vhalwadze, vha do fhola.” “Fhodzani vhalwadze, vusani vhafu, pandelani vhodiabolo; vhunga ni tshi ḥanganedza nga fhedzi, neani nga fhedzi.”

²⁸¹ Hezwi zwikimu zwe the zwi hulu zwa u ita tshelede na zwithu, nahone vho fashwa ngomu ha zwithu ñamusi, a zwi mangadzi khañhulo yo anda khavho. Ee, muñe wanga! Yawee, nnenñe!

²⁸² Zwino kha ri vhone. Ee, muñe wanga. Vha vhidzelwa tshanduko, na u vha vhona mulandu hanga zwino.

²⁸³ Iyi Khalivari ntswa ndi tshi—tshivhidzo, tshi no sokou vhidzwa, fhethu ho khetheaho nga maanda, dziphuluphithi khulwane, alitari ya Vhukatolika, alitari ya Katolika, i no vhidzwa phuluphithi yavho. Mumethodisi, Mubaphuthisis, Mupuresbiterieni, Mulutere, Vhapentekostała, fhethu ho khetheaho nga maanda, heneffo U wana ntho Dzawe dzi vhavhesaho. Khalivari ntswa! Naa i wanala ngafhi? Ngomu fhethu hukhethwa, tshivhidzo.

²⁸⁴ Naa O vhambwa ngafhi? Kha vhafunzi. Inwi vhahoi, ni divha zwa khwine u fhira hezwo! Nne a tho ngo sinyuwa, fhedzi hu na tshiñwe tshithu ngomu hanga tshi no khou dzikusa. Mudzimu o ñivhadzwa lwo vuledzeaho vhukati hañu.

²⁸⁵ Naa O wana ngafhi mapfumo Awe, kha lurumbu Lwawe? Naa O wana ngafhi ntho Dzawe? Kha Khalivari. Naa ñamusi U dzi wana ngafhi? Phuluphithini. Naa dzo vha dzi tshi bva ngafhi? Yerusalem. Naa dzi bva ngafhi? Dinomineisheni. Avho vhe vha ri vha a Mu funa, ndi vhone vho zwi itaho. Avho ndi vhone vha no zwi ita ñamusi. Khalivari Yawe ya vhuvhili, hune A wana ntho Dzawe dza u lwa na Ipfi, idzo ndi dzone dzine dza Mu ðavha. Naa Ndi ene nnyi? Ndi ene Ipfi. Ndi ene Ipfi. Naa ndi ngafhi he A ðavheswa hone? Phuluphithi ngomu fhethu hukhethwa, u tou fana na zwe zwa vha zwi zwone tshifhingani itsho.

²⁸⁶ Ndi na pfanelo ya u vhona mulandu uyu murafho. Ndi na pfanelo ya u zwi ita, sa mushumeli wa Mafhungo-madifha a Yesu Kristo, e na zwiga Zwawe, nahone a tshi khou sumbedza uri Ene u Mudzimu. Ndi na pfanelo ya u disa u vhona mulandu uyu murafho. Ngauri, ðhodzi dzi kondesaho dza mapfumo Dzawe dzo bva henengei kha dziphuluphithi, he vha sasalandza nahone vha ri, “Ni songo bva uri ni yo pfa izwo zwithu. Izwo ndi zwa diabolo.” Heneffo fhethu hu no tea u Mu funa!

²⁸⁷ Na zwiga zwenezwo zwe Yesu a ri zwi do itea, “Ipfi la Mudzimu u tshea li fhira banga la mutshea-hoþe; Ipfi, muþalukanyi wa mihibulo, wa zwine mbilu ya fhima.” Huno Li vhidzwa diabolo, naa zwi bva ngafhi? Dziphuluphithini, fhethu hukhethwa.

²⁸⁸ Oo, Mudzimu, naa A nga sedza hani phasi? Khathutshelo fhedzi—fhedzi, zwenezwo fhedzi, tshilidzi. A hu na tshiñwe-vho tshire ri nga ita nga nn̄da ha u livha khathuloni. Ro no ñi vha henengei. Uh-huh.

²⁸⁹ Edzonu zwi elekanya. Ntho Dzawe dzi vhavhesaho dzi bva phuluphithini. Afho ndi hune Khalivari Yawe ntswa ya vha hone. Vha a Mu vhamba, Ipfi, kha phuluphithi. Izwo ndi zwone. Hani, naa vha zwi ita hani? Nga zwivhumbeo zwavho zwa u ofha Mudzimu. Izwo ndi zwone kokotolo!

²⁹⁰ O ñewa khare i bvaho kha vhathetshesi, nga vhanyefuli! U na khare ntswa ya mipfa, vhanyefuli! O ðavhiwa zwi tshi bva phuluphithini; o ñewa khare nga vhanyefuli. Naa U khou

vhambwa hafhu, nga huswa? O rwiwa nga ndaela dzo itwaho nga vhathe, vhadededzi vha dinomineisheni i lwaho na Ipfi Ławe. Vha a Łi rwa, nga thoni, vha a Łi haṭula.

²⁹¹ Yesu o ri, "Ndi liphedzi vha tshi Nnduvha." Ndi liphedzi, "a zwi iti vhudi." Naa vha luvha nnyi? Vha luvha Mudzimu onoyo muthihi. Vho vha vha tshi khou luvha uyo Mudzimu muthihi kha u vhambwa Hawe ha u thoma, huno yo vha i nduvho ya liphedzi. Ndi zwenezwo zwithihi na namusi. Ndi liphedzi vha tshi fhaṭa idzi dinomineisheni. Ndi liphedzi vha tshi fhaṭa idzi seminari. Ndi liphedzi vha na idzi ndaela, vha tshi funza pfunzo ya ndaela dza muthu, huno vha tshi hana Ipfi ja Mudzimu. Vha na mulandu wa u vhamba Mukololo wa Vhutshilo, vha tshi funza pfunzo dza muthu ha nga ndi Ipfi Ławe. "Ndi liphedzi vha tshi Nnduvha," o rwiwa, a ḥavhiwa, a ḥewa khare.

²⁹² Musi ni tshi vhona avho vha tshi tsa nga tshitaraṭa, na vhaiwe vha vhoiwi vhabumakadzi vha re na mavhudzi malapfu; hu tshi pfi, "Ndi wa kale, kani ho ngo ralo?" Elelwani, avho ndi vhanyefuli, iyo ndi khare ye na i ambara. Mudzimu o ri yo vha i vhugala haṇu; dihudzeni ngayo ni tshi i ambara. Haleluya! Dihudzeni ngayo ni tshi i ambara, vhunga no vha ni tshi nga ambara khare ya mipfa ni tshi itela Murena wanu. Dihudzeni ngayo ni tshi i ambara. Ni songo vha na ḥoni. O ralo, a hu londwi zwine avha Vhojesebele vha amba ḥamus. Zwine avha vhadzia-u-difhura vha tshi ima phuluphithini, vhavhambi vha Kristo, a hu londwi zwine vha amba, inwi dihudzeni ngayo ni tshi i ambara. Mudzimu o ralo. Inwi zwi vhulungeni.

²⁹³ O ḥewa khare, e na vhanyefuli hafhu, mipfa. O ḥavhiwa zwi tshi bva kha phuluphithi, nga dzindaela.

²⁹⁴ U na Golgotha, hune vha Mu isa hone: khwaere hedzi dzo ambaraho, vhasadzi vha no ambara dzishothi, vha fhungudzelaho mavhudzi, tshifhaṭuwo tsho penndwaho, vha tshi imba khwaereni vhunga Vharuṇwa, vhe na dzithalennde. Iyo ndi Golgotha Yawe ntswa, vha tou vha vhadzia-u-sa-fuka vha musalauno vha no tsireledzwa nga mulayo, vhunga Sodoma na Gomora.

²⁹⁵ Ni vhona mmbwa ḥukhu ya tsadzi i tshi tsa na tshitaraṭa. Nga zwiwe zwiſhinga a hu na mmbwa ya nduna ine i nga vhuya ya bva ya ya hune ya vha hone. I ri ni tshiwe tshithu kha tshi bvelele, huno iñwe na iñwe yadzo i do i gidimela. Hu na tshiwe tshithu tsho bvelelaho khayo. Ni a zwi ḥivha uri ndi ngani. I ri ni . . .

²⁹⁶ Naa avha vhasadzi vha bvulelani zwiambaro zwavho, huno vha tsa nga tshitaraṭa? Ni songo mmbudza uri a si zwenezwo zwithihi. Ndi ndivhadzo. Ni songo haṭula muthu. Fhedzi vha tsireledzwa nga mulayo wa Sodoma. Uyo mulayo u fanela u amba zwauri a zwi mulayoni uri vhone vha vhe ngei nnđa.

²⁹⁷ Huno vhareri kha phuluphithi vha fanela u vha na dzionoroko vhuzuloni ha badzhi ya vhufunzi; vho ima ngei nn̄da huno vha tshi do zwi tendela, huno vhe na ḥoni dza u zwi sola, nga ńwambo wa uri dinomineisheni yavho i tshi do vha khaula. Ni vhamba, kha tshi—tshivhidzo, Ipfi la Mudzimu line la ri, “Ndi vhuṭudzi musadzi a tshi ambara tshiambaro tsho teaho munna.”

²⁹⁸ Ndi—ndi hatula itsho tshithu. Ndi—ndi—ndi—ndi—ndi—ndi tshi pomoka mulandu wa u vhamba Ipfi la Mudzimu phanda ha vhathe. Vhasadzi vha no fhungudzela mavhudzi, vha no ambara dzishothi, huno khare...vho ima khwaereni!

²⁹⁹ Muńwe o ri kha nne, lińwe duvha, muńwe musadzi o mmbudzisa, a ri, “Zwo ralo, naa ndi ngafhi hune na elekanya uri ni do wana?”

³⁰⁰ Nda ri, “Arali Murena o nkumbela u nanga vha dazeni, shangoni lothe, ndo vha—ndo vha ndi tshi do tshuwa lwa u isa lufuni.”

³⁰¹ Ngeno, nga u ḥalukanya ha Muya, ndi tshi ima henefho huno nda vha sedža, nahone nda ima nga u ralo huno nda vhona zwithu khavho; vha tshika, vha vhuada, vha fhasi, vhadahi vha sigarete, vhe ngei nn̄da vha tshi khou bvela phanđa nga u ralo, huno vha ima khwairini yo fukaho nahone vha imba vhe kha iyo nyimele, huno vha tendela vhathetshelesi vha tshi vha vhona. Vha do ri, “Zwo luga, arali a tshi nga kona u zwi ita, ndi nga kona-vho.” Vhutshilo ha Tshikriste ndi vhutshilo ha vhukhethwa na lukuna, vhu si na mulandu!

³⁰² Ndi vha vhona mulandu, nga Dzina la Yesu Kristo, nga ńwambo wa vhuada na tshika yavho. Vho disa Mafhungo-madifha kha u shonisa. Huno avho vha no lingedza u A fara, vha vhidzwa “vha vhusweleli ho kalulaho,” vha tshi zwi vhidza, “Izwo ndi vhuṭafuṭafu ha kale.” Ndi vha vhona mulandu, nga Dzina la Yesu Kristo.

³⁰³ Vha tou vha vhadzia-u-sa-fuka tshitaraṭani, vha imba dzikhwaereni, vha daha sigarete, vha amba miswaswo ya tshika, vhanna vhararu kana vhańa, nahone nga murahu ha wa vhurathi, huno zwenezwo vha imba khwaereni ngauri vhe na ipfi. Inwi ni re na ndivho ni tungufhadzaho, no dzihwaho zwa mya, no landulwaho nga n̄thani ha zwiitisi zwańu. Ni vhala Bivhili i fanaho na ine muńwe muthu a nga i vhala, fhedzi no furalela Muya wa Mudzimu, u swika Bivhili i tshi ri ni do “nekedzelwa kha vhufhura ho khwathahaho, u tenda mazwifhi nahone na laťwa ngao.” Zwa vhukuma inwi ni tenda uri ni ita zwone, huno Bivhili yo amba zwauri inwi ni do a tenda huno na laťwa nga maipfi eneo ane na tenda uri ndi Ngoho.

³⁰⁴ Ngauralo-ha, ndi ni vhona mulandu nga Ipfi la Mudzimu. Ni khou funza vhathe phoswo, nahone ni tshi khou vhamba

milayo ya Kristo, ya vhukhethwa na Vhutshilo ha ḥadulu, uri muthu a kone u tshimbila nn̄da tshiṭaraṭani huno a vhe muthu o fhambanaho.

³⁰⁵ Vhareri vho ima midavhini ya bola, vha tshi khou daga dzisigareṭe; zwikhukhuliso; vhuñwe vhuṭafuṭafu hoṭhe vhune vha vhu kondelela. Vhasadzi khwairini yavho, vha tshi ambara dzishothi, mavhudzi o fhungudzelwaho, huno vha tshi bvela phanda nga u ralo, zwifhatuwo zwo penndwaho, huno zwenezwo na vha vhidza, "Khaladzi, hoyu na hoyo," huno Bivhili i sathula izwo zwithu. Izwo ndi zwone. Ni ya zwimimani huno na bvela phanda, ni tshi kha di vha murado wa tshivhidzo; na dzula no fara vhuṭanzi hañ, huno na tshila nga ndila iñwe na iñwe ine na funa.

³⁰⁶ Ni songo elekanya uri ndi khou amba tshoṭhe nga ha Vhapuresbiterieni. Ndi khou amba nga ha vhoiñwi Vhapentekosta. Izwo ndi zwone. Nga tshiñwe tshifhinga no vhuya na ñivha Ngoho, fhedzi no elekanya uri ni nga si kone u I dzhia. A no ngo kona u tikedza mufunzi wañu. Mufunzi wañu—wañu ho ngo kona u vha na uyo mushumo muhulu u re na dołara dza mađana manzhisa nga vhege, na kereke khulu yavhudí ya u rerela khayo, huno vha namela nahone vha bvela phanda nga ndila ine vha ita. Arali hezwo o zwi sathula, dzangano li do mu posela nn̄da; ngauralo u tea u u vhulunga, u tea u zwi amba. Ngauralo-ha, o rengisa vhutanzhe hawe, a tshi itela tshiludi tsha swobo ya shango, ya tshidzimba tsha Esau. Huno naa u khou yo wanani ngatsho? Vhoṭhe vha wela museleni wa khaṭhulo, huno vha haṭulwa. Ndi vha vhona mulandu, sa vharengisamivhili vha Mafhungo-mađifha.

³⁰⁷ Ndo vha ndi kha khwaere, iñwe ya dzi no ñivhea, fhethu huhulu, a si kale, tshiñwe tsha zwiimo zwa nthesa zwa Pentekoste zwi re hone. Huno nda sokou wana ndo dzula vhugudeloni ha uyu mukomana musi khwairi nña kana ḥthanu dzi tshi kuvhangana. Huno ndi kha liñwe la...mañwe a madzangano avhudisa a Vhapentekosta. Huno a vho ngo zwi ñivha uri ndo vha ndi vhugudeloni ha uyu mushumeli, ngei Oklahoma. Ndo vha ndo dzula heneffo, fhasi, hune uyu mushumeli a guda a sa athu da pulatifomoni yaye. Huno musi ndo ita...

³⁰⁸ Ho vha hu na avho Rickies vhatuku heneffo nn̄da; na Rickettas, pennde, hu si na na muthihi wavho a re na mavhudzi malapfu, muñwe na muñwe wavho e na mavhudzi o fhungudzelwaho, muñwe na muñwe o dola zwidolodolo, muñwe na muñwe o ambara zwiambaro. Huno Ricky muñuku o vha o ima heneffo, a tshi khou tshimbila nga ndila heyo, (huno muñwe munna o vha a tshi khou dzhia munikelo wa vhurumiwa), a ita u nga ri ndi bofu li na khaphu, huno a mona-mona a tshi khou amba tshakha dzoṭhe dza zwithu zwa u nyefula nga ha u dzhia munikelo, na zwithu zwo raloho. Fhedzi a ya ngei nn̄da huno a

lingedza u imba me—*Mesia*, yawee, nñenñe, huno—huno a kona u ita mushumo wavhuđi khalwo, fhedzi lwo vha lu si na rinngi. Hai, lwo vha lwo fa, ni a vhona. Yawee, nñenñe! Khezwo. Iyo ndi Golgotha Yawe ntswa.

³⁰⁹ Naa ni elekanyani nga ha muñwe musidzanyana, kana muñwe musadzi muñku ngomu heneffo? Mulandu, arali o vha a tshi do dzhena ngomu heneffo, o ambara nga ndila i no nga ye a vha o tea, e na mavhudzi malapfu, nahone pennde yo phumulea yothe, na zwithu zwo raloho, vho vha vha tshi do vha vho tambo ngae; arali o vha a tshi do vha o ima, nahone vho vha vha tshi khou ita izwo zwa u ita heneffo, itsho tshigwada tsha vhathe vhaswa, vha no ḥodou swika vha furaru kana vha fuñga vhavho. Tshipiđa tsho nangiwaho tsha Pentekoste, huno tshi tshi khou ita zwithu nga u ralo! Huno arali uyo mufumakadzi muñku o vha a tshi do vha o amba tshiñwe tshithu nga hazwo, vho vha vha tshi do vha vho mu bvisa khwairini.

³¹⁰ I ri ni mureri wa Mafhundo-madifha a ime kha phuluphithi huno a ambe tshinwe tshithu nga hazwo, vha do mu bvisa kha dzangano. Ni vhamba Murwa wa Mudzimu nga huswa, huno na Mu lisa ḥoni. Mafhundo-madifha Awe ane na ri ni khou a rera, ni khou Mu vhamba. Ndi vhona mulandu uyu murafho u landulaho Kristo, nga Ipfi ḥa Mudzimu, na nga maanda Alo a khwathisedzo ya aya maduvha a u fhedzisela ya uri U kha di tshila. Ee. Vha lwa na Ipfi ḥa Mudzimu lo tshewaho zwavhuđi, lo khwathisedzwaho. Madzangano avho ha koni u ima Nało.

³¹¹ Zwivhidzo zwihiulu na dzidinomineisheni ndi Khalivari Yawe ntswa. Ndi a zwi amba hafhu. Havha, vhadzia-u-sa-fuka vhavho vha musalauno, ndi khwairi dzavho.

³¹² Tshifhe muhulu wa dinomineisheni iñwe na iñwe u vhidzelela vhunga tshifhe muhulu wa lila ḫuvha, “Zwino tsela fhasi huno u ri sumbedze ḫembe.” Uh-huh. Uho ho vha hu u vhambwa ha u thoma.

³¹³ Zwi a fana na ḫamusi. Ndo vha pfa vha tshi ri, “Zwo ralo, zwino, ni vusa vhafu, ni a ralo? Naa ndi ngani u sa yi ngei n̄ha? Ni na mufumakadzi zwaloni. Ni na nwana ngei n̄ha.”

³¹⁴ Vho ri Khae, “Ro zwi pfa zwauri Wo vusa vhafu. Ri na zwaloni he vha ḫala hangeno. Ida u vha vuse.” Oo, u sa ḫivha hu do beba u sa ḫivha. Ni a vhona? Uh-huh.

³¹⁵ Zwivhidzo zwihiulu, dzikhwaere khulu, vhotshifhe vhahulu vha lino ḫuvha, “Tselani fhasi, ri sumbedzeni ḫembe lile dinomineisheni yashu ya si kone u li ita.”

³¹⁶ Ndo pfa munna, a si kale, we a ita lihumbulwa nga ha...nga murahu ha khasho thukhu ye nda vha nayo ngei Jonesboro, Arkansas, ndi tshi khou amba nga ha muñwe musadzi a tshi fhodzwa. Hoyu muthu o vha e wa iñwe

dinomineisheni ya tshivhidzo, huno o takuwa heneffo murahu huno a ri, "Ndi itela khaedu munna muñwe na muñwe uri a nnđisele nahone a ntsumbedze dembe."

³¹⁷ Ndo ḥuwa huno nda wana dokotela. Munna o fhodzwa, e na pfuko. Nda ḥuwa huno nda wana musadzi we a vha e kha tshidulomilinga lwa miñwaha i no ḥodou swika ya fumbili; o fhodzwa athiraithisi, e kha tshidulomilinga. Ndo tshi dzhia huno nda ri, "Zwino ndi ḥoda tshelede, dolara dza tshigidi."

³¹⁸ A ri, "Zwo ralo, uh, uh, uh, uh, a iho fhano. I hangei Waco, Texas, hune ofisi khulwane yashu ya vha hone."

³¹⁹ Nda ri, "Zwo luga, ri ḥo tou ya henengei huno ra i wana." Ha pfi, ndo ri, "Inwi ni ite mbekanyo huno ri ḥo ya matshelo." Ni a vhona? Nda ri, "Ri ḥo posa..." Nda ri, "Dokotela ngoyu ane a nga amba zwauri avha vhathu zwa vhukumakuma vho vha vhe na pfuko. Ngeyi kha mutevhe, ekisirei. Ngoyu musadzi ane dzingu ḥothe la ḥivha zwauri o dzula kha itsyo tshidulomilinga lwa miñwaha ya fumbili, huno zwa zwino u khou tshimbila. Nahone madokotela, o ya ha dokotela na dokotela na dokotela na dokotela, na tshiñwe na tshiñwe, huno ngoyu u khou tshila ñamusi. Zwino, no ri ni ḥo 'nneña dolara dza tshigidi.' Ndi ḥodou dzi panga kha tshikwama tsha vhurumiwa. Ndi a dzi ḥoda." Ni a vhona? Ni a vhona?

A ri, "Zwo luga, dzi hangei Waco, Texas."

Nda ri, "Ri ḥo ya matshelo."

³²⁰ A ri, "Imani lwa tshifhinganyana. I ri ni ndi ni vhudze tshinwe tshithu. Ndi ḥuwa na musidzanyana. Huno i ri ni ndi dzhie tshirenda huno ndi tshee tshanda tshawe, huno zwenezwo inwi ni tshi fhodze, phanda ha vharathu vhashu. Huno vha ḥo ni ñea iyo tshelede."

Nda ri, "Iwe diabolo!"

³²¹ "Arali Iwe u Murwa wa Mudzimu, itsa kha tshifhambano itshi." "Ri vhudze we a U rwa," e na labi u mona na ḥohohi Yawe. Vha Mu rwa khayo, vha ri, "Zwino, arali U muporofita, ri vhudze we a poro..." "Arali Iwe u Murwa wa Mudzimu, itsa kha tshifhambano."

³²² Vharangaphanda vho pofulaho vha mabofu! Vha ḥoda phodzo ya muhumbulo, muthu a no ita tshithu tsho raloho, kana a ita ḥihumbulwa ḥo raloho. Zwa vhukuma.

³²³ Tshililo tshi ḥivheaho tsha kale, nangwe, "Kha ri U vhone u tshi ita dembe. Mune washu, ri ḥo ḥoda dembe kha Iwe." Ngeno, ḥuvha liñwe na liñwe, awara iñwe na iñwe, zwo vha zwi tshi khou di itea, Mudzimu a tshi khou di zwi ranga phanda uri zwi itwe. Fhedzi vho vha vha siho. Arali vho vha vhe hone, vho zwi vhidza "Belesebulu, diabolo." Ni a vhona? "Mune washu, ri ḥo tama arali U tshi zwi ita nga ndila ine ra ḥoda U tshi zwi ita." Izwo ndi zwone. "Iya hune ra ḥoda U tshi ya, ita zwine ra

ṭoda.” Oo, ee. Uh-huh. Vho vha vha si na ndango Khae. Hai, muṇe wanga. Ndi ngazwo vho ḍo tea u Mu bvisa vhukati havho. Ee, mune wanga. Vha khou lingedza u ita zwenezwo zwithihi namusi. Huno nga dzangano ḥa zwithidzo, mafheleledzoni vha ḍo fhedza nga u zwi ita, ni a vhona, vhoṭhe vha tshi khou tshimbila vhoṭhe. Tshililo tshi ḫivheaho tsha kale.

³²⁴ Hafha ri vhona, hafhu, fhethu ha vhurereli nga maandesa, ha khwinesa, vhadivhi vha theolodzhi vho pholishwaho, vha tshi khou huwelela hafhu, nahone vha tshi lwa Nae, vha tshi khou huwelela. Vhadivhi vheneyho vha khwinesa vha theolodzhi, vha no tea u ḫivha zwo fhambanaho; zwithidzo zwenezwo zwa n̄thesa, na vhadivhi vha theolodzhi vho pfumbudzwaho lwa khwine, vha a Mu pandela vhukati havho. A vha Li ḥodi.

Inwi ni ri, “Izwo zwo khakhea, Mukomana Branham.”

³²⁵ Zwenezwo no vha ni siho fhano u vhona *Zwikhathi Zwa Tshividzo*, kana u pfa zwi tshi reriwa. No vha ni siho fhano, musi, itshi Tshikhathi Tsha Laodikea tsho vha tshi tshore fhedzi tshe vha Mu pandela tshividzoni. Huno O vha e nn̄da, nga nn̄da, a tshi khou om̄ba-omb̄a, a tshi khou lingedza u vhuyeleta ngomu. Vho Mu pandela ngauri a vha na mushumo Nae. Vha Mu vhamba nga huswa. Amene! Ri ḍo ya vhukule vhungafhani?

³²⁶ Elelwani, muporofita wa Ipfi ḥa Mudzimu o no ḫi ri vhudza, kha Timotheo Ya Vhuvhili 3, arali ni tshi khou i nwala. A ri na tshifhinga tsha u i vhala. Fhedzi yo amba, zwauri, “Mađuvhani a u fhedzisela, vhanyefuli vha ḍo ḫa. Vha ḍo vha vha no dihudza, vha no ḫonga, vha funaho zwa madakalo u fhira u vha vha funaho Mudzimu; vhasumeleli, vha sa ḫivhofhi, vha re na vhuhalu, na vhanyadzi vha avho vho lugaho, vha sa thembei, vha no ḫihudza, vha no ḫonga, vha re vha zwikolo; vha re na tshifanyiso tsha u nga vha ofha Mudzimu, fhedzi Maanda aho vha tshi a hana: vho raloho sendela kule havho! Ngauri hoyu ndi mufuda une wa dzhia vhasadzi vho tsilufhalaho, vho fhungudzelaho mavhudzi,” vha no ambara dzishothi, zwifhaṭuwo zwo penndwaho, “vha tshi bva fhethu vha ya fhethu, huno vha vha zhondongedza.” Izwo ndi zwone kokotolo.

³²⁷ O ri, “Tutshelani kule hazwo, mađuvhani a u fhedzisela.” Kha ri thetshelese muporofita. Tutshelani kule ha izwo zwithi mađuvhani a u fhedzisela. A fhano. Ndi khou huwelela kha Tshividzo zwino. Ee, muṇe wanga. Sendelani kule hazwo!

³²⁸ Vhone vho, vhone, vha-vhashumeli vha lino duvha, vha tea u ḫivha hezwi zwithu. Vho vha vho tea u vha vho ḫivha Yesu mađuvhani Awe. Vho vha vho tea u vha vho ḫivha. Huno zwino vha tea u zwi ḫivha, fhedzi a vha zwi ḫivhi. U tou fana na vhadededzi vha Vhayuda vha mađuvhani Awe vho vha vho tea

u vha vho Mu ḋivha nga ḋuvha Lawe, zwo ralo na ḥamusi, zwa Ipfi la Mudzimu lo khwathisedzwaho nga ndila i pfalaho. O vha e Ipfi, huno O sumbedza uri O vha e Ipfi. O sumbedza uri O vha e Ipfi la lino ḋuvha. Huno Mudzimu o zwi sumbedza ḥamusi uri Ndi ene Ipfi la lino ḋuvha, Tshedza tsha awara. Huno vho vha vho tea u vha vho zwi ḋivha tshifhingani itsho, huno vha tea u zwi ḋivha zwino.

³²⁹ Vho Mu vhamba tshifhingani itsho, huno vha khou Mu vhamba zwino. Ndi vha vhona mulandu wazwo! Ndi zwone. Li dzulela u taidza nga kha nne, “Vha vhone mulandu, ngauri Mudzimu u khou yo vha ita urī vha zwi lifhe!”

³³⁰ Vhayuda vha ḋuvha lavho. Mudzimu hafhu, mađuvhani e kha liphasi, Yesu o ri, “Yerusalem, Yerusalem, ndi kangana Ndo vha ndi tshi do vha ndo u kuvhanganya kha tshigwada tshithihi tshihuluhulu, fhedzi wa sa fune.”

³³¹ Nga ndila ye Mudzimu a lingedza, mađuvhani aya a u fhedzisela, u tanganya vhatu Vhawe, fhedzi na sa fune. No takalela ndaela yaṇu, ngaurala zwino no kumedzelwa kha ndozwo. Izwo ndi zwe Yerusalem wa tanganedza; wo kwashekanywa, wa fhiswa, a u tsheho. Huno izwo ndi zwone kokotolo zwine zwa do vha zwone, nga maiwe a mađuvha aya, kha izwi zwithu zwihiulu fhano. Ndaela dzaṇu khulu na dzidinomineisheni dzi do fa nahone dza lovha, fhedzi Ipfi la Mudzimu li do vha la U Ya Nga Hu Sa Fheli huno la tshila lini na lini. Ni a vhona?

³³² Mbonzhe Dzawe dzo tsesaho dzi bva nduni ya vha no sokou vhidzwa dzikhonani. Elekanyani, edzonu zwi elekanya. Edzonu zwi elekanya! Imani! Ndi khou lindela lwa tshifhinganyana. Vhashumeli, edzonu zwi elekanya! Naa mbonzhe Dzawe dzo bva ngafhi? Nduni ya vha no sokou vhidzwa dzikhonani Dzawe. Sa zwe zwa vha zwi zwone, zwo ralo. Edzonu zwi elekanya! Ngei Khalivari O vha a songo tingeledzwa nga—nga mahwarahwara, vha sa ḋivhi, fhedzi nga vhashumeli vhe vha ri vha a Mu funa. Huno ḥamusi, musi Mafhungo-madjifa a tshi ḋivhadzwa lwo vuledzeaho, musi zwiga zwihilwane zwa muwo Yawe zwi tshi sumbedzwa vhukati hashu, a si tshiṭaraṭa ngei nn̄da tshi no ni fhufhela, ndi vha no sokou vhidzwa vhashumeli.

³³³ Avho vhane vha tea u Mu funa, ndi vhone vho Mu tingeledzaho ḥamusi. “Ri nga si vhe na itsho Tshithu vhukati hashu. Ri nga si vhe na uyu Muthu uri a ri vhuse. A ri nga tikedzi. A ri nga vhi na tshumisano nga ha Hetsho, mudini uno, arali itsho Tshithu tshi da ngeno. A si tshithu nga nn̄da ha lutendo lwa u davhidzana na vhaftu. Ndi diabolo.” Vha sa ḋivhi Ipfi la Mudzimu, bofu lo ranga phanda bofu. Sa zwe zwa vha zwi zwone tshifhingani itsho, elekanyani, zwo ralo na zwino. Sa zwe zwa tou vha zwi zwone tshifhingani itsho, zwo ralo na zwino. Elekanyani!

³³⁴ Maanda Awe a u fhodza na u vhofholola vhanna na vhasadzi kha lufuno lwa ili shango la zwino, kha vha u fhungudzela mavhudzi, Vhojesebele vho penndwaho zwifhauwo vha no divhidza Vhakriste; huno vha tshi bveledza vhutshilo ho raloho, vha tshi daha sigarete, vha tshi amba miswaswo ya tshika. Vha dzula fhasi huno vha vha na dzangano la vhurumiwa, huno vha luka na u runga, huno vha amba, na tshikandala, huno—huno vha bvela nn̄da tshitaratani nahone vha ambara dzishothi, na tshiniwe na tshiniwe tsho raloho; huno zwenezwo vha divhidza Vhakriste, phanda ha vhañwe vhasadzi. Ni elelwa tshitori tshanga tsha phuli ye ya vha i tshi zwi divha zwauri yo vha i murwa wa khosi, mvumbo yayo. Naa riñe ri fanela u vha mini? Vhanna na vhasadzi, huno ra hana . . .

³³⁵ Avha vhafunzi, idzi phuluphithi dzine A wana zwiñhavhi Zwawe, vho vhea nahone vha khwathisedza lushaka ulwo lwa kutshilele vhukati ha vhathe, he vha Mu ñhavha. Vha hana Maanda a u—u vha vhofholola khalwo, huno vha lu khwathisedza uri lu vhe nga u ralo. Ngeno, zwo fhambana na Ipfi la Mudzimu, musadzi a tshi fhungudzela mavhudzi awe, kana u pennda tshifhauwo tshawe, kana u ambara dzishothi. Zwo fhambana na Ipfi la Mudzimu, fhedzi vha a zwi khwathisedza, vha tshi khou ita inwe Khalivari (i bvaho ngafhi? i bvaho tshitaratani? i bvaho lufherani lwa bara?) i bvaho kha phuluphithi, i bvaho kha phuluphithi.

³³⁶ Huno, hafhu, naa tshililo tsho vha tshi tshifhio? “U Diita Mudzimu.” Vha hana Vhumudzimu Hawe. Vha lingedza u Mu padukanya huno vha ita Midzimu miraru kana mina Ngae. Ngeno, E Mudzimu; O vha e Mudzimu; U do vha Mudzimu tshifhinga tshothe, a sa shanduki mulovha, namusi, na lini na lini. Musi ni tshi amba nga ha Mudzimu muthihi, khavho, vha a ni sea. “Ri tenda kha vhuraruthihi vhukhethwa.”

³³⁷ Ndi tenda kha Mudzimu muthihi mukhethwa, ee, mune wanga, Maanda Awe a u fhodza, u vhofholola, huno a bvisa avha vhathe kha lufuno lwa shango, u vha vhofholola vhunga zwe A ita Maria Magadalina. Elelwani, o vha e Jesebele muñuku o penndwaho, na ene-vho. O vha e na vhodiabolo vha sumbe ngomu hawe. O vha e mudzia-u-sa-fuka.

³³⁸ U tou fana na musadzi wa musalauno tshitaratani namusi; iyani huñwe na huñwe hune na ñoda huno ni sedze. Arali ni sa tendi uri vhathe vha gwadamela tshikhethwa tsha vhasadzi vha re fhedzi, sedzani tshitaratani namusi. Sa zwe zwa vha zwi zwone maduvhani a Sodoma, zwi do ralo. Sedzani nn̄da, arali ni sa zwi tendi, itonu ya huñwe na huñwe. Vulani bammbiri, vulani magazini, sedzani kha bodo ya khunguwedzo, naa ri wanani? Elelwani zwe la ri, “Musi vharwa vha Mudzimu vha tshi vhaba vhananyana vha vhathe uri vho naka, vha di dzhieila vhasadzi.” Vhonani tshikandala ngei England, vhonani tshikandala fhano, sedzani tshithu tshothe, tsho no vha nn̄du ya vhurengisamuvhili.

³³⁹ Naa ndi ngani zwe ralo? Naa ndi ngani Russia yo vha vhukomunisi? Nga ñwambo wa mikhwa mivhi na tshika, na u shaya Maanda a tshivhidzo tsha Katolika. Huno izwo ndi zwone kokotolo uri ndi ngani ulu lushaka lu tshi vhusiwa, vhukomunisi na dzangano ja zwivhidzo, huno li tshi ditanganya na tshivhidzo tsha Katolika. Lune, vhukomunisi na Vhukatolika zwi do vhumbana, ni a divha, huno ngezwi vha khou zwi ita. Mulandu? Nge vha landula Mafhungo-madifha a no vha fhandekanya huno a vha ita vhathe vho fhambanaho! . . . ? . . . Itsho ndi tshone tshiitisi kokotolo.

³⁴⁰ Huno vhashumeli phuluphithini vha a zwi kondelela, u itela thikhithi ya zwiliwa, u itela tshiimo tsha matshilisano tsha iñwe ndaela, ha pfi, “Ndi wa *Mukeneñene*,” vha tshi khou rengisedzana pfunzo na Maanda a Mudzimu; vha vhofholole kha ulu lushaka lu pengaho, vhunga Maria Magadalina.

³⁴¹ Maanda eneo e a kona u dzhia uyo mudzia-u-sa-fuka muñuku tshitarañani, huno a mu ita uri a ambare zwiambaro nahone a difare vhunga mufumakadzi, a mu ita Mukriste ngae, vho hañula ayo Maanda, huno vha vhamba Muthu we a vha e Nao, Khalivari.

³⁴² Huno ñamusi, Mafhungo-madifha eneo na Muya Mukhethwa u no ño dzhia uyo mudzia-u-sa-fuka muñuku huno wa mu ita uri a ambare vhunga mufumakadzi nahone a difare vhunga Mukriste, vha U vhidza “vhusweleli ho kalulaho.” A vha U ñodi u tshi vangana na tshivhidzo tshavho, Wa dzikuwa vhukati havho, wa itisa uri vhañwe vhasadzi vha zwi ite. Naa vha itani? Vha a U pandela, u tou fana na zwe vha ita tshifhingani itsho. Huno zwino vha vhamba Ipfi ñeleno huno vha ri Lo vha li la tshiñwe tshikhathi. Ndi vha vhona mulandu hafhu, ee, muñe wanga, u tou fana na zwe vha vhonwa mulandu tshifhingani itsho.

³⁴³ Tshiga tshe tsha ita uri Legioni mulala a ambare zwiambaro zwawe. Elelwani, muthe a no bvula zwiambaro zwawe u a penga. Ni a vhona? Musadzi ene? Legioni o vha a tshi penga; o ñibvula zwiambaro. Mudzimu o dzhia Maanda Awe huno a mu ita uri a ambare zwiambaro zwawe. O ambadzwa, ñhalukanyo yawe yo fhelela, o dzula fhasi milenzheni ya Yesu.

³⁴⁴ Vhonani Maanda e a ita uri Baratimeo mulala o pofulaho a vhone, heneffo vhukati ha ndaela dzavho. O vha e kha lifhasi musi ho vha hu na u sa tenda hunzhi sa hune ha vha hone ñamusi, fhedzi a ho ngo Mu imisa na kathih. O bvela phandä. Ho ngo shumisa nungo dzawé dzothé khavho. O vha vhudza, “Inwi ni vha khotsi aña, diabolo.” Ó hañula tshithu tshothe.

³⁴⁵ Maanda e a kona u vusa Lazaro tshaloni, nahone a dovha a ñea musadzi wa Naini murwa wawe! Oo Mudzimu! Maanda e a kona u ita izwo zwithu, e a kona u bvumba zwithu zwe

zwa bvelela. “Hu na mbili...Donngana, hu na donngana yo vhoxwaho ndilani mbili,” na izwi zwithu zwe the A bvumba. Muthu onoyo we a vha e na hayo Maanda, “A ri na mushumo Nae. Ri nga si vhe Nae vhukati ha vhatu vhashu. U tshikafhadza pfunzo dzashu,” huno vha Mu vhamba.

³⁴⁶ Zwenezwo zwithihi namusi, “A ri na mushumo na Muya Mukhethwa,” a vha ṭodi u vha na mushumo Nawo. “U a haṭula nahone u ita izwi zwithu, huno wa vhudza vhatu vhashu izwi zwithu a ri ṭodi u vhilinganywa vhukati ha madzangano ashu. Zwi lwa na ndaela dzashu.” Vha Mu vhamba hafhu. Yawee, nñenñe!

Dzhielani nzhele zwino ri tshi khou vala. Ri tea u vala.

Huno, hafhu, vha U vhidza “vhusweleli ho kalulaho.”

³⁴⁷ Huno vho Mu vhidza “wa vhusweleli ho kalulaho.” Vho ri, “O vha a tshi penga.” Nnyi na nnyi u a zwi divha uri Bivhili yo amba zwauri, “Yesu o vha,” avho Vhafarisei vho ri, “uyu Muthu ndi Musamaria, nahone U a penga.” Zwino ipfi penga li amban? “U penga.” “Uyu Muthu u a penga. Vha tshigwada tsha vhatu vha no Mu tevhela. Ndi Belesebulu.”

³⁴⁸ Huno, hafhu, vha amba zwenezwo zwithihi, “Ndi mufuda wa vhuloi. Ndi u bvumba mashudu,” vha tshi khou Mu vhea hafhu tshifhambanoni tsha thoni. Tshifhamban-de? Thoni-de? Ndi ene Ipfi lo khwathisedzwaho; vha tshi tambo Ngalo, vha tshi vhudza vhatu uri Ndi diabolo. Vha tshi khou ita tshiñwe tshithu, huno vha vhidza . . .

³⁴⁹ O ri, “Vhone vha tshi vhidza mishumo mikhethwa ya Mudzimu ‘muya wa tshika u no khou zwi ita,’ a hu na khangwelo yazwo.”

³⁵⁰ Vha tshi shonisa Ipfi Lawe, vha tshi lingedza u Li tana nahone vha Li vhidza vhufhura kana vhusweleli ho kalulaho, “Ni songo ya khayo. Ni songo ya miṭanganoni iyo.” Uh-huh.

³⁵¹ Naa vha itani nga u ita hezwo? Vha dzhia zwibigiri zwa ndaela dza dinomineisheni dzavho. Izwo ndi zwone. Avha vhadededzi vha zwimaho zwa madakalo, vha shango, vha sa ofhi Mudzimu, vha pengaho nga ndila ya dinomineisheni, vha dzhia zwibigiri zwa dinomineisheni huno vha vhamba Murwa wa Mudzimu ngazwo, nga huswa, phuluphithini dzavho.

³⁵² Naa ndi ngani vha tshi ita hezwi? “Vha funa thendo dza vhatu,” digirii dzine tshihidzo tshi nga vha ḥea dzone, “u fhira lufuno lwa Ipfi la Mudzimu.” Ndi a vha haṭula. A vha koni u edzisa shango, ngauri vha . . . A vha koni u edzisa Ipfi, ngauri vho no di edzisa shango. Vho no di zwi ita. Duvha la vhuñowa line ra khou tshila khalo! Naa ili a si . . .

³⁵³ Naa Khalivari nthihi a yo ngo edana Murena wanga? Naa ndi ngani ni tshi ḥo ita hezwi? Inwi ane na tea u Mu funa, inwi ane a divha zwauri Heļi ndi Ipfi Lawe, inwi ane a nga vhalo

Nzumbululo ndima ya 22, ha pfi, “Ane a ḍo tusa Ipfi lithihi kana a engedza nga ipfi lithihi,” naa ndi ngani ni tshi zwi ita? Naa Khalivari nthihi a yo ngo Mu edana?

³⁵⁴ Ndi ima ndi kha u Mu pilela. Ndi ramilayo Wawe, huno ndi ni vhona mulandu nga Ipfi la Mudzimu. Shandukisani ndila dzañu kana ni ḍo ya vhudzulavhafu. Dinomineisheni dzañu dzi ḍo kwashekana. Ndi ni vhona mulandu Vhuhoneni ha Muhañuli, ndi zwone, inwi, na zwivhumbeo zwañu zwa u nga ni fana na Mudzimu, vhuñowa. Huno ndi ngani ni tshi Li vhidza... Naa Khalivari nthihi a yo ngo edana?

³⁵⁵ Vhunga Petro o amba, “Vhokhotsi aña vha dinomineisheni,” Petro o ni vhona mulandu nga... Ho pfi, “Naa ndi ufhio kha vhokhotsi aña we a sa ite hezwi?” Stefano o ita zwenezwo zwithihi: “Nga zwañda zwivhi no vhamba Mukololo wa Vhutshilo.” Naa Yesu ho ngo amba, Ene mune, “Naa ndi ufhio kha vhokhotsi aña we a sa swiñe vhaporofita mavhidani? Huno ngavhuya ni a a hulunga?” Zwo vha nga u ralo kha muthu o lugaho kha zwikhathi!

³⁵⁶ Ngauralo ndi vhona mulandu itshi tshigwada tshopholishwaho zwa nthesa, tshi no ya tshivhidzoni tsha vhathe vha no landula Kristo vha lino duvha. Inwi, na zwivhumbeo zwañu zwa u nga ni fana na Mudzimu, ni vhamba Kristo wanga lwa vhuvhili, nga u vhudza vhathe, zwauri, “Aya Maipfi ndi a liñwe duvha, huno a si A duvha lino.” Ndi ni vhona mulandu. Ni na mulandu wa vhutshinyi honoho vhuthihi he vha vha vhe naho, nga duvha la u vhambwa. Shandukani huno ni rembulutshele kha Mudzimu, kana ni lovhe.

³⁵⁷ Huno hafhu ndi ri, “Fhano,” zwivhidzo, “vhone,” vhadededzi, “vha vhamba,” nga u nyefula, “Ene,” Ipfi. Mudzimu khathutshela! Kha ndi zwi ambe hafhu. Li nga di vha lo vhilinganywa kha theiphi. “Fhano,” zwivhidzo, “vhone,” vhafunzi, “vha vhamba,” nga u nyefula, “Ene,” Ipfi. A zwi mangadzi zwi hone hafhu:

Vhukati ha matombo a fhanduwaho na
lutombo lu swifhalaho
Mutshidzi wanga o kotamisa ḫohoh Yawe
huno a fa,
Fhedzi lupila lu vuleaho lwo dzumbulula
ndila
I yaho madakaloni a Tađulu na ḫuvha li sa
gumi.

³⁵⁸ Ndi zwi amba kha iyi theiphi, na kha avha vhathetshelesi. Ndi amba hezwi ndi na tsutsumedzo ya Muya Mukhethwa. A re siani ja Murena, kha de fhasi ha Ipfi heli! Mudzimu ngangoho u ḍo qisa uyu murafho muvhi, u no hana Kristo, u no landula Kristo khañuloni, nga ñwambo wa u nyefula,

u vhambwa ha Ipfi Lawe lo divhadzwaho. Vha khou da Khathuloni. Ndi u vhona mulandu! “A re siani la Murena,” o ralo Mushe, “kha de kha nne,” musi Khavhu ya Mulilo yo nembelela heneffo sa vhuțanzi. A re siani la Murena, kha dzhie Ipfi, a hane ndaela yawé, huno a tevhele Yesu Kristo duvha liñwe na liñwe. Huno ndi do ḥangana na inwi nga matsheloni.

Kha ri kotamise zwifhaļuwo zwashu zwino uri ri ite thabelo.

³⁵⁹ Oo Murena Mudzimu, Muñe wa Vhutshilo Vhu Sa Fheli na Musimuli wa Ipfi heli, We a vusa hafhu Murena Yesu vhafuni, We a zwi divhadza nga pfanelo phanda ha mu—murafho wa vhathu vha sa tendiho. Yo vha yo ḥapfa, matsheloni ano. Vhanzhi vho dzula hafha. Kereke yo ḥala. Vhathu vho ima u mona hothe. Huno theiphi dzi khou itwa, uri dzi bve dzi ye shangoni, fhethu ho fhambanaho. Vhashumeli vha do pfa hezwi vhugudeloni havho. Ndi a vha rabelela, Murena. I ri aya Maipfi a wele mbiluni a tse, a tshee u tsa fhasi, a tshetshelle kule shango ḥothe. Uri vha kone u amba vhunga . . .

³⁶⁰ Uyu mushumeli muṭuku wa Methodisi fhasi ngei Kentucky, o da kha nne liñwe duvha, huno a ri, “Musi ndo vha ndi tshi khou pfa izwo *Zwikhathi Zwa Sumbe Zwa Tshivhidzo*, ndo pfa i tshi vhidzelela, ‘Sendelani kule ha idzo mbondo dza Babele,’” ya ri, “Ndi a dzi litsha nahone nda ṭuwa. A thi divhi uri ndi livhe thungo ifhio kana ndi iteni, fhedzi nda ṭuwa.” Nga hu fhaṭutshedzwe tshivhindi tsha uyo muṭhannga, na mufumakadzi, na vhana vhavhili kana vhararu.

³⁶¹ Mudzimu, ngavhe vhanzhi vha tshi wana ndila yavho ya u ya kha Ipfi la Mudzimu, ndila i yoṭhe ya Vhutshilo, ngauri Ndi ene Ipfi. Ndi rabelela muñwe na muñwe, Khotsi. Tshiñwe tshifhinga ndi tshi amba izwi zwithu, a si nga tshiṭuhu; ndi nga lufuno, ngauri lufuno lu a khakhulula. Huno ndi a rabela, Mudzimu, uri vhathu vha do zwi pfectesa uri zwi nga ndila heyo, uri ndi zwa u tou khakhulula. Iwe We wa do tea u khakhulula, huno wa vha rabelela tshifhambanoni, u tshi ri, “Khotsi, vha hangwele. Vhone, vho pofula, vha—vha tou sa pfectesa zwine vha khou ita.”

³⁶² Ndi rabelela avho vhashumeli namusi vha no khou vhamba Ipfi hafhu, nga u dzhia ndaela dzavho na dzidinomineisheni na dzidogima, huno vha tshi ita uri zwi imele Ipfi la Vhutshilo. Huno zwenezwo, phanda ha vhathu, vha—vha sasaładza Ngoho ya vhukuma ine Mudzimu a khou khwathisedza u vha Ngoho Yawe. Ri a vha rabelela, Khotsi, uri U vha vhidze vha de kha Tshilalelo tsha Mbingano hafhu. Huno ngavhe vha tshi da nga tshino tshifhinga, huno vha si wane zwa u diṭanzwa, ngauri ndi a limuwa uri mbidzo ya u fhedza i nga di vha yo no itwa. Tshifhinga tshi nga di vha tsho no ṭuwesa zwino. Ndi fulufhela uri a tshi athu.

³⁶³ Fhatutshedza itshi tshivhidzo tshițuku tshi re hone fhano, avha vhathe vha mađana a si gathi vho kuvhanganaho ngomu hafha matsheloni ano, ili ɖuvha li fhisaho, vho dzula fhano tshifhinga tshilapfu, khamusi awara mbili kana dzo engedzeaho, tshumelo, huno vha thetshelesa. A vho ngo ɻuwa. Vho dzula vha dzika huno vha thetshelesa. Vhanzhi vhavho vho lindela zwiswițulo zwavho, na vhasadzi vho ima na vhuskie havho, huno vho lindela. Vho farelela kha Ipfi liňwe na liňwe.

³⁶⁴ Murena, ndi a talukanya zwine zwa do bvelela kha nne nga ɖuvha la Khaṭhulo arali ndo xedza avho vhathe. Ndi a limuwa, Murena, ndi a limuwa lune nda pfa. Uri, ndi khou lingedza u vha isa kha Ipfi, huno nda vha litsha vha tshila nga Ipfi, ndi tshi vha vhudza zwauri U “a sa shanduki mulovha, ɻamusi, na lini na lini,” uri Muya Mukhethwa muhulwane ndi Yesu Kristo, a tshi tou vha nga tshivhumbeo tsha Muya Mukhethwa, onoyo Muthu muthihi. Wo amba nga u ralo. “Lwa tshifhinganyana huno shango a li tsha Mmbona; nahoh ralo ni do Mmbona, ngauri Ndi do vha na inwi, na ngomu hanu.” Huno Ndi a zwi ɖivha uri hoyu ndi Iwe, Murena. Huno ri a U tenda, ngauri ri a U vhona u tshi ita zwenezwo zwithihi vhukati hashu.

³⁶⁵ Ri a dikumedza ɻamusi, ro dzivhuluwa, ri ita fhano tshivhidzoni tshino na kha dzitheiphi. Murena, kha tshino tshifhinganyana fhedzi, ngavhe munna na musadzi muňwe na muňwe, mutukana kana musidzana, a re—a re hone fhano, kana o imaho nn̄da, kana a zwi pfe kha theiphi, ngavhe riňe nga tshino tshifhinga ri tshi ita vhuđikumedzeli ha ngoho-ngoho huno ra kumedza muňe o fhelelaho kha tshumelo ya Mudzimu.

³⁶⁶ Shuma kha vhatetshelesi, Murena, nga Maanda, huno u fhodze vhalwadze. Vho ri vha na mutukanyana wa muholefhali o dzulaho nga hangeno. I ri uyo Muya Mukhethwa muhulwane... Ri a zwi ɖivha, zwa u tou dzula Vhuhoneni Hawe ngaurali, U do zwi ita. Arali U tshi nga ya kha radio na thelevishini, nn̄da kha mashango, wa fhodza vhalwadze, “Wo ruma Ipfi Ɂau huno Ɂa vha fhodza,” U nga ita zwenezwo zwithihi nga tshino tshifhinga. Ndi a rabela, Mudzimu, uri U fhodze mulwadze muňwe na muňwe, muholefhali muňwe na muňwe, a thupheaho muňwe na muňwe, fhano na a pfaho aya Maipfi. Mudzimu, zwi tendele. Thabelo yanga ndi ya u itela vhone.

³⁶⁷ Ndi na—ndi na lufuno lwa Kristo mbiluni yanga na u pfela vha re na ɻhodea, ndi a vha ɻekedza, Murena, kha Iwe, kha alīari ya tshithavhelo, hune muvhili u re na Malofha wa iyo Ngwana wa vha hone sa tshipfumelo tsha zwivhi zwashu na vhulwadze, tshi henefho. Ndi humbelela vhathe khathutshelo. Ndi ɻodou ima sa Mushe o ima, sa philelo u itela vhone, Murena, nahone nda ri, “Mudzimu, ivha wa khathutshelo

khavho, khavho, tshifhinga tshilapfunyana, huno u vha nee tshiñwe tshikhala.” U songo—u songo zwi ita zwa zwino, Murena. I ri—i ri Mafhungo-madifha a tou ya phandanyana.

³⁶⁸ Vho—vho haṭulwa, Murena. Ndi rabela uri khathutshelo Yau khulwane na tshilidzi zwi do—zwi do swika kha muthu wa u fhedza a re na dzina lawe kha Bugu. Huno ndi a zwi divha uri zwi do ralo. A zwi kondi u rabela ndi tshi lwa na Ipfi lau Likhethwa, kana ndi tshi lwa—kana ndi tshi lwa... na Ipfi Likhethwa, ndi khou ḥodou ralo, Murena; Ipfi le la fulufhedziswa, Ipfi le la khwathisedzwa, Ipfi le la ta avha vhathu hangei murahu shango li sa athu tewa. A zwi—a zwi kondi u—u rabela uri U tshidze avho vhane madzina avho a vha kha Bugu, ngauri ndi a zwi divha uri U do zwi ita. Yesu o ralo, “Vhothe vhe Khotsi a Nqea vha do da.” Huno a hu na muthu ane a nga da nn̄dani ha musi o newa.

³⁶⁹ Zwino ndi a rabela, Mudzimu, uri huñwe na huñwe hune aya Maipfi a wela, vhothe kha theiphi na vha re hone fhano, uri Muya Mukhethwa u do vhidza muthu muñwe na muñwe o tiwaho zwenezwino, u bva tshe shango la tewa musi dzina lawe li tshi nwalwa Buguni ya Ngwana ya Vhutshilo. Ngavhe vha tshi pfa Ipfi la Mudzimu li tshi amba namusi, nga ilo Ipfi lituku, lo dzikaho, lituku ngomu mbiluni dzavho, li tshi ri, “Ngeyi Ndila, tshimbila Khayo.” Zwi tendele, Khotsi. Ndi a zwi humbelia Dzinani la Yesu.

³⁷⁰ Huno zwino ro kotamisa zwifhatuwo zwashu fhano kha vhathetshelesi. Arali ni tshi tenda zwauri izwi ndi Ngoho, huno na—na...ndo vhea, ndo vhea tshanda tshanga kha idzi sagaduku dzi re hafha, na paka dza vhalwadze na vha ḥupheaho. Ndi ḥodou ni vhudzisa mbudziso, nga u fulufhedzea zwino.

³⁷¹ A thi di fhano uri ndi tou pfiwa. Ndo—ndo—nne ndo neta. Nne a thi tsha kona. Nne a thi tsha vha muswa sa zwe nda vha ndi zwone, huno ndi—huno ndi a zwi divha zwauri mađuvha ashu o vhaliva. Huno ndi a zwi divha zwauri ndi tea u dzhenisa tshithu tshiñwe na tshiñwe tshiñku tshire nda kona, u itela Muvhuso wa Mudzimu. Ndi tea u rera tshifhinga tshiñwe na tshiñwe ndi tshi wana tshikhala. Ndi tea u ralo, ndi tea u ya kana ndi a funa kana hai.

³⁷² Ndi da fhano ngauri ndi—ndi pfa ndi tshi tea u zwi ita. Ndi—ndi ḥoda u zwi ita. Ndi a ni funa. Huno a thi ambi zwithu ndo halifha nahone ndi tshi ombedzela, u—u...ngauri ndi tshi ḥoda u ralo. Hu—hu na mudivhitho ngomu hanga. Tshithu tshenetshi tshe tsha khwathisedzwa ndi tshone tshithu tshi no nkombetshedza u ita hezwi zwithu. Ndi zwi amba nga vhulenda, na lufuno. A thi khou ḥoda u sokou hambekanya vhasadzi vhashu kana vhanna vhashu. A thi khou ḥoda u ita hezwo, mukomana, khaladzi. Ndi khou ḥoda fhedzi u ni disa

fhe—fhetu havhuđi, hune ni nga kona u vhona khakhululo na tshimebi tsha Murena, tsha uri ni fanela u dzhena zwino. Ni songo zwi lengelela; ni nga ḥo lindelesa.

³⁷³ Huno inwi a no takalela u ḫa siani ḫa Murena, ni tshi khou dikumedzela tshođhe mbiluni yanu, hu na vhathetshelesi zwino, kana shangoni ḫine idzi theiphi dza do vha hone; ni ḥo ralo, no kotamisa zwifhađuwo zwađu... Ni songo imisa zwanda zwađu arali ni songo ḫiimisela. Zwino arali no ḫiimisela zwa vhukuma, ni tshi ḫoda u ḫa kha Murena, nga vhutshilo ho kumedzwaho lwo engedzeaho, ni nga si imise tshanda tshađu zwa zwino. Inwi, Murena a ni fhađutshedze. Ni khou dikumedza nga huswa kha Kristo, u lingedža u hwala u nyadziwa. Inwi ni ri, “Ndi a funa ḫamusi u dzhia u nyadziwa.”

³⁷⁴ Ndo isa zwanda zwanga zwethe n̄tha, na n̄ne-vho. Ndi, ndi ḫodou dzhia u nyadziwa ha Yesu Kristo nda u kapea kha n̄ne. Ndi ambara ulu luswayo lu no vhidzwa “muvhumbuluwi mukhethwa,” tshiňwe na tshiňwe tshine na ḫoda u lu vhidza tshore. Ndi a dihudza ndi tshi lu ambara, ngauri ndi u itela Murena. Ndi a ḫihudza ndi tshi lu ambara.

³⁷⁵ Naa inwi nothe a ni ḫodi u ita zwo raloh? Imisani zwanda zwađu, nahone ni ri, “Nga tshilidzi tsha Mudzimu, ndi—ndi—ndi ḫoda... n̄ne...” Vhafunziwa vho vhuya, vho elekanya uri ho vha hu khuliso khulwane u hwala u nyadziwa ha Dzina Ławe. Kana, ni ḫodou hwala u nyadziwa ha iňwe ndele ya Hollywood, kana tshiňwe tshithu tsha thelevishini, kana muňwe murado wa tshivhidzo, kana tshiňwe tshithu? Kana, ni ḫoda u nyadziwa ha Ipfi ḫa Yesu Kristo? “Nqee u nyadziwa ha Ipfi, Murena. Ndi a zwi ḫivha uri O hwala u nyadziwa ha Ipfi ḫa Mudzimu. Kha ndi u hwale, na n̄ne-vho, Murena.”

Huno itshi tshifhambano tsho kumedzwaho
ndi ḥo tshi hwala
U swika lufu lu tshi mbofholola,
Nda mbo ya hayani, u ambara khare.

³⁷⁶ Hu ḥo vha na khare yashu liňwe đuvha. I khou itwa zwino. Musi vhutshilo vhuno ha liňhasi ho no fhela, zwenezwo ri a zwi ḫivha uri zwi ḥo luga.

³⁷⁷ Zwino a hu na lufhera lwa u ḫisa vhatu u mona na alitari. Tshidzulo tshađu kha tshi vhe, hune na vha hone, alitari. “Vhanzhi vho tendaho...” Musi ri tshi rabela.

³⁷⁸ Khotsi wa Tađulu, kha n̄ne zwo vhonala u nga tshanda tshiňwe na tshiňwe tsha muswa na mulala, tsho vha tshi n̄tha, kha avha vhathetshelesi. Huno ndi rabela uri, tshifhinga tshiňwe na tshiňwe tshine theiphi ya ḥo lidzwa, vhatu vha imise zwanda zwavho, huno vha gwadama fhasi lufherani; khotsi na mme vha ya nga hangei huno vha farana nga zwanda, huno vha ri, “Mufunwa, ndi kale ri mirado ya tshivhidzo. Kha ri de kha Kristo.” Zwi tendele, Murena.

³⁷⁹ Fhaṭutshedza avha vhathu fhano. Ndi rabela uri U ḫo vha nea, Murena, vhutshilo ho kumedzwaho. Vhanzhi vhavho, Murena, ndi vhathu vhavhuđi. Ndi—ndi vhathu Vhau; vha tou vha vha songo divha Ngoho. Huno ndi rabela uri U ḫo vha sumbedza Ngoho Yau, Murena. “Ipfi Łau ndi Ngoho.”

³⁸⁰ Vhunga Wo amba kha Yohane, ndi elekanya uri ndi kha ndima ya 17, Wo ri, “Vha khethefhadze, Khotsi, nga Ngoho. Ipfi Łau ndi Ngoho.”

³⁸¹ Huno Lone hafhu, Ipfi Łau, li kha ḫi vha Ngoho. Ndi Ngoho tshifhinga tshothe, ngauri ndi Mudzimu. Huno ndi rabela, Mudzimu, uri U vha khethefhadze nga Ngoho. Ndi uri, u khethefhadza, vha kunakise kha ndaela dzothe na dzidinomineisheni. Vha kunakise kha zwithu zweithe zwa shango, kha vhutshilo ho kumedzwaho ha Ipfi. Zwi tendele, Murena. Ndi Vhau zwino. Wo fulufhedzisa u zwi ita. Huno sa mulanda Wau, ndi ńekedza thabelo yanga vhuimoni havho. Nga Dzina la Yesu Kristo.

³⁸² Zwino zwifhātuwo zwashu zwe kotama, kha ri imbe holu luimbo musi ri tshi bvela phanda na u rabela.

Yesu o zwi badela zweithe,
Zweithe Khae... (Edzonu zwi elekanya!)
Tshivhi...

³⁸³ Mulovha ndo vha ndi fhe—fhethu, huno munna o vha a tshi khou nkala u itela swuthu ye mukomana fhano tshivhidzoni a nthengela. O ri, “Swuthu yanu i vhonala i tshi fhisa, huno ndo ni rengela i rotholelalo.”

³⁸⁴ Huno ndo ya nga hangei uri i fhungudziwe, huno a ri, “Edzonu ri, shada lanu la tsha u la li khou nembelela. Ni fanela u vha no hwala muhwalo u lemelaho linwe ćuvha.”

³⁸⁵ Huno nda elekanya, “Ee, muhwalo wa tshivhi. Fhedzi Yesu o u badela wothe.” Thetshelesani ri tshi lu imba.

Yesu o badela... zweithe,
Zwenezwo zweithe, vhutshilo hanga hothe,
Khae ndi...

Naa tshivhi tsho itani?

Tshivhi tsho sia dondo litswuku,
O tshi tanzwa tsha tshena sa mahada.

³⁸⁶ Mudzimu, ri khathutshele. Kha itshi tshifhinga tsha vhukuma tsha u elekanya, tendela Ipfi uri li nwelele vhukuma, Murena, kha mbilu. Tendela vhathu, naho tshifhinga tsha tshiswiṭulo tshawho tsho no ćuwesa... Fhedzi, Murena, Heli li fhira zwiliwa. Heli ndi Vhutshilo. “Ipfi Łanga ndi zwiliwa,” Wo ralo. Huno Ilo ndi line mimuya yashu i re na ndala ya khou diphina ngalo.

³⁸⁷ Zwino ri dzhie, Murena, ri vhumbe. Murena, nnzhie navho. Ndi ćodou ćuwa navho. Ndi khou ya n̄tha kha Khalivari zwino,

Murena, nga lutendo. Nne ndi khou ḫuwa na itshi tshivhidzo. Zwino itou mmbumba hafhu, Murena. Ndo khakha. Zwifhinga zwinzhi zwe nda . . .

³⁸⁸ A si kale fhano he nda vha ndi tshi khou yo litsha u rera. Vhathu vho vha vha sa mpfi. Vho vha vha tshi sokou dzulela u ita zwenezwo zwithu zwithihi, huno nda—nda nyama. Nda vha na mutsiko. Oo Mudzimu! Swondaha mbili dzo fhiraho, musi U tshi nnea tshiła tshiga ngei nnđa, huno ndi tshi vhala Bivhili, huno nda vhona Wo vhudza Mushe, sa zwe uļa muloro wa vha u zwone, uri ho vha hu na thavha, na yone-vho, huno i do vha tshiga khae. Huno zwenezwo heneffo magumoni awo, ndo ḫivha zwauri ndo—ndo sia vhathu vhanzhisa vha lwalaho; mushumo une wa sa vhe fhedzi kha zwa vhuporofita, fhedzi kha u funza Ipfi, na—na u rabelela vhalwadze. Wo litsha munna a tshi wela fhasi a fa heneffha fhasi, zwenezwo wa mu vhuisa vhutshiloni, u itela khwaṭhisēdzo ya uri zwe vha zwi ngoho. U khwaṭhisēdza Ipfi ḫau tshifhinga tshothe.

³⁸⁹ Zwino, Murena, Li khwaṭhise zwa zwino musi ndi phanda ha Khulunoni Yau. Dzhia muňwe na muňwe wa havha vhathu, Murena, bvisa shango ngomu hashu. Nnzchie, Murena, musi ri Vuhoneneni Hau. Itou dzhia shango, hamula mbilao dzashu, Mudzimu, zwa zwino. Kokodzela shango na mbilaelo ya shango kule hashu. Kha ri vhe Vhakriste vho ḫikumedzaho, Oo Mudzimu, u vha vha funaho na vha vhulenda na u ḫifhisa, ri tshi khou aŋwa mutshelo wa Muya. Naa u nga si ite, Murena? Ri phanda ha Khulunoni Yau. Tshivhi tsho sia dondo litswuku kha muňwe na muňwe washu, fhedzi Malofha Au a nga tshi hangwela, Murena, huno a tshi tshenisa sa mahada. Zwi tendele, musi ro U lindela. Ri dzhie; ri Vhau; vho kumedzelaho vhutshilo hashu kha Iwe. Dzinani la Yesu Kristo, zwi tendele, Murena, kha muňwe na muňwe washu.

³⁹⁰ Hamula mbilao yanga, Murena. Ndi vhona phoswo dzanga dzothe. Ndi vhona khakho dzanga. Mudzimu, u bva nga tshino tshifhinga, nne ndi khou lingeda u tshila lwa khwinresa lune nda kona, u U farisa. Ndi ḫodou ḫuwa, ndi ḫodou kumedza vhutshilo hanga kha Iwe nga huswa, u buđekanya hafha matsheloni ano.

³⁹¹ Nga murahu ha u disa u vhona mulandu uhu ndi tshi lwa na khonani dza vhafunzi dzanga—dzanga ngeyo nnđa, huno nda tea u amba izwi zwithu zwi kondaho, fhedzi, Murena, ndo zwi ita nga tsutsumedzo Yau. Ndi a pfa zwauri Wo mmbudza uri ndi zwi ite. Zwino a zwi tsha vha mahadani anga, Murena. Ndo—nne ndo takala ngauri zwo fhela. Vha litshe vha ite tshiňwe na tshiňwe tshire vha funa ngawo, Khotsi. Ndi rabela uri vha u ḫanganedze. Ndi rabela uri U tshidze muňwe na muňwe, Murena.

³⁹² Ngavhe hu tshi da mvuseledzo ya vho lugaho, na Maanda mahulwane a da vhukati ha Tshivhidzo u ḫuwa Hatsho hu

sa athu swika. A zwi kondi u rabelela hezwo, ngauri Wo zwi fulufhedzisa. Huno ro lindela, Murena, uyo mururo wa vhuraru une ra u divha une wa do ri itela zwithu zwhulwane vhukati hashu.

³⁹³ Ndi Wau, Murena. Ndi divhea kha iyi alitari, ndo tou dikumedza nga ndila ine nda divha u diita. Dzhia shango kha nne, Murena. Dzhia zwithu zwi lovahaho kha nne; nnee zwithu zwi sa lovhi, Ipfi ja Mudzimu. Ngavhe ndi tshi nga kona u tshila ilo Ipfi zwavhuđi, u swika Ipfi li tshi vha kha nne, huno nne nda vha kha Ipfi. Zwi tendele, Murena. Ngavhe ndi sa Li furaleli. Ngavhe ndi tshi fara ilo Banga ja Khosi nda khwađhisesa, huno ndi Li fare zwavhuđisa. Zwi tendele, Murena.

³⁹⁴ Ri fhatutshedze rothe. Ri vhalanda Vhau, musi ri tshi dikumedzel a kha Iwe matsheloni ano, nga huswa, mbiluni dzashu. Ri Vhau, nga Dzina ja Yesu Kristo, u itela tshumelo.

Yesu...

Mudzimu a ni fhađutshedze! Murathu Neville.



U VHONA MULANDU TSV63-0707M

(The Indictment)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Fulwana 7, 1963, Thabereneakeleňi ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org